

中國方志叢書·華南地方·第一六六號

據

清·李文恒修，鄭文彩纂  
咸豐七年刊本

影印

廣東省

# 瓊山縣志



sk/24/66

成文出版社有限公司印行



\*10101544\*

91900#

瓊山縣志

瓊山縣志

續修瓊山縣志序

瓊山郡首邑也泊在郡中故事多登郡志余下車  
伊始觀風問俗徵府縣各舊志公餘披閱見府志  
燦然大備獨縣志漫滅無考爲悵然者久之甲寅  
秋廣匪肆擾因慮夫城垣頽敝樓堞傾圮之不可  
以禦侮也遂與同僚諸君子謀所以新之是歲鳩  
工乙卯夏始吉成暇輒一登眺曠覽邱文莊海忠  
介二公故里殊深人以高山景仰之思而其流風  
遺韻猶足沾溉後人故是邑之羣賢接踵科甲蟬  
聯者亦倍蓰於他屬殆彬彬乎有海濱鄒魯意焉  
乃夷考前明及國初止載郡志而邑乘闕如康熙

間始權與於邑侯潘君嗣是終侯楊侯續踵而修之遂燦然其大備顧自乾隆十二年後距今又一百八年矣其間之絕而不復續者益深人以文獻無徵之懼且夫縣之有志豈惟是書瑣屑記科名鋪張揚厲修聲明文物之盛云爾哉必將記事撮要顯微闡幽節孝忠貞人雖微而必載褒譏褒鉞言有大而非夸庶足發揚往行昭示來茲適城工旣竣遂以語邑侯李君午橋集邑之士士鄭學博文彩蔡學博藩輩戲弄其事仲冬之抄書尙未就而余適有陳臬粵西之命行有日矣諸生來請余一言爲序余欣諾焉爰集諸章縫而語之曰邑之

有志猶國之有史所以信今而傳後者也其毋掩揚過而近譽其毋傳訛多而失真其毋俚褻而同稗乘其毋疎畧而誤魯魚義例必精考核必詳是非必當取舍必公庶使生斯長斯而官斯者可考土宜而知勸相因風俗以善裁成而氣節峻贈文章彪炳與夫德行道義之士經濟篤實之儒亦足使後生小子觀感而興起慕義而向風則斯志之所裨益豈淺鮮哉余行矣諸生其酌古準今考詳論定特具三長備臻眾善俾哀然成帙與府志相輝映焉庶不負余與諸君子相與有成之意也夫是爲序

編進士出身翰林院編修廣東雷瓊兵備道升撰廣西  
按察使司按察使古淪黃鍾音誤



修志姓氏 廣豐王

監定

特授廣東瓊州府瓊山縣知縣文烜

纂修

前任雷州府海康縣儒學辛巳 恩科舉人鄭文彩

前任湖州府饒平縣儒學戊子科舉人蔡藩

分纂

甲 午 科 舉 人李向桐

欽點知縣饒掣直隸丙辰科進士邱對欣

亡 酉 科 舉 人陳毓芝

貢 生符顯

候選儒學廩貢生張伯琦

參閱

乙酉科拔貢生吳儁

丁酉科拔貢生王廷傅

乙巳科優貢生蕭志健

校對

廩生林鳳舉

廩生周慶齡

童生王光緒

編寫

生鄒天章



廩

生林國

附

生吳蘭修

附

生陳謙尊

附

生陳韶光

附

生符會選

附

生王中馭

附

生王之福

附

生蔡傳綸

附

生羅世珍

附

生陳華

採訪

身山果元

歲

頁

生王德綸

歲

頁

生符子立

歲

頁

生符瑞

恩

頁

生陳德潤

恩

頁

生鄧人龍

廩

生吳爲欽

廩

生陳嘉謨

增

生周慶齡

附

生黃建範

附

生丁希度

附

生崔凌雲



附 附

生馮  
生陳有俊


員口系三

卷五

修志姓氏

五





Handwritten text in Chinese characters, possibly a signature or date, located in the bottom right corner of the page.

原序

知潘廷

夫志者記也記者寄也物不能以自傳必有所託以傳之是故或得之故老之傳聞或得之文人學士之紀載搜殘補漏而後其事藉以不朽其人託以必傳瓊邑向無專志總附於郡乘以在郡即在邑也郡既有成書矣今復取邑志而校讐之不鄰於夏日之裘而飽後之飯乎是大不然郡之於邑猶省之於郡也有省志不可無郡志甯有郡志獨可無邑志乎况瓊山爲郡首邑物衆地大非如下州小邑偏僻之邦無多紀載可簡畧以從事也猶舉其大凡存者什九而遺者什一猶且不可況不

止什一乎且其間或事多註漏而標目過繁叙次  
舛錯而繁簡寡當亥豕多訛而年月莫辨令閱者  
掩卷欲卧誠不可也侯受委攝縣事適奉檄取縣  
志卒無以應又不能以府志搪塞爰集邑之紳儒  
開館刻期纂輯而非可以臆爲也溯府志起自唐  
司徒胄繼而戴學道煊修補於舊志間有同異迨  
國朝牛太守天宿復較訂重刻以公事繁劇不能親  
事筆墨屬之教授朱子虛而自總其成今修輯既  
祖述郡志是豈抱殘守陋拾其唾餘而已哉將必  
網羅衆說而加以折衷焉可也夫人固有巧於舟  
車而拙於水鳶者前時著作一皆毫髮無憾大要

當日見確事真。今雖頗有刪補，要不離其本。浪而脫其面目，安能蹈空杜撰，以駭後人也。昔新唐書成，歐陽子自謂卷目較省而記事加多，論者尙以不能勝舊，然則纂輯一事，蓋可易言哉。雖以孔子之聖，猶曰述而不作，吾於邑志亦云。

又

邑令佟世南

江寧人

郡邑之有志猶國之有史也。王者建極設外史以掌四方之志，非徒侈耳目之觀，正以寰宇風尚異宜，戶口異數，其間山川人物土田賦役兵防學校公私室廬井疆坊表建置沿革之類，隨時變遷，徒無志以紀之，何以徵往昔而垂奕禩哉。瓊山孤懸

島嶼邑治附郭向郡有志而縣無志以在郡猶在  
邑也然海南奇甸地處荒徼歷漢唐宋以來洎明  
初陞爲府列州縣十三而瓊山居首人文蔚起彬  
彬有中土風安可無專志以紀其盛況

聖朝車書一統方道輶軒備考輿圖形勝弁天下通志  
以進茲奉上憲檄行准備部咨取郡縣志書世南  
一介下吏受事方新爰遵行查幸有海防潘公署  
理縣事傳集儒學紳衿纂有草稿十二卷分列條  
緒亦既殫厥經營匠心勞瘁矣世南敢以退食公  
餘詳加校閱顧誤多亥豕間有註漏繁簡未盡適  
度品騰或有滋疑因不揣荒愚特幣延名雋焚膏



繼晷或增所未備或訂其未協巨細銖兩同爲商  
權不啻句櫛宇比韓子所謂覽其緒裁其贅記事  
必提其要纂言必鉤其元者準其意以釐正之閱  
月餘而竣乃事由茲一邑之風尙所宜戶口所載  
以及山川人物土田賦役兵防學校公私室廬井  
疆坊表建置沿革皆可按籍而稽洞如列眉指掌  
以之徵往古詔來茲不敢謂有功於創始諸賢僅  
此兢兢不以風影之談妄希徵信於傳史之微衷  
或可以告無罪而邀鑒於高明有識之君子云

又

邑令王贊新安人

天下郡縣之志所以載天下之山川土田以及民

風士習貢之輶軒登之

天府輯成一代車書之盛而徵往詔來一於是焉取信

古者小史掌邦國之志志亦史之支派也今

上之四十三年因修明史一事

勅諸閣臣曰史官舞文杜撰顛倒是非多難憑信卿等

公論不可不採是非不可不明人心不可不服

天語魏煥洵千古以來論斷史事第一義用此意以修

史史之良也通此意而修志志之美也凡以昭信

也瓊山爲郡首邑聲明文物於諸邑爲最始於宋

盛於明理學骨鯁如邱海二公炳若日星他如忠

臣孝子義夫節婦及鴻博淵雅之倫亦屢得之傳

聞乃兵燹之後殘缺散失六十餘年卽有志修明者文獻不足亦相仍於無可如何耳贊以歲甲申待罪茲土蒞任之初急求縣志而蕩然無存其見之郡乘者僅存什一於千百太息久之乃欲推本古史折衷羣書下及稗官之記載堃老之傳聞廣搜備考以訂成書而旁午莫及越明年士紳呈舊繕稿二冊前令佟君爲序披而閱之瑕瑜不掩略無倫次蓋欲拾遺補闕以成一家言而未卒業者繼而復得殘編百餘頁劊修之姓氏不可考魚魯豕亥註漏尤甚用是集學博先生及紳士之練達老成講求搜剔酌古準今類族辨物於其舊之訛

者訂之謬者正之真者揚之賡者抑之至於一切  
新增非確有援據詢謀僉同不敢妄譽一人妄及  
一事寧簡毋繁寧嚴毋濫雖列綱分目窮源竟委  
而計卷不過十計紙不滿千仰體

聖天子所諭修史之意以修志庶幾徵往詔來而取信  
無窮哉獨是以前人之汗牛充棟數十年來畧不  
加意而已殘缺散失以至於今今人之殫心竭慮  
十數年後畧不加意而復殘缺散失以猶夫昔是  
亦大負余今日纂輯之苦心矣敢以望後之君子

又

教諭闕必登南海人

蘇長公有云治法不若治人治人不若治時時者

何風俗是也風俗有盛衰卽以驗政治之得失故古者採風之使屬之太史由來尙矣後世一鄉一邑皆有紀載採輯成書因謂之志而國史因之卽是古者陳詩觀風遺意也瓊山爲郡首邑代有偉人而

國朝邑乘獨缺何與邑侯王公以冀北名宿來宰茲土勵精圖治百廢俱興三年中豁荒糧攤丁米制鋤教耘立會課士不可枚舉尤留意學宮拮据修葺費盡心力落成之後復念邑志風教攸闕搜得舊稿二冊相傳貢生王凝機手編前郡丞潘公邑侯佟公雖稍加參訂而註漏尙多未及付梓因董

而成之夫侯有風化之任顯微闡幽固侯事也計  
殘缺相仍積今六十餘年其間潛德懿行弗克著  
聞及年歲豐嗇政令興革月異而歲不同及今不  
補後將何考然或一事而揚詡太過或一人而流  
傳失真或大節而僅著其偏端或一長而卽許其  
全行不失於誣則失於昧昔人謂修史有五難四  
患修志亦然而侯無難也無患也以著作之才之  
學之識既裕之於早而又守之以虛持之以慎廣  
之以衆出之以公則一善之嘉一瑕之摘皆天理  
民彝之不容泯沒而豈有成心於其際也以故廣  
搜博採即黯陋如余亦俾勸一得是書也止

時下迄地理中而人事無不批卻導窾斟酌得宜  
一開卷而閩邑勝概了然心目抑且盛衰之感忠  
孝之思道義文章之慕必有油然而興者而侯所爲  
轉移風化之微權不於是焉寄之哉他日獻諸  
當守守之職方傳之天下後世而無窮而余得附一言  
於驥尾其爲榮幸多矣爰拜手而爲之序

又

邑令 楊宗秉

司民牧者日與父老子弟相接見而勤勤於簿書  
期會之間早夜悚仄揀過不遑雖有異能竒材罔  
敢作聰明以亂舊章及其治定功成報績者最實  
而核之不過善守成憲克遵條例而已然而



聖人御宇所爲禮樂刑政制度文爲集百世之大成定  
一朝之法守法良意美萬世永賴者賅而存焉不  
得以爲簿書期會而忽之也何也一疆域也而有  
析置有省併一山川也而有閩隘有坊庸土田則  
課其荒熟錢糧則稽其贏縮於丁中勻大地畝以  
舒畸零於編審永不加賦以慶滋生於積貯權其  
有年無年以爲歛散釐其祝號牲幣而爲之秩祀  
區其衝繁疲難而爲之養廉爲之賜書廣額以造  
人材爲之旌孝表節以隆風化爲之武備以戒不  
虞爲之量雨晴陳糴價以備災祲若斯之類盡職  
所職盡乎此曠官者官曠乎此值夫案牘紛綸



御覽馬視爲奉行故事迨至珥筆者學綱分比  
事屬辭而

聖天子知天知人操三重以寡民過心法治法較若畫  
一者率然可睹是故志書之係於吏治洵非淺鮮  
也乾隆八年余奉

簡命出武寧調在瓊臺每堂皇視事命吏檢查舊檔輒  
白無有間一有之亦朽爛大半或百蟲攢嘍不堪  
翻閱因慨然念邑乘自前令君王獻甫肇造以還  
迄今垂四十年而此四十年中

聖聖繼承許謨遠猶沿革損益因時制宜以日臻邗隆  
之軌而散見於文案間者不可殫述若不編排整

齊彙輯成帙恐遲之又久事遠年湮將來製錦者  
欲考據而惜其無徵都人士之飲和食德淪肌浹  
髓率茫然於

湛恩所原起而此邦民風倍變於昔亦無所憑藉以詔  
來許可謂非長民者之急務而誘之也歟且數年  
來既熟諳海外民情又蒙各憲訓示得其要領頗  
有餘力於是捐廉開局延邑中老成方正諸紳士  
採訪覈實按部就班俾四十年之顯謨承烈燦然  
明備庶幾一行作吏者兢兢於成憲條例得昭然

見

所莫之深遠而海濶一二考古之士成書具在可免野

老傳聞之譌并使歷來賢能著績地方日有起色者亦託此以廕芾棠而緬明德之遠是則區區不辭不文而亟於纂修之志也若夫增補詳核編次謹嚴則惟局中諸君子學裕三長才兼五到者勩余所未逮而其矢公矢慎勿濫勿苛之懷豈惟余堪共信亦無不可以遍喻闔邑之旒倪也故弁數言於簡端以爲序

新加坡  
知學  
PDG

康熙四十三年舊修志姓氏

纂修瓊山縣知縣王贄

號獻甫直隸新安縣人戊午科舉人

參訂瓊山縣教諭關必登

號揆端南海縣人甲子科舉人

舉人

李瑞輝

林儲英

林煥

周景

盧肖賢

林思榮

貢生

吳黃煥

辛峻受

鄭登元

梁王襄

潘之璘

陳餘蘊

潘洪璣

蒙志學

陳政

曾務光

陳儒瑞

周詔

生員

黃允中 邱 珩 何魁宿 劉漢杰

郭九圍 黃 燦 符 琦 周 謹

陳金益 邱 岱 黃嘉璧 吳宇惠

辜弘亮 陳廷瑜 鄒宗泗 黃嘉璽

陳九如 謝 寶 陳儒瑛 邱士傑

吳荆元 李鍾嶽 蕭 瑀 吳姬亮

邱 璣 李鍾坭全校閱

乾隆十二年舊修志姓氏

監定護理雷瓊兵備道印務署瓊州府知府于需

纂修瓊山縣知縣楊宗秉

同修丙辰順天舉人楊纘烈大埔縣人



訂輯原香山縣訓導梁作鼎

原肇慶府訓導張玉崖

歲貢生邱璣

拔貢生蕭璋

參校丙辰科舉人陳儒瑛

辛酉科舉人吳冠

乙卯科武舉伍衡文

貢生黃之清

貢生馮涵

貢生黃道高

貢生鄭正捷

生員王森秀

校字童生林秀宇 廖道昭

辦事禮書黃純基 吳學濂 孔興綱



瓊山縣志總目錄

卷首

序

纂修姓氏

原序

前纂修姓氏

目錄

卷之一

輿地志

圖

歷代沿革表

沿革

星野

卷之二

輿地志

氣候

風候潮候占歷附

疆域

形勝風俗方言  
居處節序附

卷之三

輿地志

山川 巖崗井泉附

水利

物産

卷之四

建置志

城池 公署附

學校 鄉飲酒禮附

書院 書院田賓興田附

卷之五

建置志

壇廟

都市

橋渡

卷之六

建置志

倉儲

坊表

古蹟

塋墓

樓閣

寺觀

養濟

卷之七

經政志

銓選

祿餉

戶口

土田 耕田附

屯田

科則

卷之八

經政志

賦役

盜除積弊附

鹽法 魚課附

權稅

土貢

卷之九

經政志

祀典

釋奠

五山集元

學制 學田附

卷之十 經政志

兵制

郵政

船政

卷之十一 海黎志

海風報流水沿海衝要  
海寇

防海 平土寇附

卷之十二 海黎志

黎情


村崗

關隘

撫黎

平黎

黎議



卷之十三

職官志

文職

卷之十四

職官志

武職

卷之十五

選舉志

徵辟

進士

舉人

武科

卷之十六

選舉志

貢選

吏員

管弁

封蔭

卷之十七

官師志

官績

卷之十八

官師志

武功

謫宦

流寓

卷之十九

人物志

名賢

卷之二十

人物志

忠義

奮勇附

孝友

儒林

文苑

卷之二十一

人物志

篤行

卓行

隱逸

卷之二十二

人物志

旌壽

耆舊 平壽附

方伎

仙釋

卷之二十三

人物志

列女

卷之二十四

藝文志

勅

表

疏

卷之二十五

藝文志

記上

卷之二十六

藝文志

記下

卷之二十七

藝文志

序

傳

書

議

跋

銘

雜文

卷之二十八

藝文志

賦

詩

卷之二十九

雜志



事紀

藝文書目


金石

卷之三十

雜志

遺事

紀異




卷之三  
名




瓊山縣志卷之一

輿地志一 輿圖 沿革

輿圖







# 瓊山縣

歷代沿革表

秦漢

晉宋

齊梁

陳隋

唐

五代

宋元明

秦漢之珠崖郡 秦武帝元元年 漢元元年 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

晉宋 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

齊梁 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

陳隋 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

唐 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

五代 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

宋元明 瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡


瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡

瓊州初仍舊屋年改屬瓊州屬瓊州郡 瓊州初仍舊屋年改屬瓊州屬瓊州郡



正原 乃爲 朱盧 上承 山當 則瑠 據之 而都 可奔 一縛 接連 州和 郡之 郡唐 珠庄 州與 瑠之

瑠屬日朝難  
舊存存瑠三  
今以略  
領唐台口  
上承在今  
瑠瑠聲過  
據地曾家  
而言都  
故云在瑠  
創微費會  
類必瑠  
泰屬關元中  
所改省舍城  
併八  
元寶元  
年改爲  
瑠山郡  
乾元元  
年改爲  
瑠州





沿革

瓊郡在唐虞三代爲揚越荒徼秦爲越郡外境於秦

越置桂林南海象郡一統志以雷爲象郡瓊當附雷是瓊州至秦始皇屬中國

漢武帝元鼎六年平南越明年改元始以其地置

珠崖儋耳二郡督於交州領縣五曰瑋瑁紫貝

龍珠崖治舊址在今瓊山東潭都卽漢瑋瑁縣地

昭帝始元五年省儋耳入珠崖

元帝初元三年罷珠崖郡置朱盧縣隸合浦初武帝置

崖儋二郡時有十六縣後因十三縣屢反故罷之而以三縣之未反者并爲朱盧置合浦郡送置實未嘗棄其地也不然元十六年後用代波軍士未嘗至海南而珠崖之復不煩兵乎

東漢光武建武中復置珠崖縣屬合浦郡仍督於

交州光武時交趾女子饋則徵貳反諸蠻皆應乃命馬援平之海外慕義貢獻故復置○

自初元三年乘後至此八十六年

明帝永平十年儋耳降附出張純傳

三國吳大帝赤烏五年復置珠崖郡有徐聞朱盧

珠官縣隸交郡

蜀漢遂領於建甯太守李恢晉地理志

晉因之平吳後省珠崖八合浦郡據本志

宋元嘉八年復立珠崖郡

梁復就儋耳地置崖州時儋耳歸附馮先氏于餘崗

陳因之俱統於廣州據陳方志



隋開皇初置臨振郡大業中改爲珠崖郡領縣十

義倫感恩頓盧毗善昌化吉安延德寧遠澄邁  
武德○頓盧縣即瑋瑋東瑒鳳球崖部唐武德

更名顏城隸崖州貞觀元年名舍城開元後  
省宋開寶五年復置隸瓊州熙甯四年省

唐高祖武德五年立崖儋振三州各領縣四崖領

澄邁臨機平昌信領義倫昌化感恩富羅振領  
寧遠延德萬川陵水○武德初置崖州亦領盧

地

太宗貞觀元年隸嶺南道析置州縣及更名更類  
盧爲

舍城平昌爲文昌析昌化置吉安舍城置  
瓊山析延德置吉陽○瓊山縣名始此

五年以崖州之瓊山置瓊州始名領縣五  
瓊山

萬安富  
雲傳遼

十三年析瓊山置會口今澄邁  
南境顏羅容瓊今樂  
會境

寰宇記卷一百一十一 輿地一 沿革 五

三縣

天寶中改瓊州爲瓊山郡

乾元初復爲瓊州

乾封後瓊州陷山密峯

貞元間嶺南節度使李復討復瓊州置都督府鎮之

五代屬南漢分爲瓊崖儋萬安四州

宋太祖開寶四年平南漢五年廢崖州以其地入

瓊州領縣六

瓊山臨高樂會  
舍城澄邁文昌

熙寧間以瓊州爲瓊管安撫司領州之屬縣

宣和中改瓊管爲安撫都監

元世祖至元十五年改爲瓊州路安撫司隸湖廣  
行中書省

十七年又立海北海南道宣慰司於雷領隸之  
二十八年改爲瓊州路軍民安撫司於瓊山之  
南境置定安縣

天曆二年改爲瓊州路乾寧軍民安撫司以潛邸  
幸故  
至正末改隸廣西行中書省

明洪武元年三月平章廖永忠克廣州七月守臣

陳乾富表獻降款以其地歸附二年改爲瓊崖  
儋萬四州省瓊山仍各領屬縣隸廣西如故據

與三年陞瓊州爲府領州三縣十三山復瓊隸廣

東元廣東統於江西行省洪武初沿元制七年改爲布政司十九年割感恩縣屬崖州正統五年省三州附郭宜倫萬安寧

遠三縣領州三縣十

國朝因之

舊志校正

瓊山縣附郭漢初珠崖郡地後置朱盧縣屬合浦郡後漢口朱崖縣三國吳復曰朱盧縣晉及宋齊因之梁陳時省隋初爲武德縣屬珠崖郡大業六年改置舍城縣爲珠崖郡治唐武德五年於縣置崖州五代因之宋開寶五年州廢屬瓊州熙甯四年省舍城移瓊山縣來治仍爲瓊州治元爲乾寧軍治明爲瓊州府治

水原四之統

附記

順治元年甲申我

朝定鼎燕京是時吾粵仍稱宏光

福隆武王

唐年號三

年丙戌

世祖始命修養甲李成棟率師入粵四年丁亥四月初  
二日總兵黃恩副將李棲鵬統同客兵渡海從  
白廟登岸指揮王世臣弱冠陷陣死之文武官  
開闢避降項王是始入

國朝咸亨時客兵驕橫黃李二將兵律嚴整而李尤  
甚伊危救傷民咸感德參將張登霧直搗黎穴

聖山... 卷一

所至秋毫無犯隨征知府梅南遠復溫言以慰  
民心瓊賴安堵五年戊子四月李成棟矯殺總  
督修養甲更立永歷桂王年號九月以兵備道王爾  
揚統兵復瓊撤黃李兵歸省時久經兵燹復值  
饑荒斗米數兩九年四月

世祖復命平南王尙可喜靖南王耿効忠再定廣東李

成棟戰死贛州尙耿兵遂入粵及總兵高進庫

鎮瓊始底定康熙十三年甲寅僞周吳三桂

反鄰省騷動遣僞將馬雄役犯兩粵十一月調

瓊鎮修國聊保廉州適潮陽告急又調瓊將

蘇善千總李雄救潮十四年乙卯三月





兵祖澤清雷州協鎮譚捷元俱叛應馬雄國卿  
孤單在廉糧道阻絕撤兵回瓊十五年丙辰五  
月潮師潰李雄奔回肇慶而廣肇亦已蓄髮李  
雄偕雷州同知高昌明渡海說鎮道從僞周昌  
明以僞劄知瓊府十六年丁巳五月乃定舊志  
康熙十三年奉 部議開海禁以便商賈貿易  
二十三年總督吳興祚巡撫李士楨委肇慶郡  
丞李彥瑁繪瓊州圖凡道里城池山川汛港織  
悉備載二十四年新置粵海關差滿漢 部臣  
督稅海口所關部之設自此始全上

新增沿革名號異同考

瓊山縣在秦象郡之外漢曰朱盧都尉治瓊山縣下

引元和郡縣志云本漢瓊瑁縣地郝通志瓊瑁縣漢元封元年置初元三年罷朱崖省瓊瑁置朱盧

縣呂郡志稿云朱盧縣宋書州郡志吳立是石廢後復置無可徵信今通志云當為珠崖之誤後

漢曰朱崖郝通志建武十九年改置呂郡志稿云吳赤烏五年始立珠崖郡於徐聞則後

漢之珠崖縣認非元鼎置郡舊地俱隸合浦郡屬交州三國吳曰


珠官曰朱盧隸珠官郡宋書州郡志漢合浦郡黃武七年改為珠官郡孫亮

後舊按郡志沿革表朱盧珠官二縣在今瓊山縣之東境古蹟猶存呂郡志稿云吳黃武七年改合

浦郡為珠官郡郡下有珠官朱盧二縣是珠官郡乃合浦郡改名非於漢珠崖郡地又復置郡也舊

地志以朱官朱盧屬今之瓊州未知何本又據今通志云吳赤烏討平珠崖於徐聞置珠崖郡於漢

時珠崖郡地立朱官縣以招撫之按屬交州晉曰此則吳朱官一縣當在瓊州有竟屬交州晉曰



璿瑁郝通志云改朱盧爲璿瑁晉書作毒質曰珠

官隸合浦郡屬交州宋曰朱官長吳立朱作珠朱盧長

隸合浦太守屬交州齊曰朱盧隸合浦郡屬越州

梁陳時省據隋書地理志其地屬揚州隋曰顏盧

今瓊山縣地舊郡志隋曰武德今瓊山文隸珠崖

郡屬揚州唐曰合城以舍城水名舊郡志貞觀元

志隋初爲武德縣屬珠崖郡大業六年改置其西

南有顏城縣本顏盧貞觀元年更名開元後省今

五年隸崖州珠崖郡據新唐書屬廣州都督府舊

唐書屬安南都護府貞觀元年置瓊山黃通志圖

地唐初置瓊山縣屬崖州都通志沿革表云貞觀

元年改瓊城爲舍城折舍城置瓊山按唐書顏城

係開元後省註見上又輿地廣記  
瑛山隋未置屬崖州與此互異  
十三年舊縣志作天寶

年誤析瑛山置曾口顏羅容瑛三縣  
貞元七年省

縣地曾口今澄邁縣地郝通志五代南漢時省瑛

之曾口顏羅舊縣志以為顏羅容瑛俱今樂會瑛

又按唐書崖州瑛崖郡下武德四年平蕭統置崖

州領舍城平昌澄邁顏羅臨機五縣是武德時已

有顏羅合顏盧并隸瑛州瑛山郡貞觀五年置瑛

之名復置天寶元年改為瑛山郡乾元元年復為瑛州

○按唐書瑛州瑛山郡縣五瑛山臨高曾口樂會

顏盧通典有顏羅容瑛無臨高顏盧考顏盧卽顏

城開元後已省註見上又唐書樂會下顯慶五年

置今會同樂會縣地舊郡據新唐書屬瑛州都督

志云今瑛山縣地候考

府舊唐書皆屬安南都護府五代南漢瑛山容瑛

隸瑛州舍城隸崖州宋熙寧四年省舍城八瑛山

一統志後瑛山縣來治據舊郡志舍城開元後

省宋開寶五年復置然南漢時舍城之名



瓊州屬廣南西路元瓊山隸乾甯軍治屬湖廣等處行中書省

舊鄧志元至元間置定安縣於南境黃通志唐宋瓊山地位按元世祖在

至元二十九年舊縣志作至正間諺至正係順帝年號明隸瓊州府屬廣西

行中書省七年改屬廣東布政司

因朝因之

按沿革志云瓊山當上承朱盧爲正脈朱盧於隋以後不復見又以顏盧爲朱盧所更名一畿相承似亦確乎有據但其地犬牙交錯如吳之朱官止與朱盧並列隋之武德亦僅與顏盧並稱疆土尙歸於畫一自李唐而後或析此以置彼或省彼以入此所見異辭所聞異辭主云析

舍城置瓊山又析瓊山置會口顏羅容瓊而或  
省於貞元或省於五代至宋神宗四年乃并舍  
城入瓊山則今瓊山縣全地皆舍城縣地也舍  
城上承武德不承顏盧而武德顏盧朱盧皆在  
瓊山東境又安知漢之朱盧不卽隋之武德耶  
茲專據歷代正史地理郡國等志凡地屬瓊山  
及從瓊山分析者悉爲摘出列之於編五代正  
史未備則旁採僞史補之至諸家所言異同則  
分注於句下以俟博雅參考

輿地志二 星野

瓊州分野屬禹貢揚州之城

今江南浙江  
閩粵皆其地

星紀之

次婺女初二度六分三十八抄

晉志

據授時厯黃道星紀之次起南斗二度七十六

分八十五秒終南斗二十三度四十七分牽牛

六度九十分盡婺女二度六分三十八秒凡二

十九度六十六分五十三秒而赤道則十二次

皆同明以揚越之地勻而得之則吳越及閩俱

屬南斗二十度粵屬牽牛六度而瓊地方千里

只屬婺女二度蓋女初二度孤懸星紀之次與

瓊地千餘里孤懸大海之中殆相類也且婺女

之宿為度凡十有一而其初二度不離星體所

臨之地氣尤獨鍾故於瓊也歸然黎婺一山聳

峙天外耳舊志

皇甫謐帝王世紀云自斗十一度至女七度為

吳越分與陳卓魏志同而蔡邕月令起斗六度

至女五度獨曰越分其說又與漢書災惑守南

斗暗合漢書元鼎中災惑守斗越分也未幾越平豈二宿自有常度

而人自下觀之乃見其差殊耶瓊附越分其專

星殆不可知而世顧屬諸婺女者或曰黎婺為

婺女之精而瓊以之為鎮山語本野史使非此地專

星何以天象形於上而地道符於下若是陶隱



居亦云越星在婺女之南其常度可得而覈也

世有妙甘公石中之學者諒能據其星土以辨

舊志略纂○原編北極出地度數下郡志節錄亦然今詳其語當屬分星爲是

郡守賈崇曰婺女雖天星實非女宿瓊郡有黎

母山舊傳有女出自卯申誕生黎類遂名黎母

因以黎母名山亦稱黎婺山因人命名本與天

星無與更考婺星乃女宿傍小星例不得與列

宿同司分野瓊屬女宿非屬婺星不可誣也郡志

按女爲北方元武之宿星經在牛東北一名務

女史記謂之婺女而淮海爲揚州淮海在地之

東南瓊又在淮海之西南分埜之星乃屬婺女

者何也考漢書地理志分郡國以配諸次有土南而星北者有土東而星西者先儒以爲受封之口歲星所在之辰其國屬焉是矣然粵於周時未入職方又安見其某郡屬某次某郡屬某次耶且卽以瓊州言之說者謂自韶廣以西朱崖以東俱屬牛女瓊古號朱崖於星分得婺女初二度而唐僧一行說中華僅主牛女二宿天於牛女如黑子之着面粵地一隅豈能區區求其分度又豈能逐郡而爲之剖析蓋封域分星自漢以來其書久已亡矣故黃文裕修粵志於星野殊闕畧世之習天文者徒襲前人之說

轉傳會其源既不可得聞是非固難於論公因  
依舊錄之以俟智者考正

南海北極出地一十五度

史曰南逾朱崖蓋逾朱崖而南盡海而止也止  
有十五度者地既卑下又以黎婺五指諸山蔽  
乎其北故北極出地度數止此耳

舊志

郡守賈棠曰北極居北自近望之出地甚高漸  
南漸遠漸見其低矣瓊郡視北極出地纔十五  
度以遠故也若謂黎母五指諸山蔽之故出地  
止此然則郡城本在黎母五指之北又何能  
北望之乎蕭志曰南行二百五十里則北極

低一度北行二百五十里則北極高一度明末  
測京省北極出地度數北京出地四十度廣東  
出地二十三度今京師至廣東省城逾西南行  
七千餘里只差一十七度省城至瓊城亦逾西  
南行僅一千七百里不應差至八度以意度之  
郡城距崖州又九百餘里北極出地十五度之  
說或可以崖州當之所謂南逾朱崖盡海而止  
者也又元史天文志瓊州北極出地一十九度  
邱文莊南溟奇甸賦亦云其說自有可據今參  
考通志所記各邑分野晷度瓊山二十度五分  
偏西六度四十分南北高度卽南北里差也東

西偏度卽東西里差也南北經度易測東西緯  
度難知經度測二極之低昂緯度測月食之早  
晚兩地同一月食若早六十分時之二則爲偏  
西一度遲六十分時之二則爲偏東一度也

俱  
郡志



瓊山縣志卷之二

輿地志三 氣候 風候 潮候 占歷附

地居炎方多熱少寒秋冬雷水土無他惡與

瓊與中州絕異素無霜雪冬不凍寒草木不凋四

時花果水土無他惡惟黎嶗中有瘴氣鄉人入

其地卽成寒瘵李西美廣南攝生方論云嶺南

瀕海地沈煥陽之氣常泄陰濕之氣常盛陽氣

泄故四時常花三冬無雪一歲之間蒸熱過半

一日之內氣候屢變晝則多煥夜則多寒天晴

則燥陰雨則寒此寒熱瘴癘所繇作也然瓊內

以垣下蓄嵐蒸外以海洩其菴氣氣候較他郡

願善大抵其熱以炎蒸其寒以風雨其生常早  
其肅常遲天以陽施地以溫感是謂炎蒸其常  
也故曰四時皆是夏風嘘而噏雖夏亦寒其暫  
也故曰一雨便成秋其生常早如正月桃花二  
月螻蟪鳴蚯蚓出王瓜生苦菜秀之類然生而  
不力氣常宣泄也其肅常遲如九月禾乃登十  
月水始涸蟄蟲坏戶草木黃落之類然肅而不  
嚴氣不收斂也舊志

廣志曰南方地氣暑燠一歲田三熟冬種春熟春

種夏熟秋種冬熟今惟瓊郡則然

徐堅初學記

按一歲三熟乃外國禾種使然

黃通志自宋播占式禾種今有



三熟亦不盡闕暑熱然今瓊山低田以冬種一收  
爲小熟夏種秋收爲大熟一歲二收高田則有  
大熟無小熟一歲一收并無一歲三熟者

由羊城而高雷冬可以不裘一變也又高雷而瓊  
臺冬可以衣葛可以搖扇又一變矣惟其地在  
炎方土卑而薄霜雪之嚴遠不能加故一歲之  
間暑燠過半而五月爲甚諺云燠不過芒種夏  
至寒莫若小寒大寒此氣候之所以與中土異

也  
參萬州志

嶺南之地愆陽所積暑溼所居風雨燠寒罕應其  
候故蒸變而爲瘴癘瘴有四候青草黃梅瘴於

山志卷二  
春夏新木黃茅瘴於秋冬而深山窮谷之中櫛  
櫛花開其瘴尤酷行者觸之卽生疾病故唐宋  
時以僑崖諸州爲仕宦畏途然此亦惟地近黎  
崗民居寥落之區則然耳今則生齒浩繁險隘  
盡闢微但近郡地氣稍舒諸瘴未有卽西黎林  
灣等圖向之稱爲瘴鄉者亦漸歸於清淑矣

通志

按海南瘴氣以五六月爲甚此雖山澤爲之亦  
氣候之過也郝志以木樨開時爲香花瘴謂其  
氣尤酷毒易中人信然然木樨秋後方開瘴已  
稍舒且此木本地絕少不如檳榔彌山徧黃花

開又當炎夏之時其毒爲更劇也

風候

周歲皆東風秋夏颺風

舊志○按周歲八風俱有但東風多耳

投荒雜錄云南方諸郡皆有颺風颺風者具四方之風也按瓊夏秋間颺風或一歲累發或累歲一發或起東北而轉西或起西北而轉東皆必對時同南大作而後息將起之前海鳥預夜羣驚飛投黎山樹葉皆向南作翻轉之狀或海吼聲大震或天脚有暈如半虹俗呼破蓬卽嶺表錄所謂颺母或踰時大作暴雨挾之撼聲如雷拔木飛瓦居民皆矮屋避之人不能行立牛馬

不敢出牧或風雨中  
有火飛騰回南又最大傷  
損萬物東坡有颶風賦見藝文志

舊志

南越志云熙安間多颶風颶風者具四方之風也

一曰懼風言怖懼也常以六七月興未至時三

日鷄犬爲之不鳴大者或至七日小者二三日

外國以爲黑風

太平御覽○按瓊地颶風將發鷄犬鳴之如常似不可以此象

論

又云四時風候乖異風之暴者謂之颶風又有

石尤風觸人皆感逆氣成病證行見雲脚疏謂

之颶風路舟人徙舟避之又夏月暴風雨東北

風起揚沙走石曰青凍此皆風之異者也其常

則南風爲多季冬先春而至曰送年南北風晴  
發曰北暴諺云朝下三晚下七夜半下風無過  
日又曰朝北晚南半夜東以時占也潮長風起  
潮平風止以水占也

全上

南海秋夏間雲初慘然有暈如虹長六七尺則颶  
風必發故呼爲颶母見忽有震雷則颶風不作  
矣舟人常以爲候預爲避之

備表  
錄異

歲中有一鬼打節則有一颶有二鬼打節則有二

颶鬼鬼宿也打節者或立春立夏等節值鬼宿

也

粵中  
見聞

附論按颶有數種而並由於海氣瓊四面皆海故

一  
八  
年

於粵之諸郡為尤甚其將發也先期一二日

雲氣漫空而疾飛本務慎外集而海風水腥亦其

徵也及其發也沿岸數十村海水吞田而遠

溢而垣頽屋塌則其甚也其發至累日者則

謂之風颶颶聚而淹颶散而剽渾而一之謂

颶即颶者非也季麒光驗信歧颶與颶為二諸說俱無分別至瓊儋於颶

風皆謂之風颶韻書無颶字候考其發自他方者則謂之風

尾尾高而柔颶低而暴比而同之謂尾即颶

者亦非也蓋颶無大小其發也必於所在之

處橫衝直決號怒異常又每自時之午未達

於次日五鼓而止六七月為時而有為時而



無八九月秋分有則寒露霜降並有秋無

則寒露霜降俱無故諺有一翁一婆一媒人

之說土人每以鵲巢所在之枝上下占之鵲

能知風十常九應淮南子亦云烏鵲識歲之多風去高木而巢共枝

然颯必夾雨偶有無雨而颯者則呼爲乾風

颯必不雷故俗曰有雷不成颯然亦有雷鳴

而颯者則呼爲鐵颯三水范氏云颯風作益以暴雨其勢強而謂之

鐵颯而郡志採訪以有雷而颯者爲鐵今從郡志乾風雖最害稼未

甚破廬鐵颯銳不可當物無不損此皆瓊南

風候之反常者也此外又有暴風若龍興而

致者土人謂之鼓龍風起則塵埃遍野林葉

飛空其勢更雄於颯然而起亦倏然而止  
船人忌之陸居者無患至若石郵勢逆青  
凍氣寒此等風隨處有之不獨瓊土爲然故  
不具論六書故颯補妹切海之災風也右偏  
旁似應从貝爲正李西涯議詩氏从  
貝謂具四方之風乃北人不知南人之候誤  
以貝爲具耳然今書多作貝相沿已久當仍  
之

### 潮汊

朝曰潮夕曰汊抱樸子日月之精生水是以月盛  
則海潮大圖經曰潮汊往來爲天地至信瓊州  
潮候與江浙欽廉之潮不同其地勢異也郡與  
徐聞對境兩岸相夾故潮長則西流自別東流



日則消長常也八月九月其勢獨大每日消長者其變也故舊潮漸減漸小謂之老潮新潮漸退漸大謂之穉潮十一月朔或時不測而長謂之偷潮其大小之候隨月短星不係月之

盛衰

舊志  
下全

瓊海東南諸港朔望前後潮大上下弦前後潮小二至前後潮大二分前後潮小夏至潮大於晝冬至潮大於夜又云晴則望南而吼陰則望北而吼人以爲陰精驗之果然又云廣潮候與閩越相去亦少差而瓊崖儋萬之候大小俱各差殊其半月東流半月西流則同不係月大小之

盛衰上全

余襄公謂陽燧取火於日陰鑑取水於月從其類也故月之所臨則水往從之月臨卯酉則水漲乎東西月臨子午則潮平乎南北朔望前後月行差疾故潮勢大月弦之際月行差遲故潮之去來亦合沓不盡又自謂嘗候潮於東南南海見月臨卯東海潮平而南海未長月臨午南海潮平而東海已消皆不同時天台史氏伯璿則以爲謂潮水與月相應則可謂水往從月則不可蓋謂水與月皆物也而無相從之理此於襄公說中或有意外之見云全上

郡守賈棠云舊說謂海潮與月相應月爲太陰氣  
感相從故月上潮亦上余常察之亦有不盡然  
者且朝潮夕汐晝夜兩至月上潮亦是矣乃  
月落而汐又至不知於應月之義何居論者又  
以爲天地呼吸之氣然天文家推日月薄蝕五  
星遲留退逆皆有常度不爽毫末獨於潮汐迄  
無定論蓋未可以臆測矣余觀潮汐之生必自  
東來而說者又以爲潮生於北北方坎位天一  
之氣潮所從生然以宇內形勢論之北自遼陽  
南抵於粵歷五省而遠萬里雖潮汐奔騰迅駛  
亦必由近及遠南北各省自有先後次第安能

同時並至不移晷刻乎考宇內輿圖遼陽直隸  
山東江南浙江福建諸省皆東臨大海而潮汐  
之至無先後之殊其爲東來無疑獨瓊郡之潮  
云隨長短星不與月應又云潮長西流潮落東  
流又云雷瓊兩岸東西異流南岸水流東而長  
則北岸水流西而消北岸水流東而長則南岸  
水流西而消同在一海不應兩岸異流以余觀  
之皆地勢使然也考大地自北而南至粵省則  
南地已盡粵自潮郡迄瓊西行五千餘里皆南  
面臨海潮汐東來越五千里而西雖使飛兔行  
天亦需一二時始至豈得與東南諸省同時到

乎則瓊湖之不與月應宜矣觀瓊郡湖長西流  
而東流益信自東而來返東而去耳舊云  
今襄公謂常候潮於東南海月臨卯東海潮平  
而南海未長月臨午南海潮平而東海已消信  
此說也則瓊湖之消長皆後於東海矣豈非因  
遠而遲之故乎若與欽廉之潮不同以欽廉又  
處瓊郡之西愈遠而愈遲矣至於兩岸異流蓋  
由兩岸相夾使然夫瓊雷二郡對峙瓊居海南  
雷在海北兩岸相去百里而遙以大海潮汊去  
來之勢浩瀚無涯陡壑隘地東之水勢驟急急  
水之傍必有迴流流於南岸必迴旋於北流於

北岸必迴旋於南試向溪流驗之莫不皆然而獨以瓊潮爲異者蓋小水易見而大海之勢難察也共云半月東流半月西流者或者各就南北岸視之耳若夫朔望前後潮大上下弦前後潮小與八九月潮勢獨大考之他省亦然乃潮汐之常性非地勢所得變者然則人又何必獨異瓊潮乎

上

寰宇記云瓊海之潮半月東流半月西流外紀云海水止有消長殊無東西流蓋因地形西北高而東南下瓊雷兩岸相夾見水長上則以爲西

充下則以爲東流耳

參萬

海潮每月不潮不汐二三日冬不潮不汐三四  
日八九月潮勢獨大夏至大於晝冬至大於夜  
二十五六潮長至朔而盛初三大盛後漸減十  
一二又長至望而盛十八大盛後又漸減潮汐  
消長天下皆同流惟瓊海兩岸東西異流每南  
岸水流東而長則北岸水流西而消北岸水流  
東而長則南岸水流西而消同此一海兩岸異  
流彼逆此順然東流日僅二十四刻西流則計  
時有九又或數日不流蓋伏流也天妃廟碑言  
十六七八九四日伏流可渡至中流始有怒濤  
乃東西合流處所謂中洋合巢浪也過此可

勿戒心遇風順則半日可渡

本三水范氏○合與浪今俗謂之分水洋

王桐鄉佐云海南潮候無所依准但准授時歷長短星爲定候而二星之說載籍無考本出於後世方伎家陰陽拘忌之書而授時歷取之世俗禁忌以爲參差不齊之星偶與瓊潮湊合蓋二星每月內推移無定而潮水消長從之自合朔歷上弦前後爲長星潮自望歷下弦前後爲短星潮逼星前後則潮長大至極漸過遠而潮漸減小至盡而將盡老潮亦常與方來稚潮相接逐日輪轉如環無端其春夏二季則星未至前三日新稚潮初生逐日長大至星日而極過後



二三日則漸退雖日有消長而水痕遞減一分  
減極以至後星將近則潮水不消不長此卽實  
公所謂潮之去來合沓不盡者此是新稚潮初  
來與舊老潮相逼而然及乎前星老潮退盡而  
後星新潮復來長消同前秋冬二季又與春夏  
不同星過後三日新潮方生又逐日長大以至  
大極而止以後消長亦同前但春夏潮長在長  
短星前秋冬潮長在長短星後二星所臨前後  
卽爲潮大之期不拘朔望與上下弦也長則西  
流消則東流日有消長又不拘於半月也凡九  
月內各有兩長短星謂之雙星此兩月潮水獨

大九月尤甚又不甚退似乎每日有兩潮此二

星之說適合海南潮候者也

節錄王佐候潮前後論

附論按海潮應月諸家所見皆同不獨余忠襄之

說爲然也惟瓊海之潮寰宇記則謂其隨長

短星不與月應楊升菴以爲不可曉夫月者

水之精也潮者月之氣也精之所至氣亦至

焉則其與月應宜也星爲日月之淫氣而長

短星又不在三垣十二次之列潮之來去乃

謂其隨乎星可乎且隨一不見經傳之星可

乎然而候潮前後二論言之不足而長言之

先哲非好爲立異必舉其說而盡抹之持論

反不得其平且瓊湖既與廣湖不同廣湖又與浙湖有異豈能執西江之流以概南海哉南海之流以概海外哉應月之說候潮者固不能易而測之深者勢亦極則更旁參以二星之推移是或一道也夫迹必求其已然忠襄所言者迹也而桐鄉之論亦未始非迹也今將以爲潮隨月生而消長有時既不爽夫盈虧之節卽以爲星與潮合而宿離不貸亦足徵夫起伏之常說不廢乎隨星而旨仍歸於應月於諸家異同之論庶乎一以貫之而可以並存也夫

瓊之海口橫渡至雷之海安計程約八十里海口

流水較海安早半個時辰

倪那良流水指掌圖說○圖與今之流水

起伏日時久不相符故不載

瓊海分東西二溜凡渡海必候流水東海鳴則風

西海鳴則雨土人每占之以候渡又瓊海半月

潮長則西流海南易渡半月潮回則東流海北

易渡

粵東筆記

以歲之十月自朔至十有二日候潮朔日潮盛則

明年正月必有大水餘日以次推之皆然

見志

占歷

正月元日喜晴

俗語冬隆年

二月二朝雷禁不敢

豐年三月三日天蠶損秧四月八乾蠶盛禾

端陽以雨測田不雨傷高田早雨傷低田惟宜晚雨芒種以星候

種種蒔備耨尾犁尾五六西風早禾正宜七七

夜雨禾稔卷耳登場以雨暘知歲祭竈以雞骨

占年冬至忌晴喜雨冬乾年溼農民不給歲除占暗觀明

天色明宜白芒禾他如虹霓占旱颶毋占風海

爨占荒霜冷占麥五色雀占旱澇益智寶占災

祥應驗不爽舊志

宜春日微雨兆有年諺曰乾冬溼年禾黍滿田各

府皆然惟瓊州相反曰冬溼年乾禾米滿倉冬

乾年溼禾米少粒通志占歲

宜秋日雷鳴節前忌節後宜諺曰雷跨秋有作無  
收秋跨雷禾米成堆

瓊州以海水占年諺曰海水莫焚禾穀將結海水

其涼禾穀登場

郝通志  
下全

春正月李桃花盛桑可採二麥黃老圃種薑剪

韭田功既興

二月雷發聲虹蜺見魚苗生蜺降於霧木棉橘柚

華是月也農功畢作

三月溫風至梅子熟檳榔包柝備耕鳴田蛙鼓吹

夏四月榴火明榕成陰紫菱照水樹蘭綴珠白雨

以時至

俗曰半晴半  
雨

五月朱荔熟柳含漿蟬大噪鉤割鳴年早穀登場

早禾自播種始計百  
日可割俗名抱犁望

六月白雨足西涼颶母乘潮芭蕉垂荔奴早熟龍

日荔奴早化者以  
六月六日可食是月也新穀既升亟播晚種

俗曰  
翻漿

秋七月秧針碧蒨田浮蝴蝶營繭是月也暑始酷

燥石流金

八月木芙蓉華稜粟熟芋可剝粘始穫河鮑乘潮

至

九月木樨瘴發紅蓓登白欖落嘉魚出於峽大粘

始穫菊有黃華

冬十月嶺梅開八蠶功畢橘柚垂實朔田盡登是月也霜始下氣乃寒

十一月桃始華冬筍茁楓漸丹鷓鴣蔽葉山花時茂畚田布種是月也農歛穀屯囷涸塘以漁

十二月水仙來賓梅乃大放風蘭賀春春陽漸暢

草木萌動

以上俱  
郝通志



輿地志四

疆域  
節序

形勝

風俗

方言

居處

瓊山附郭首邑東西廣一百五十里南北袤九十

里

舊志  
下同

東至文昌縣界一百里

西至澄邁縣界五十里

南至定安縣界八十里

北至海岸一十里

東南至文昌縣界一百里

西北至海岸五十里

西南至黎界二百二十里

東北至文昌縣界五十里

形勝

邑治附郭土壤平行山無險峻清流拱其前洋海  
繞其後馬鞍踞於右七星擁於左文筆三峯聳  
翠秀拔誠海邦一名區而州縣之望也明太祖  
稱爲奇甸豈虛語哉 按堪輿家言全瓊地脈  
來自交趾交趾與崖州相距不過百餘里海中  
巨石嶄巖橫入崖州至於五指聳拔如小崑崙  
又蜿蜒至瓊山而盤結秀甲一郡朱紫陽嘗謂  
冀州天下間一佳風水茲瓊山又是瓊郡中一  
佳風水今以形勢揆之良然

舊志

武容

地於海島習俗樸茂由唐迄宋人文蔚起至明爲  
尤盛人嫻禮義之教士多鄒魯之風冬有青苗  
田疇二熟婦工織繡蠶登八綿蕷芋多代菽麥  
麩葉少佐酒醪地無虎狼野皆藤竹山行水宿  
不擇處所亦宇內另一風土也 說者謂瓊自  
東坡授學姜唐佐人始知學然按進士題名記  
瓊在古荒服之表歷漢及唐至元宗朝文化始  
洽宋祖車書混一人始知爲士慶厯間宋守之  
知瓊州教諸生講五經於先聖廟建尊儒亭暇  
日躬自講授人始知向學是則東坡未來之先  
已敦士習也 東坡作伏波廟記在宋中葉時

文物班班已有足稱至明洪武間姚江趙謙來  
典故事一時士類翕然從之文風愈張 鄭廷

鶴志稿俗醇民樸士專詩書人守法度勤農桑  
重遷徙女工紡織尤精刺紋原野不習火葬之  
事老死不識刑名之書故邑多老人 瓊山平

原曠野水土頗善與廣肇不大殊然地勢卑溼  
物易朽蠹粟無二年之儲糧少隔宿之春地近  
水人多聰敏執筆爲文銜口而出皆有可觀以

卷之四  
志

蘇文忠云自漢末至五代中原避亂者多家於此  
鄭文莊云魏晉以後中原多故衣冠之族或

或商或遷或戍紛紛日來聚廬此處黃文俗云  
郡城縣城營居多戎籍自宋元順化皆漢土遺  
裔洪武以來軍士初撥則多蘇浙之人績撥則  
多河之南北再調則又閩湖之產厥後中原各  
處官吏充配者接踵而至故士族多出中州俱見

志

俗重檳榔親朋往來非檳榔不爲禮至婚禮媒妁  
通問之後盛以大盒送至女家女家受之卽爲  
定禮凡女子受聘者謂之喫某氏檳榔 郡城  
海口非大家世族悉不親迎鄉村間仍以親迎  
爲重 習尙重門第謹結納下戶奉巨室咸以

官呼之有新起家者故族猶耻與援 舊日冠

不三加婚多越度喪用浮屠祭用俗節及進士

吳錡尙文公家禮邱文莊著爲儀節士俗化之

吉凶弔賀往來郡城尤多近古今俗喪事  
猶用浮屠地

高田少處則種野禾或薯蕷粟豆兼粒食食之東

坡云海南薯菜爲糧幾米之十六 安土重離

旅遊者不三兩霜輒作旋歸之計 民務農工

少事商賈女專紡績少事蠶桑所貨各物如楨

柚鉛糖米粟油蠟以及吉貝按吉當作古見  
彭乘墨客揮犀櫛

木沈香窮蕞等雜物均不出於本土然皆不甚

抵價值故產計萬金者城落無數家 郡城婦

女出入用菜薄草笠縞縛以蔽其面鄉村婦女  
出入用細滑竹笠裝戴以蓋其頭至若遠鄉婦  
女自昔好爲椎髻今妝飾頗與郡城無異 城  
中商賈驟集易於生息致富然故家子弟安分  
者但坐耗其資不復知有生活計其奢蕩者則  
又狹邪酗酒聚黨呼盧故少有再承世者 偏  
僻鄉落無他生意專事田園地或墾墾如調塘  
符離演順等處卽自形其窘然勤勞儉約雖無  
甚餘積而一產一業尙可延及子孫但勤儉則  
鄙吝易生石地尤甚

以上俱參  
黃通志

方言

瓊人語有數種有官語卽中州正音縉紳士夫及居城廂者類言之鄉落莫曉 有東語略似閩

音 有西江黎語似廣西梧州等處土音 又

崖州有邁語與廣州相似要皆商賈遺裔也故謂之客語 又有土軍語地黎語乃本地土音

大率音語以郡城爲近正

舊志

繞郭人家所言者俗謂之容語東北一帶都圖語

音與郡城同西南一帶都圖居石地者盡言黎

語其不居石地者黎音十之四客音十之六客

音止一派黎音分多種非習聽者少有能解

音

居處



瓊地枕山席海多海濫颶風之虞故公私室廬不  
爲高敞然規制與內地畧同 近海者與蠻人  
雜處常苦水泊風飄附黎者與黎人雜居不免

巢居尚處 舊志

山農耕種於野構茅守之其名曰茅 音寮參廣

東筆記

民居一室兩房棟柱四行柱之大者圓徑尺中兩  
行嵌以板旁兩行甃以石俱係碎石用泥甃成  
富者加以灰墁其木以石梓波羅蜜爲上胭脂  
海梅次之若杉木則來自潮州黃梭則來自外  
國皆木之入格而可購採者 昌江筆

節序

立春前一日府縣官至東郊迎春館街坊各扮雜劇會聚俟祭勾芒神畢前導土牛自河口過南橋從西門入府人爭撒豆穀謂可消痘疹親鄰以春餅相饋遺自元旦至四日各相拜賀初二日書帖釘赤口謂之禁口六日後坊間村落行饅禮設醮迎神懸符逐疫立天燈作鞦韆每夜張燈或爲鰲山諸燈名稱不一每夜羣遊放煙火環街出謎燈用糯米製丸謂之元宵以貽親鄰元夕鄉落二三十里者咸入城聚觀郭門弛禁各處會首集眾作上元道場建旛結綵爲燈山祝

聖壽祈年豐親朋具香花佐供奉列金銀綵緞爲賀以  
豐者爲榮二三月掃墓添土剪除荆棘謂之撥  
臺清明家家折柳於各門戶神堂插之四月八  
日浮屠氏以五香和蜜水浴釋迦太子佛謂之  
龍華會以浴佛水分送檀越鄉落以木刻龍祀  
水境廟中競唱龍歌拋鷄入溪水洗之謂之洗  
龍加以繪飾端陽節自五月一日至四日各迎  
水境之龍於會首家唱飲先密作歌賦以怕結  
之懸龍座前獨露韻脚一字俾會中人度韻湊  
歌得中歌句者按字多少以錢扇如數酬之至  
五日各村之龍咸會大溪競渡奪標兩岸男婦

聚觀郡城於南湖及海口港內形扮龍舟或結  
綵船沿河唱飲親朋以角黍相饋遺孩童小女  
各繫香囊綵縷纏臂塗雄黃飲菖蒲酒折艾懸  
門採草花相鬪較勝負取菖蒲及百卉有香氣  
者浸水沐浴士伍跨馬挾弓矢會教場插柳枝  
較馳射名曰剪柳城中人縛竹爲船用五色縵  
糊飾鳴鉦鼓沿街作競渡狀名曰旱船兒童鬪  
蟋蟀十一日扮雜戲迎關帝君會十三日畢集  
廟中賽愿所保者各帶枷鎖有執刀佇立王像  
前三日者謂之站刀甚有剪肉焚香腰臂各刺  
箭刀者六月六日祀竈晒衣祛毒七月七夕乞

巧用綵色緋糊製冠履衣裙備牲醴祀祖先謂  
之燒冥衣富家齋醮焚緋衣以賑孤魂十五日  
城落寺廟作盂蘭會八月望翫月製麵爲團圓  
餅蒸天南星去皮食之小兒引蜻蜓爲戲九日  
士民攜酒登高或咏賦兒童作大小緋爲鬪勝  
又截木相擊爲勝及旋圓木引繩相賽名曰得  
樂間用竹崗爲之名響囉冬至交相賀臘月二  
十四日取竹枝掃屋塵換爐灰是夕祀竈宜竈  
經送竈君朝帝除夕設酒殺祀祖又謂辭歲子  
婦輩盛列酒饌供父母圍爐夜各燃燈門外焚  
辟瘟丹放爆竹一鼓復設酒果迎竈君將掃塵竹

簾及徹帚塵土盛以舊籬內燃燈列饌送之郊  
外謂之送窮家人燃燈共坐不寐夜分挂楮幣  
貼門聯易門神桃符節序所尚類如此舊志

元宵滿城婦女盡到總鎮衙前折取榕葉謂之偷  
青或燃香城門祝之以祈有子孩兒則摩總鎮  
衙前兩旁石獅以祈平安好事者懸謎燈於門  
首遊人聚觀測中者酬以筆墨烟草 正月下  
浣鄉民競擡本境之神以與鄰村所祀者相會  
因而判羊擊豕聚會飲酒唱演土戲謂之裝軍  
其聚飲也卽素不謀面之人亦喜延之八會

五月念七日六月十一日迎府縣城隍神兒童

則荷紙頂械廝役輩則裝爲叫化子笠上採戴  
各色草木之花以別之 中秋有月解戲文者  
使童男瞑目立於月下持咒誦之須臾如醉如  
癡而步履往來能隨其所唱之聲而各肖其人  
以出謂之闕月又謂之瞽目戲但聲不宜寂一  
寂則張目而醒 冬至釀黑芒稻米爲酒藏之  
踰年而後用謂之老酒村農掘薑於城市貨之  
謂之冬至薑

新  
增

瓊山縣志卷之二終





瓊山縣志卷之三

輿地志五 山類 附巖 尚

抱珥山在城內道署西高三丈餘阮通志

龍文山在府署後高三丈餘四知府林有祿培築

上同

三台峯在府學宮後脈自抱珥龍文聯絡排列如

三台然郡志

瓊山在縣南六十里白石都土石白如玉而潤縣

因以名種蘋其上特美所產檳榔尤佳下有瓊

山白石二村舊志  
下俱舊志

雁塔三元峯在縣南一里平崗一峯尖秀如筆水

環其下朝拱兩庠以宋姜唐佐始登第得名元至正中守帥築雁塔亭於上聯左兩峯爲三萬歷九年副使唐可封移郡庠三元碑豎於中峯爲雁塔三元

蒼屹山在縣南二里許洗馬橋南石峯屹立傍有石壁刻云盤龍屈曲自何方起伏回翔幾里長初無方長二字後人續成句子其陰有仙人洞

又名紫霞洞

舊志增

靈山舊名黑山在縣東南十五里英岳都俗名聖山喬木陰翳自北渡海中洋望之卽見及抵其地則不甚矣兀上有靈山祠所祀之神有六曰

靈山曰香山曰瓊崖曰通濟曰定邊曰班師禱  
雨多應以三月初九日爲祭期其官市曰靈山

市舊志增

陶公山在縣東南五十里原名扶山左有五嶺一

曰從衙二曰思崗三日光螺四曰居祿五曰居  
林透相擁護昔有陶公得道於此故又名陶公  
山道書第二十四福地也舊有陶公墓山下有  
巨潭合外三十六曲水達大江其西有蒼巡洞

中有二井舊志增

道靈神嶺在縣南二十里東潭都平地起峯高十

餘丈即古珠崖郡城址中有神廟

西石山嶺在縣西四十里上石山都高三十餘丈  
一名馬鞍嶺爲邑主山上有井與海通泉出清  
冽有洞可容數百人舊有石鼎丹爐在挺峯之  
下鄉人以爲祭神祈雨之所時有金牛出現西  
南一里有遞蓮崗稍西爲龍廊崗

舊志增

東石山嶺在縣南七十里博埋都一名美丙嶺四  
畔平原中突一峯狀若交椅石上有巨人跡舊  
傳仙遊於此前置巡檢司今廢 按山在舊州  
一名舊州嶺高與西石山嶺埒

潭龍嶺在城東北二十里坐之可望黎母諸山其  
下有泉分兩筭並趨西南一泉中湧名曰

泉景泰禪師古蹟

景泰禪師米僧和  
靖也。舊志增

虎村嶺在縣西南五十里雷虎都高二十丈許一

名波秋嶺一名雷虎山亦名虎蹲嶺其勢自西

石山蜿蜒而來至是挺起狀若虎踞山下有溪

流爲西南湖其南有鴉卜崗

舊志  
增

永茂嶺在城西南五十里遵都圍高十餘丈嶺上

一片平陽有小墩六迴環盤繞人以爲上應六

府星康熙年間鄉里置一神廟有一石由小而

大幾滿廟中號石母神道光年間又建一文昌

閣西南有一崗卽鴉卜崗

林  
訛

赤嶺上弦阿在桂林都黃天疆遊息處景致頗幽

每端陽重九少長遊集元林無我有詩題咏舊志

順村嶺在縣東三十里演順都平陂起峯四望森

鬱元僧無我建塔於上其右爲龍盧洞舊志增

了髻嶺在縣東八十里獨坡都高二十餘丈形如

了髻舊志又縣東南百餘里一嶺形亦如之別

名了髻據訪

石鼓嶺在縣西南一百六十里西黎都卽南岐嶺

也高二十餘丈中有大石盤圍十丈許扣之聲

如鼓舊志

盤塔嶺在縣南一百七十里西黎都南岐嶺南上

有十三峯下有溫泉舊傳有僧涅槃菴塔於上

因名

龍堆嶺在縣東南八十里那社都又名那社山山下有石初甚小歲久漸大鄉人結茅祠祀以爲神至今高五尺許祈禱輒應

同上

赤石崗在城西南五十里文盛都在多赤色而輕

既通

雲路山在城西南六十里高十餘丈中有三潭上

一潭林木陰森人不敢近其次二潭生小石如

橄欖有竅可穿俗名橄欖珠歲旱禱雨多應

既通

白廟墩在城西北三十五里高二十餘丈瀕海岸

上疊起數墩每墩相距十餘里而此居中巍然  
特出形類尖帽沙白如雪夜間有光自徐車輪  
浦望之可見渡海者以此爲指南土人誤傳其  
或隱或現而謂之神墩

訂正  
採訪

三嶺在城東北三十里形如貫珠橫攔五指山水

使之屈曲而注於海

採訪  
下同

北拱山在城東八里二山聳起如拱北象爲東路

平洋數十里之祖山

雪山在博茂都東湖潘天仙廟前其山土細如粉

皎如雪中有泉味甘美謂之清香泉

福婆社在振文都咸豐三年知縣李文恒禱雨有



應

麒麟山在縣南十五里邕陽圍天陰晴時夜間常有雙燭光燄騰空尋之終不得其所

土鼓阜在城東距石巖洞里許平地突起數阜阜上皆赤石人物蹈之輒應聲如鼓扣以小石噌吰響亮如擊鐘鏞疑此地與石岩相通其中皆一片空洞不然胡爲扣之而其聲淵淵然耶

龍纏崗在城南八十里博盛一都其形如龜上有仙石棋枰旁有甘泉名浮廩井

上田墩在城東五十里儒林都大江中特標一柱聳拔奇異古石嵯峨中有一洞可容數人四面

湖聲湧如旗鼓所產之魚多奇

丙子嶺在城東五十餘里蓮塘村東峯尖而聳上  
多林木鳥獸常有雲烟變幻於其間

深見嶺在城南百餘里開文聖鹿二圖間高十餘  
丈四面白石累疊數十層其巔則產磁石

紅旗嶺在城南百餘里開文圖高四十餘丈其地  
南界文西界定

瓊山嶺在城東二百里徐宅屯高約數十丈廣約  
四五里其巔多產海螺

龜墩在城東八十里蘇等一園南岳院田中突起  
一墩高三四尺周圍廣數十丈其形象龜故名

龜墩鄉人祈卜吉凶屢驗

羊角嶺在屯昌市南平洋突起四圍周全無缺頂尖如羊角然年豐則有祥雲掛其角端土人以爲太平之瑞

龍盤崗在郡東二十里張吳郡龍盤塘北與龍虛洞相距里許天晴明時陟其巔可望海北諸山元明間村民營葬其上得一石絕奇頭角與龍首酷肖棄之夜有靈光衆驚異爰鑿石室奉之每年五月二十日致祭至今不絕旱禱往往有應

烏嶺在慶善圖方伯張岳崧有詩載藝文

古所嶺在城東南百六十里坡口屯地高數十丈望海如在咫尺前後左右衆山旋繞如衆星之拱北嶺上有一大石鄉人所禱屢應

凌峯嶺在城東南百六十里徐家屯地海旁突起高數十丈其上多產異螺

孟季嶺在城東南百二十里三峯疊峙次第分明若孟季然多出礮石置羅經於其上盤針搖動不息以上俱採訪

巖崗

仙人崗在縣南二里蒼屹山後崗口有石爐內有石板題曰遠七里近七里不遠不近在七里

靖間郡守張子宏偕貳守趙可旦游境以題  
崗口紫霞建安仙亭青雲亭留題其間萬厯間  
副總兵鄧鍾建羸惠菴買田供祀勒石題景豎  
有碑記副使蔡夢說立流芳亭於左知府倪棟  
立會心亭於右各有題咏舊志下同按崗口有仙蹤  
二字郡丞宗公勒崗今已塞菴與亭亦並圯  
蒼巡崗在符村西崗門寬五六尺斜入二十餘丈  
內有二井鄉人砌石路汲水人汲其一牛飲其  
一深處暗不能入

遞蓮崗在石山舖西南一里入門行數十步委曲  
相通大小五崗深遠有石磴如楊可容數十人

上有門見天日傍一黑崗無火不能入

龍廊崗在石巖都東南一里崗路崎嶇由西南入  
深二十丈傍有小崗十二可容數百人鄉人曾  
於此避難

鴉卜崗在雷虎嶺南周圍約里餘深數丈雖秋潦  
彌月不滿中有石墩牛馬牧其內

龍盧崗在張吳都顏村側卽顏盧縣舊址副使黃  
顯致仕造爲休養之所尙書王宏誨知府史朝  
宜相訪有詩見藝文

鋪錦谷在縣南五十里壘村幽邃險絕元貞女蔡

九娘死節於此又名鋪錦巖

以上俱

石巖崗在城東六十里皇流村南地脈從高岡降  
歧爲赤白二岸赤岸石壁峭立中開洞門寬闊  
可容數十人洞裏深不可測有鄉民秉燭而進  
但見四圍空洞歷數百步卽抽身出不敢深入

採  
訪

仙洞在城東百餘里聖鹿園白石溪中有連珠石  
一帶高十餘丈廣二十餘丈而空其中名曰仙  
洞洞上溪水長流洞前水深無底昔有龍起於

此逢旱祈雨立應全上

川類 附井泉

南渡大江卽一統志之黎母水而俗所云博冲溪

也其源出五指山歷臨澄定三縣地界沿流會合諸水至城南六十里曰白石河至城東南十里曰南渡大江由東而北五六里納學前水之支流爲博冲河口瓊郡柴米百貨多由此運又北十五里至新埠渡分爲二派一北流爲牛始港入海一西流而北爲海口港入海其江自博冲渡而下陷民田爲沙漠者南北七八里東南

約三里居民苦之

採訪

舊志在縣南十里曰南渡大江又五里曰博冲河口又分一支流繞城東曰河口河考今水道博冲河口及河口河俱入大江而志云從大江



分出似誤

附馬房坡在縣南十六里博冲河西那邕頓林二  
圖地英岳圖人亦來居頓林圖之南渡村俱因  
牧牛無所三圖耆老議將此坡爲三圖牧地其  
所載苗米二石五斗撥入三圖通融輪納康熙  
四十年條陳縣府道并呈總督彭俱批准牌行  
永不許後人借名開墾亦不許營馬同牧有碑

勒豎府署前

採訪

流水坡在縣東四里博冲河中自道光數年而  
後水勢專注乎坡之東而坡之西成曠土焉同上

黎母水一統志云在城東三里

舊志

按此卽南渡大江也以其源出自五指故有此  
名一統志云在城東三里者蓋大江在縣南由  
東而北其距城南十里距城東不過三里也

學前水在郡城南其源自西湖流經丁村橋歷洗  
馬橋航舊學前東至新橋南橋又東北至河口  
村分爲二派一支西北流繞郡城東爲河口河  
一支東南流入大江爲博冲河口其流繞郡城  
者至白沙海甸二村方匯大江以入海採訪

河口河在城東門外卽學前水之支流也宋人潛  
導流經攀丹村東南而北會大江以達於海明  
宏治間知府張桓因里老唐正等建言買民田

改開河道引水直抵城濠以便運糧砌有石橋  
亦名板橋歲久淤塞乾隆元年道憲潘公思渠  
王公元樞相繼疏鑿繞東門經蘇泉書院由明  
昌塔出海碑鑄潘公河三字乾隆十九年巡道  
德明精於水利渡河東北下窰口建石閘以資  
啟閉灌田益廣歲撥府地稅銀六兩爲閘夫工  
食商民立碑閘旁名曰德公閘乾隆四十七年  
前道詳撥萬州榜獲鉛斤變價銀五百兩生息  
爲修河經費經督撫咨部奉准在案四十八年  
貢買樂會縣崇文鄉土名業墩崗錦舖等處田  
地共四十二畝八分三厘二毫載糧銀一兩五

錢四分四厘九毫折制錢一千五百七十七文  
每年批佃輸租錢三十一千文除完糧外實存  
錢二十九千四百二十三文逐年租息由樂會  
縣徵收解道庫存貯專爲歲修潘公河之費

增

舊志

博冲河口在縣東南五里頓林東昌二都界亦學  
前水之支流也其水常流出大江遇淫雨漲溢  
亦從大江逆入爲郡治巽方之水傳有古識云  
博冲河口塞五解狀元生萬歷甲寅尙書王宏  
誨知府謝繼科通判潘大熙議塞以圖應識因  
乙卯年兩學脫科水漲淹田鄰人共稱不便鳴

于署府事推官傅作霖委官開之旋寒旋開氣

運蓋猶有待焉

舊志

第一水在縣西三里其水自山澗流出繞下山村而人於海又西三里一澗謂之第二水亦流入

海

舊志下同

滴澗溪在縣南十六里上那邕都水源二一自謝

潭一自廕潭合流東北十餘里入南渡大江水

清如澗土人呼水爲南故名邕陽頓林等園車

水灌田皆賴此溪其隄岸卽濱壅圩也年年苦

築

舊志

謝潭在縣南十五里下那邕都潭謝村山間泉湧

出瀆為潭深莫可測

陸潭在縣南二十里東潭都泉出山澗瀆為潭大

旱不涸

銅鏡溪在縣東南八十里源出那社山中中有巨

石形如銅鏡水注其中有聲如雷溢出文昌鋪

前港

南湖在府城南澆田千餘頃按水自西湖流出其南一帶皆曰南湖

小西湖在府城西

龍廟西湖在縣西十五里博望都一名頓崖潭泉

自石巖流出極清昔人刻石為龍置穴中水從

龍口湧出又名為龍潭旱祈雨建有龍廟其



水東流爲學前水

郡志無龍廟二字

東湖在縣東十五里博茂都舊有巨室居此忽陷爲湖水色深黑元時天旱湖中一物每豎如柱高十餘丈須臾而仆聲撼動地不二日大雨官民因建廟於側每遇旱取水以禱輒應康熙四十一年立碑縣前免兩回差役以爲通年修祭之需四十五年知縣王贊重建廟三間凡旱廟中有火光燦爛三五日卽雨

西南湖在縣南五十里雷虎都乃虎村嶺溪流所潛而成者去湖四十步有仙井上有仙遊遺跡其流溢出灌田百餘頃出梁老橋通南渡江入

於海

安容湖在縣南八里豐好鄉

蓮塘在府治南產白蓮

五龍池在縣西十二里五原都泉清冽五派滂出

成池經濱涯轉南茂橋出海

峻靈潭東城外周圍二百丈蓋黎母水所匯也所

產魚味特美有峻靈神祠今廢

舊志增

雙塘在縣西四十里下石山都其塘一大一小二

清一濁淵深莫測早祈卽雨鄉人祀以爲社又

海口亦有雙塘

舊志增以上俱舊志

洗馬池在城南三里

阮通



豐好水距城七里龍眼水九域志郡國志並在瓊

山界

輿地紀勝

東山溪在城西南七十里經澄邁定安達南渡江

郡志

三十六曲水在縣南五十里麻長都盤紆數里勢

如蛟虬故又名蛟潭水出大溪達大海

拆訪下全

大響水在縣南五十五里蒼興都其聲如鼓下流

入三十六曲水

小響水與大響水相去一里其聲亦如擊鼓

道泮池在縣東南五十里萬都一圖舊有泰華廟

今爲泮池社學以誨圖中子弟水前後環繞如

帶

望月湖在縣東南八十里中秋夜進士謝寶宿其地曰此湖圓淨如滿月可名望月因題一絕於壁曰瀲灩湖光上接天滿輪秋月鏡雙圓誰將樹水梯雲取爲憶周生與謫仙

蓮潭在邕陽圖潭有二其一在珠良村前其一在鳳詠村前每潭有蓮數萬柄花開時紅白相間香氣襲人

王家灘在郡東八十里調塘三圖灘頭村前有大江環繞江中起石狀如三台鄉人祈禱輒應因建神祠於側

白水池在郡東八十里周圍二里許深不可測其中突起一墩林木青蔥與清流掩映進士謝寶嘗結廬於其上

龍潭巖在城東五十里大可三四尺泉噴出地高數寸流而不息開渠應田百餘頃相傳有龍曾出其中因以爲名

炳文池在城東五十餘里高岡聳拔中有一池魚味特美

月池在城東八十五里蘇每二圖美帖村前形如滿月故名

日月塘在城東八十里蘇每二圖羅莊嶺一在嶺

左一在嶺右四山環繞形勢頗奇

嘉湖塘在官隆三圖嘉湖村前平原中忽成一湖  
周環二百餘丈左右皆奇石古樹每當春夏有  
玉壺藏冰之氣歲貢張公廉曾建世德樓於其  
中旁有仙巖曰授丹洞歲貢張震蕃暴病遇異  
人授丹於此因而得活故名

沙港灘在城東南百餘里徐家屯多產奇蟬遍身  
細毛俗名毛蟬其味極美每年七八月出以上俱採

詩

海口港在郡北十里海口所北水自五嶺長江南  
渡流來支分海口礮臺及鹽灶溝乾隆初年港

門淤淺礙行商陳國安等呈明知縣楊宗秉擬

東西礮臺支溝築隄堵塞改水往西由鹽灶轉

海口出海南北官渡由此其東北十里爲牛始

港二十里爲白沙港

舊志增

神應港在縣北十里舊名白津宋元帥王光祖曾

開未就淳祐戊申颺作自衝成港人以爲神應

故名

舊志

小英港在城西北十里上五里爲鹽灶港

舊志增

麻錫港在城東北四十里又十里爲芒苧港

舊志

東營港在城東二十里右有博茂港芒苧港沙土

港至海口港左有新溪港達文昌舖前港

探訪

北洋港在縣東三十里與仁都港東立墩臺有兵

防守

舊志下同

新溪港在縣東五十里濱順都與文昌交界明萬  
歷間地震沈陷數十村名爲新溪與舖前港相  
通海船可以出入

白沙河在海口東三里乾隆六年監生陳國安生  
員鍾世聖楊翔鳳呈請當道由白沙村尾疏通  
海口內可容船

博茂港在縣東三十里又四十里爲北洋港

烈樓港在縣西四十里許自徐聞那黃渡開船小  
午可至漢伏波將軍渡海之處有大石生海邊

上有三墩名曰烈樓嘴海南地接徐聞此最近

以上俱舊志

井泉

雙井卽舊海南衙前井宋景宣三年鑿久湮其一

元皇慶元帥郝靠山復浚如舊官民咸取汲焉

今仍塞其一

舊志下同

府門并在府治西南卽舊蓮塘井一統志云其泉

味甘冽環城人汲之

玉液井在縣內西隅管糧廳後明景泰五年知縣

陳用已開

西城大井在大西門內街北正統指揮邱勝李朝

開今西門人汲之

南城脚井指揮李泰開

觀風井在察院公署內左萬歷戊子巡按蔡夢說  
開自記立碑今公署改爲總鎮府井仍存

北城井泉味清冽吳昇開指揮徐瑄修

瓊漿井在南郊舊縣學東洪武教諭趙謙浚深四  
丈立二石柱駕轆轤以汲水題一柱云歲壬申  
閏甲申鑿斯井泉沄沄德日積用日新養不窮  
千萬年考古名告後人又立石碑刻瓊漿二字  
今井基尙存

水關井在北城內泉味甘冽



武秀井在縣東街武秀坊前宏治指揮張瑄開

多味井在縣南四十里梁老都泉出巖竅甘潔不

涸

南宮井在南橋外南宮殿廟後泉味甘冽大旱不

涸

琵琶井在南橋唐解元濂伯家居前有大枇杷樹

陰蔽于上故以此名泉味甘冽不竭亦名仙井

鄉人傳有金鯉遊現爲出唐解元之應

郡志作枇杷

沙井在城大南門外西南濠畔泉甘冽迴勝諸井

康熙乙酉生員陳今益砌以石欄有碑

郡志作淨沙泉

六角井在南郊舊縣學東路畔石砌六角各有柱

今環南城外汲之

竹根井在城東一里侍郎唐胃鑿有銘

洗心泉在城北接龍橋下知府賈棠建橋始得此  
泉清冽不竭環以石欄名曰洗心有記

彌陀井在城東一里番誕村彌陀巷前

雙眼井在縣南橋外舊山川壇北山下泉味甘冽  
不下沙井

仙井在東潭都石巖中深一丈有平石左刻貞元  
二年右刻熙寧甲寅數字

龍井在蒼驛都鄉人琢石爲龍置穴中水自龍口

湧出大旱不涸

田井在縣南四十里遵都巖泉湧滂周圍三十步  
許冬溫夏冽昔人砌石爲闌旱則三五十里皆  
汲之

羊拜井在宅念都朱時羣羊于此跪水氣騰上鄉  
人鑿井得泉

天井卽圓井在邁都用漾村巖下深五丈其中可  
容數人入至深處或聞杵臼聲

白玉井在海口紅坎坡西宏治陳英浚開土人呼  
曰白土井深不滿尺汲者用瓢上之味甚甘冽  
附郭各井以浮粟泉爲最海口各井以此爲最

舊志

叶華井在梁老都流入浦水橋清冽

玉龍泉縣西南十五里泉出石竇寒冽湧如飛珠  
走玉大旱不竭郡中禱雨必到此請水名曰龍  
泉鄭廷鵠有詩見藝文

惠通泉在縣東五十里符離三山菴下東坡所名  
記曰禹貢濟水入于河溢爲滎河南曰滎陽河  
北曰滎澤沱潛本梁州二水亦見于荊州水行  
地中出沒數千里外雖河海不能絕也唐相李  
文鏡欲飲惠山泉置驛以取水有僧言長安吳  
天觀井水與惠泉通雜以他水十餘缶試之僧  
獨指其一曰此惠山泉也文鏡爲罷水驛增山

之東五十里曰三山菴下有泉味類惠山東城  
居士過瓊菴僧惟德以水餉焉而求爲之名名  
之曰惠通元符三年六月十七日記亦名東坡  
井

東坡井在舊道治後東北隅東坡曾飲息于此故  
名昔人立有石碑萬歷乙卯郡守謝繼科覆以  
亭題聯于石柱近志卽以爲雙泉誤矣□按郡  
志云宋時井在城外明初廣城遂圍入城內亭  
名泐酌據碑爲萬歷庚辰郡守唐可封重建今  
亭廢碑記尙存

雙泉據舊志在城外東北隅宋蘇軾所鑿兩泉相

去咫尺泉味異常宋陸郡守建洄酌亭于上及  
李光謫瓊居雙井九年再移昌化有詩云曾是  
雙泉舊主人之句元嘉泰二年萬郡守重修猶  
琬作記後久填廢卽文莊邱公亦有雙泉湮沒  
不可見之歎但父老傳言一泉在坡翁時有雙  
龍白如玉常出現又一泉金粟常浮與格古要  
論遊龍浮粟之說相合則一泉在北街田墾邊  
基石猶存一泉卽金粟泉無疑矣近志以城內  
道後者爲雙泉蓋傳聞之誤也康熙丙戌郡守  
賈棠于泉上勒石東坡雙泉之一上有臨清亭  
濯纓亭久廢□按此泉在粟泉東野礪下相距

數百武其味更冽洞酌亭雖圯其基址直在根

石尙存但其上冢墓纍纍已不堪用

金粟井在城東北隅一名浮粟井卽東坡雙泉之

一與右邊北隅泉相望而味更佳萬厯四十年

郡守翁汝遇建粟泉亭未竟四十二年郡守謝

繼科踵成之復建書院十餘間講堂一座適公

卒于官轉爲遺愛祠四十五年副使戴煊增建

二蘇祠康熙五年遊擊易知募建樓閣以祀準

提別築二蘇祠于閣之左二十五年郡守修湘

年副使程憲總兵吳啟爵卽準提基址改建正

祠以祀二蘇置左右兩廊以作僧舍移準提於

金粟菴乾隆十年郡守于霽知縣楊宗秉全捐  
俸建蘇泉書院並建泉亭于院前井上地當風  
雨各亭閣屢修屢廢至乾隆間學使翁方綱復  
建亭於書院之前補題其額曰洞酌舊志

清惠泉在城外北五里亭海口往來中道萬厯戊

申年郡守倪棟所鑿建亭曰清惠故以此名泉

味甘冽行人憇息多飲之四畔種榕立石勒銘

今時呼爲倪公井以上俱舊志

鍾公井在小西門內深三丈許周圍砌石旁有碑

鐫鍾公井三字郡志

下全

馬皇廟井在小西門馬皇廟內鍾司徒鑿



晏清泉在小北門內晏公廟後味甘勝城內諸井

元時開石刻晏清泉三大字

毓秀井在城東北二十里潭龍嶺後其味清冽

鏡井在東山市西北半里許天生自然廣三四丈  
深無底水清如鏡數千百尾魚出沒其中投以  
食物有於物魚躍之趣井門通三十六曲溝溝  
水濁井水清分流不混如河濟然井上有神母  
祠相傳其魚爲神所畜大者二三尺在井中取  
者烹之不熟出溝外則捕捉不忌

郡志增

噴珠井在文峯塔下深不滿三尺而泉甚寒冽三  
伏天卽之殊堪破暑

北讓井在城南十八里上那窰圖其井天然生成

泉甘冽上有神蹟旱禱多應下流達濶溪灌田

甚廣以上俱  
鄒志

丹井在縣西南五十里許美里村其泉常濟一方

旱則有歷長途而來汲者採訪  
下剛

仙井在遵都壘里之南道光八年大旱馮姓浚故

井得此泉其味清甘數千家汲之不竭

甘泉井在東洋都員山環龍塘之尾味甘色清飽

飲不饜明尙書王宏誨有塘尾甘泉詩見藝文

育德井在縣南七十里上遊都儒林村泉味甘冽

和井在浦天橋之北水泉湧出大旱不竭其味最

廿

渴躁井在縣西南三十里山谷中康熙年間掘逢

大旱三五十里皆汲之

博點井在縣西南四十五里鄒都泉僅深三尺其

味甘美大旱不涸

美秀井在縣西南亨裕都道聘村乾隆年間始開

其味甘冽

龍泉井在縣南三十里龍塘市嘉慶年間河岸高

勸下泉源湧出其井不鑿而自成澄清見底味

極甘冽鄉人周圍砌石以汲焉

玉洲泉在縣西北十餘里書場村東北高砌下水

清如鏡甘如醴澄澈透底遊魚可數嘗以秤稱之其水較重于他水當盛暑至其地冷氣逼人炎熱盡消飲之沁入心脾土人汲以煎茶造飯經二三宿其味不變

噴玉泉在縣南五十里陶山市下泉從岩竅高處噴出勢如垂虹以大桶承之須臾而滿水極清冽不費不泥

金盤井在縣東南五十里太乙村圓如盤深三四尺其泉從石下湧出清甘重于他井久旱則數十里皆汲之南邊有一堀極圓淨相去咫尺泉源相通形如日月土人名爲日月泉

遇寶雙井在城西二十里施茶舖前明末大旱衆  
皆遠路取水陳門媪擔兩小甕水歸至此有客  
乘白馬乞水飲馬媪云無梓客指地之下級窪  
凹處拔去其草而傾之媪如其言馬飲畢仍以  
杓上其餘水分入兩甕兩甕皆盈媪異之因挖  
其地不數尺得濫泉焉僉以仙靈爲媪所感立  
廟祀之前人有記

溫涼井在城西南五十里雷虎都儒成村前嘉慶  
間鑿深二丈餘冬溫夏冽泉味清甘一方共吸  
之

三清井在南橋村南三清坡邊其味清甘亞于金

聚泉大旱不涸

永鏡井在城南六十里宅念都龍玩村前泉味清

甘大旱不涸

卓錫井在靈山市前道光丁未年郡守林鴻年禱

雨立應題曰澤被瓊南

永祿井在城西南三十餘里永都中團坊元末福

建古田陳金滿金盈隨其父覺宦瓊卜居于此

兄弟捐貲各挖一井金滿所挖者在道樂而此

井則爲金盈所開其泉尤旺井底有一石坑縱

橫數丈係天造地設歲旱附近數十村環繞汲

之

浮石井在城南二十里東潭圍隄讓村前有方石四尺餘四面均平常浮水面石上篆跡模糊可辨者月中人三字

珠崖井在城南二十里東潭圍近柵訓村初建城隍廟舊址其水香甜飲之可辟瘴癘

潭謝博井在城南十五里泉從岩穴湧出其色甚清如變而渾則年病瘟疫屢驗

一品泉在郡東八十里調塘三圖竹園村有古石井僅深尺許底如磬石中間一畫旁有二孔泉從孔中湧出甘美異常遇大旱數百家汲之不竭其下流灌田數十畝土人觀其形肖品字因

三十一  
名爲一品云

甘泉井在城東五十里儒林里龍宮地其水湖起則鹹汝至則甘井中常有氤氳氣

醴甘井在城東八十里蘇尋二園美帖村東平原中深三尺許泉從石出涓涓不已其潔異常汲置踰年其味不變明御史馮禹卜居于此嘗而美之因取名焉

香泉井在城東九十里調塘二園高科村其泉甘美味之加有香氣故名

老井在城東八十里蘇尋一園羅梧村前泉湧不竭其味清甘林馮吳三姓同建



靈應泉一名水貫井在聖鹿圖東銀山下水從石  
竇湧出混混不絕相傳泉脈與海潛通里中祈  
雨迎龍取水輒應流經文昌縣侯橋礮匯西亭  
洋

八卦香泉井在屯昌市側泉水由石龍口吐清香  
甘冽益人心脾

惠仁泉在秀瓊圖安仁市東北半里明邱文莊嘗  
經此飲而甘之謂味同惠通泉因名惠仁土人  
亦名邱公井深不二尺而大旱不涸來汲者三  
十餘里

洋洋井在縣西南三十餘里水自高山湧出四時

長流灌田數百頃

揚旭井在縣西南三十五里水泉甘冽長流不竭

以上俱  
採訪

輿地志六 水利

度靈塘宋史河渠志開寶八年知瓊州李易上言  
州南五里有度靈塘開修渠堰溉田二百餘頃  
居民賴之今大來都響水橋上流有塘蓄水卽  
其舊蹟下流至那梅都英吳橋則亂石甚多既  
不能漲又不能洩春乾夏溢歲常不收尙當于

英吳橋置閘啟閉以備蓄洩

舊志下同

義豐隄閩元王儋翁水利碑畧云其開義豐邊化  
豐好等處民田往因洪水衝決陵谷變遷難于  
稼穡後至元丁丑春諸田老以實聞于郡郡檄  
委前雷庠學正張宜舉董其役有田之民不期

南至陸橋車閘修制有方七年始效獲水利者

一十八處成熟田者有十萬餘頃

郡志作千有餘頃

南橋水道在縣城南外源自西湖龍井合流至南橋宋人浚河自蕃誕達大江正統間蕃誕人於

兩岸築柵置車引水溉高田成化八年副使涂

棊以南橋周相等訟橋內低田爲塞車壅水所

傷遂除柵廢車自是蕃誕苦無灌溉爭訟不已

正德六年郡守王子成乃召二處民謝傑陳堯

明等議兩便車田每年自十一月二十日開通

水道待南橋低田禾苗發長至次年二月初一

日方許塞車其低田每要依期佈種或雨水泛

盜則田車仍要開通永爲定規

林村閘堤在縣東南五里頓林都鄉人以石閘堤

開渠引水灌田二十餘頃

堤音具正字通公頃字按隄塘無堤名今

鄭志改爲塘

博冲車堤在縣東南頓林都源自西湖流經智水

橋英吳橋至北麻村會南渡江前人作堤轉車

升水溉田

濱墾圩岸在縣東南十八里自上那邕都達於頓

林都元至正間郡以民苦水患委前雷庠學正

張宜舉董築明洪武末郡復闢于朝委知縣陳

永彰修之進士符銘作記成化間圩岸漸圯監

生符萬從上陳副使冷棐委大使宋紀重修自  
周郎至邁元約有五里高二丈濶倍之宏治乙  
卯太守張桓委舉人梁繼策復修親臨環視高  
濶視昔加倍乾隆十一年知縣楊宗秉據吳承  
機等呈圩岸被人破壞隨經勸捐錢拾緡修復  
諭架造水車不許橫截河流併不得擁水畜魚  
使下流淹浸以致爭訟凡修築上流出木壁下  
流出人工例得免其雜役然乾隆以前所患者  
不過一岸及嘉慶年間又崩加一岸道光年間  
又再崩加一岸其中衝陷田園宅舍不計其數  
今三岸年年修築觀昔爲尤勞咸豐元年春有

土人掘去第三岸崩濶十丈深五尺合衆鳴官  
署知縣張需勘驗自捐錢一百千文命工買料  
運土補築旬日告成上下數千餘畝之民咸沾

其惠

增舊志

塸心陂在縣東南十里顏村鄉人顏仲陽築長六  
尺濶一丈壅水灌田十餘頃

博歷圩岸在縣東南二十五里洒塘都築一百餘  
丈開渠引水灌田

潭羅陂在大小英都源自拖皇山坡下湧出鄉人  
于上流築陂塘灌田十頃

東岸隄在下東岸都成化間知縣梁昕築

潭溪陂在縣東三十里小林都源自那庭田澗流  
出鄉人用石堵塞引以灌田

巖塘陂在縣東南四十五里卽博點塘山巖間水  
湧出匯而爲塘宋端平間鄉人于塘門共築石  
高一丈六尺濶三丈八尺駕橋砌陂爲堤延袤  
二百餘丈流分二派南派灌漑鄭暫遵麻等都  
田北派灌漑洒塘抱蘭大小等都田共數百餘  
頃其陂隸官職掌各都立陂甲三十二名以供  
其役以陂長一名督之任水性分流不得擅利  
塞洩

綠松陂在縣東三十里小林都源自靈山舊澗流



出鄉人築土陂引水灌田

亭塘在巖塘有二里許韋執誼十世孫奉訓大夫  
韋敬匡始開其後裔庠生韋孝韋傑韋弟繼築  
成之成化間知縣梁昕復固其後人韋文貴修  
補高二丈五尺長百餘丈引水灌田雍正乙卯

韋廷獻重修併捐砌橋旁石路

舊志增

博浪圩岸在縣東四十里演順都自博浪溪起二  
百餘丈宣德間主簿熊誌鄉人王賢嗣等建議  
修築後圯成化間知縣梁昕仍命得利之家增  
修今漸崩圯

五丈塘閘在縣西五原都源白洋浚南延流至五

原橋下合流鄉人每里築一陂名曰塘閘澇則開晴則閉引水灌田

大潭陂在興政鄉陂開九閘隨旱澇開閉灌田七十餘頃

橋冲陂在烈樓都陂開七閘灌田六十頃

那洋陂在烈樓都源自南巖湧出成溪鄉人築陂灌田五十頃

南賴陂在縣西南七十里邁別都水源自石山流出鄉人築堤引水以灌田

梁陳陂在梁陳都元時遭水決洪武中知縣陳永章修築復圯正統間知縣朱憲以石砌築高七

尺長百餘步水源不竭民享其利

東屯塘在蒼原都鄉人築岸灌田八十餘頃

圓山塘在圓山村前澗湧成塘縈迴如帶水多綠

色雜植荷花魚鰕甚盛鄉人築堤灌田數十頃

今名環龍塘

舊志增

潭宅塘自雷虎都入塘作堤灌田一百餘頃

南天塘在梁老都源自雷虎雲喬山流入鄉人置

水車灌田一十餘頃

潭鄧塘在西潭都洪武間鄉人爲閘開水變陸成

田有數十頃

舊志

按黃氏通志載縣有水二曰陂

亭南橋圩岸三曰濱壅博應博虎陂十曰塘心

潭羅東岸潭溪嚴塘綠松大潭橋冲南賴梁陳塘五日東屯圓山潭宅南天潭鄧共灌田一千

八百餘頃

郡志

邁容車渠在縣東南八十里蘇尋都自邁容起至戴塞十里許引溪作水車灌田千餘頃

東溪圩岸在大林一東營港知府唐可封築圩防海盜

長牽圩岸 後樂圩岸二岸在豐華都萬厯乙巳地震田陷崇正間御史李元衡募民于河口稍隘處運土堆石築起兩岸高四丈長二十餘丈濶二丈捍海爲田百餘頃勒碑于岸

蒼茂圩岸在縣東南八里頓林都發源自永都漚田八十餘頃嘉靖年屢修屢壞萬厯乙未知縣吳宗禎捐修丁酉副使胡桂芳知府李多見同知經仁木買石修築乙巳地震副使蔡夢說知府倪棟復修康熙五十一年雷瓊道申大成知府林文英知縣王贊築滾壩啟三門架橋于上水大從壩洩去小則蓄以溉田稱兩利焉五圖士民賴之有碑記以上俱舊志

官隆園田溝距城六十里青草村明海瑞開水自樂萬至鷄頭等處迤邐十餘里灌田甚廣舉人

王承烈有記郡志

那夾塘在城西北四十五里烈樓都水自山澗湧  
出成塘灌溉瓊澄二邑田數百頃上全

懸泉在城東南五十里近陶公山泉從山中湧出

味甚甘灌田數十里上全

水頭泉在水頭地四時常流聲如擊鼓久旱不枯

澗灌田數里上全

龍塘橋水在縣南二十里酒塘都其地田俱高亢

中有小溝自橋而達大川洪武初鄉人王佑王

球等築隄設水車十輛溉田數百頃附近都園

咸沾其利碑勒橋邊本舊志

博洋橋水在縣西四十五里原自山麓石湖出溉

田數十頃

志

塘柳塘在縣南七十里許東洋二都鄉人置車灌

田數百頃水利甚溥

採訪下全

塘禦塘在縣南七十里梁陳二都水自滿天塘流

出梁老溪春夏間月塘梁沙各村寨車使水上

壅塘中漲溢灌田數百頃

北堡堤在縣東南五十里萬都一圖北堡橋下自

橋築堤壅水繞北墨坡達邁宦井約百餘丈開

渠引水灌雙熟田數十頃單熟田數百頃

南朝閘在縣東南五十里萬都二圖康熙年間博

洽村吳杜二姓呈請縣主給示建從南朝橋上

用板閘水穿岸開溝灌村前後田百餘頃

曲水車渠在縣南五十里麻長都坡崙村前濼則引上流之水而趨別壑旱則激大江之水以歸蛟潭田多賴之

道路溪在城東十里興義都水從北冲河通海其田多潮患土人歷年築堰置車灌田旁有壇爐早禱多應

雅黃塘在城南八十里許鄉人取水灌田十餘頃  
青草溝在城東南官隆一園青草村前明嘉靖二十  
十四年御史海忠介公到其地同鄉人王績鑿  
之廣一弓長十餘里灌田二百餘石有淤每絲



隱門岸在縣東八十里調塘二圖朝坡村北乾隆  
初陸廷表全眾修築嘉慶間陸文宏陸昌明全  
眾增補高一丈廣二丈長百餘丈外障海湖內  
塞淡水有案存縣今漸圯

坡條岸在城東八十里調塘二圖燥梅村北明萬  
曆間地陷鹹潮泛濫田稻被傷連鄉全築以障  
之國初圯乾隆十八年鄉人復請縣示鳩功  
修築廣三丈高一丈餘長八百餘丈可障田千  
餘畝咸豐四五年間鮑耀齊集眾重修岸外有  
臨那水坡五里仔三處海木護岸立禁不許損  
傷并有船三隻車三輛永供岸役長免稅課有

案存縣

十二白泉在聖鹿圖東銀山下有巨石方廣丈餘  
中有十二孔形如白泉從竅中湧出大旱不涸  
溉田數百畝流經文昌縣猴橋溪匯西亭洋

赤土岸在城東七十里調塘一圖紫泥村東高乙  
丈餘廣三丈餘長一百餘丈岸旁餘地俱種海  
木圍護乾隆三十年奉道憲王仰縣主陳勘驗  
存案有碑監生黃必超仝眾築

仝上

羅墩岸在郡東七十里調塘二圖乾隆十二年陳  
奇成倡捐補築咸豐五年重修大二丈高一丈  
長百餘丈外障潮水內壅淡水灌田千餘頃有

海木護岸

邊壁岸在郡東七十里調塘二圖嘉慶二年李學斐倡捐補築咸豐五年生員李承露集眾重修大三丈高丈餘長百餘丈外障潮水內壅淡水灌田數百頃岸外并有海木護岸立禁不許爲人所損

聖湓泉在郡東南百一十里聖鹿都泉自田間湧出匯爲溝久旱不涸溉田數里

下水陂在城東南聖鹿都鄉人共築灌田百餘畝沿流而下爲祿馬橋橋有陂壅水灌田亦數十頃

沙港屯田在徐家屯地屢被風鹹所侵屯人難以  
管耕乾隆四十八年歲貢林桂華全眾招文邑  
柳嘉村側貢林運鈺捐貲築塍禦之其塍廣三  
丈餘長十餘里共費錢九百四十千文每年三  
八兩月任鈺樵採嶼中之木以供火爨有礮

后山池塍在城東五十里豐華圖濱海園田數十

頃厚山村王學書合眾建

以上俱採訪

瓊山縣志卷之三下

輿地志八 物產

穀類

稻有梗糯二種梗之類曰香秈珍珠稻

香秈性柔而味小

香珍珠黏稍圓而色

白芒烏芒

鼠齒黏稻有青

黏花黏銀黏油黏之別以

早禾山禾

亦曰坡稻

其種來自占城故皆曰黏

於山中燧林積灰和土而播種焉不加灌漑

自然秀實連歲有收地瘠乃棄之更擇別處糯

之類曰光頭九里香白糯黃糯大糯小糯

黍

之類曰金黍

一名黃黍牛黍

稷之類皆名為粟曰

鴨脚粟

宜釀酒

狗尾粟

歲再熟

麥之類惟有小麥

一種

梁之類曰白梁赤梁

餘人少種以其播地力而收穫少也

菽之類總名為豆曰赤豆黃豆白豆本草一名飯豆

烏豆烏豆宜為豉出東山市者佳菜豆柳豆枝葉如柳可浴痘疹刀豆

菹豆花有紅白二種噴嚏豆壓草豆豇豆花紅白二色莢長者二尺

俗呼為袍帶豆○參郡志

薏苡米多出儋州崖州瓊人每以為糧舊志增

芝麻有黃黑白三種玉篇云藤苡胡麻也郡志

芋有坡水二種坡曰麩芋曰鷄母芋曰東芋水曰

水黎芋銀芋春種夏收夏種冬收皆以當中出

苗者為芋母四圍附之而生者為芋子亦可為

糧然其性不及番薯和平舊志增

甘藷葉如芋實如拳有大如甌者皮紫而肉白蒸



煮食之舊珠崖地不業耕稼惟種甘藷秋熟收  
之蒸晒切如米粒貯之是名甘藷糧

南方草木狀

薯蕷山藥也有四種曰鹿蔓鈴邊蔓黎蔓

味佳或種三年

始扁蔓郡志

蒔蓂即本草黃藥子色紅味苦有毒火灰水浸二三

宿乃可食亦可染色

郡志下全

甜娘一名木老其花如蓼莖枝有毛土人取實晒

乾用又名豆稜仙

上三種可救荒

南椰麪多出定安瓊人以南椰粉爲飯曰椰霜飯

南椰與椰子樹不同其精液形色氣味皆類藕

蕨粉本草以爲莎木麪也

番薯種自番國攜來以蔓埋地卽生其葉可爲菜

根似山藥皮有紅白二種終年食之精神不減

郡人嘗以釀酒

以上俱郡志

蔬類

甜菜卽蒼達本草云莖灰淋汁洗衣白如玉

郡志

苦菜一名荼草一名選一名游冬生於寒秋經冬

歷春乃成月令孟夏苦菜秀是也葉似苦苣而

細斷之有白汁花黃似菊

爾雅疏

薤菜葉如落葵而小治治葛毒

南方草木狀

茼蒿菜本草云動風氣薰人心令人氣滿不可多

食

儋州志



東風菜裴淵廣州記云宜肥肉作羹香氣似馬蘭

味如酪此菜先春而生故名

郡志

蒺藜菜卽蒺藜一名赤根菜劉禹錫云種出自西

國有僧將其子來云是頗陵國之種語訛爲蒺

藜耳

嘉志錄

苦蕒菜卽劉易所嗜蠶蛾出時不可用

郡志

地達菜一名地春雨生荒野中

儋州志

鹿耳菜生曠野沙地花黃如菊土人取葉去毛羹

食出萬州

郡志

芫荽一名胡荽張騫使西域得其種歸種之故有

胡名道家以爲五葷之一

舊志增

現山果元  
草撥葉如萹實類桑椹東坡云閑桃葉撥根是也

郡志

海粉海岸有蟲食苔蘚所化從背後吐出有五色

以綠色爲佳可治痰

綠菜 萹薺菜 頭髮菜 銀蕒 牛菱

並舊志

形

體性味俱未詳候後查考

芥蘭甘辛如芥葉藍色鍊之能出鉛又名隔蓋

雜記

蓬生果名乳瓜土人又名木瓜一名萬壽果樹高

一二丈如椶櫚葉如蒲葵近頂節節生葉類木

瓜而色青皮嫩微有楞肉白多脂稻之乳隨出

醬食甚脆子如蠶矢二月下種數月卽高大果

少則以刀斫其根其樹皮可食如蘿蔔蜜浸尤

佳同

石髮菜出海石上纖長似絲縷

虞衡志

茄隋煬帝名爲崑崙紫瓜又有白色者爲銀茄黃

山谷詩云珍蔬長帶色勝銀南方草木狀云交

廣草木經冬不衰故蔬圃之中種茄有宿根三

四年者漸長枝幹成樹

郡志

芹有水芹旱芹水芹一名水英杜甫詩云香芹碧

澗美蓋美芹之功而列子言鄉豪嘗芹蜚口慘

腹蓋未得食芹之法耳

本草綱目

鹿角菜生南海中石厓間長三四寸大如錢線分

了如鹿角狀紫黃色土人采曝貨爲海錯目上

越志云蕞葵一名鹿角蓋鹿角以

形名蕞葵因其性滑也○郡志

芥菜有青白紫花數種

餘州志

生菜形似萵苣可捲肉餡

郡志下全

莧菜爾雅謂之藎又有野莧馬齒莧紅莧食忌齋

蘿蔔菜一名蘆菔一名來服有大小數種惟大者

甘美可食

郡志增

魚鱗菜有大葉小葉二種菜大者苗蔓交加施於

榛棘其葉可以煮食

郡志增

薑紅白二種又有高良薑黃薑山薑

蔥有乾葱水葱珍珠赤白二種卽爾雅山蒜

非通志謂之草鍾乳其美在黃忌同牛肉煮食之

生寸白蟲郡志增

薤菜類葱而根如蒜儀禮云葱薤之屬食之止卧  
筍類甚多然味皆苦惟麻竹刺竹數種常以充饌  
茵俗名菘有甜菘赤米菘梅花菘紅赤白三色白  
佳若食中蛇毒者搗芝麻調服即愈

木耳生桑樹者治痢生火殃樹者治瀉生梅樹者  
治腹痛生於朽木者俗名木耳菘

田艾葉如艾而細生田畔俗拌米搗粉爲饅飪以上俱郡志

蒜一名葫一名大蒜葉如蘭莖如葱根如水仙八

月分辨種之當年便成獨顆及熟每囊五七瓣

或十餘瓣亦有獨顆者苗嫩時可生食

葷芳譜

按蒜有大小而形性迥別爾雅翼云大蒜爲葫小蒜爲蒜今俗混稱爲一固非又古今注云胡國有蒜十許子共爲一株種嘉襄之名爲卵蒜則二蒜俱出於胡而孫愐唐韻以爲大蒜得自西域小蒜中土舊有亦非也

藕苗根葉并如蹲鴟而葉差圓根倍大莖用鹽煨抄略去其汁同猪肉炒食味甚甘美亦治血痢

新增

瓜類

冬瓜一名白瓜附地蔓生長者如枕圓者如斗春

種不若冬種結瓜肥好今海南多以十一月種

至三四月卽鬻於市

呼東瓜者非參郡志

西瓜一名寒瓜肉有紅白二色善解暑梁滕蠶恭

母患熱思寒瓜不能得遇一桑門以一遺之卽

此瓜也

舊志增下全

南瓜形橫圓而豎扁色黃有白紋界之微凹可以

和肉作羹亦可釀酒種出南番故又名番瓜

絲瓜皮上有稜肉多筋絲長止數寸嫩者煮熟加

薑醋食或同鷄鴨猪肉炒食并佳老則根絲羅

織枯而無味止堪滌器又有一種圓徑寸許長

一二尺皮上無稜烹之水漬甚多者名水瓜俗呼醋瓜其性味亦與絲瓜同俱同上

苦瓜原出南番今閩廣皆種之五月下子生苗引蔓卷鬚如葡萄八月開黃花五瓣如椀結瓜長者四五寸短者二三寸青色皮上非如癩及荔枝殼狀熟則自裂內有紅瓢其味甘中有子形如冬瓜子本草綱目

王瓜卽土瓜也月令鄭註作萁羣芳譜云一名老鴉瓜苗嫩時可茹子長寸餘生青熟赤紅舊志增

在瓜有青白斑數種形似水瓜而皮光澤可生食



增郡志

甜瓜一名甘瓜一名果瓜五燈會元云甜瓜徹蒂

甜以其味非諸瓜比故獨得此名

增舊志

香瓜似甜瓜而短有黃白青數色小而圓者極香

上全

丹瓜野蔓生葉似黃瓜而小俗謂之坡瓜

魏志

壺盧俗作葫蘆有長柄亞腹二種可制爲器

參郡志

瓠有甘苦二種甘者大苦者小

正字通

匏卽瓠之苦者以竹貫之則爲笙亦可腰以渡水

太康地記云朱崖儋耳無水惟種大匏藤斷其

計用之其物比窮陸之木爲尤奇

舊志增○以上三種舊志

瓠  
瓠

按壺與瓠匏皆瓜屬陸農師云短頸大腹曰

瓠長而瘦上曰匏似瓠而肥圓者曰壺瓠可

食匏不可食壺則嫩者可食老者不可食

辨曰壺嫩者可供茹種類雖似不同然古今注云匏瓠

也則瓠亦可名匏說文云瓠匏也則匏亦可

名瓠毛詩傳注云壺瓠也則瓠又可名壺至

本草於苦瓠則云一名苦匏一名苦壺盧則

合瓠匏壺而爲一大抵此等瓜類前人原無

甚區分後人別而出之亦欲操桔槔者知所

審識云爾

鷓鴣瓜野生高不滿尺實似王瓜熟紅色味佳云

鷓鴣食之故名

通志

果類

荔枝實大如鷄子肉白如肪甘而多汁夏至時翕

然俱赤則可食也

草木狀。又莊韓云海南有無核荔枝

龍眼殼青黃色形圓如彈丸核如木梳子而不堅

肉白帶漿其甘如蜜一朵五六十顆作穗如葡

萄然荔枝過則龍眼熟故謂之荔奴言常隨其

後也

椰子樹高五六丈實小者如栝萇大者如寒瓜有

粗皮包之皮內有核圓而黑潤甚堅硬厚二三

分殼內有白肉瓢如凝雪味甘美如牛乳瓢內  
空處有漿數合清美如酒其殼磨光有斑纈點

紋橫破之可作壺爵縱破之可作瓢杓

俱同上

波羅蜜有乾溼二種自蕭梁時西域達奚司空攜

子二枚栽於南海廟由是傳諸各地無花結實

其大如斗一實有核數百外膚磳砢如佛髻剖

而食之味極甘核中仁如栗可燻食明宣德間

充貢正統中詔止又番波羅其葉可織爲麻布

此是草本與木本異

都志

梅似杏實小如彈熟則黃微甘酸可煖曝乾爲腊

含之口香

舊志

桃西方木也二月開花有紅白粉紅深粉紅之殊  
爛漫芳菲其色甚媚實多毛微酸而甘多食令

人有熱

全上。瓊州桃八  
月亦花但不結實

李東方木也花白多子性難老核雖枯子亦不細

其味甘酸苦澀不沈水者有毒不可食上

楊梅北戶錄名杔子以細核爲佳故庾信小園賦

有細核楊梅之稱瓊屬所產形小味酸而核亦

不甚細古人稱越地楊梅指浙東之越非粵東

之越也

郡志

蒲荀史稱張騫使月氏傳其種以西北爲美瓊種

小而酸上

榴出塗林安石園張騫使西域得其種歸種之樹

不甚高大而多荔枝五月開花實圓如毬頂有  
尖瓣秋後經霜自裂子淡紅潔白者味甘可食  
紅如硃砂者味酸只堪入藥又有海榴生於海  
外樹僅二尺結實亦與榴同千葉者不結實舊志

增

柰一名頻婆樹與葉皆如林檎而實稍大有丹白

二色味酸微帶溫夏熟多食令人肺寒膨脹病

人尤甚

全上。按柰西土最饒而瓊地罕有

棗皮粗葉小根所到處萌葉悉生五月開小花淡

黃色花落即結實生乾皆可食其味甘甜全

枇杷一名盧橘樹高丈餘肥枝長葉形似琵琶故名冬開白花三四月成實簇結有毛味甜而酢白者爲上黃者次之全上

柿樹高大枝繁葉大圓而光澤四月開小花黃白

色實八九月熟生者澀不堪食納諸器中俟其

紅如火烘則性不復澀味甘如蜜全上。爾志引廣志以君

遷于郎柿非也君遷乃柿之小者見吳郡賦注

柚柑屬也以產海北者佳瓊柚多白瓢無紅瓢卽

傳種亦變白爾志

橙樹高枝葉不甚類橘亦有刺其實大者如盃頗

似朱欒經霜早熟色黃皮厚香氣馥郁事類合璧

柑乃橘之屬滋味甘美特異者也有黃者有赭者  
赭者謂之壺柑草木

橘白華赤實皮馨香有善味其小而黃者名金橘

剝皮則酥合食則甘草木狀  
羅浮記

香櫞一名鈎緣子形如瓜皮如橙金色土人重之

極芬香肉甚厚白如蘆菔草木狀

芭蕉凌冬不凋中抽幹長數尺節節有花花褪葉

根有實去皮取肉軟爛如綠柿極甘冷四季實

一名牛子蕉又有鷄蕉子小如牛蕉亦四季實

有芽蕉子小如鷄蕉尤香嫩甘美秋初實虞衡志

黃彈子色黃味酸粵中見聞作黃淡子舊志



洋桃種自大洋來有甜酸二種樹高二三丈花紅色實五瓣然亦有六瓣七瓣者始產閩中今瓊地亦處處有之虞衡志謂之五稜子本草謂之

五斂子

上全

黃皮果大似龍眼又名金彈子皮黃白有微毛瓤白如肪有青核數枚味酸甘食荔枝太多以黃

皮解之

通志

山竹子狀類菩提色黃味酸甜似栗可釀酒

舊志

木叔一名木頰俗呼木赤朵形如黃皮瓤有紅白

二種

志

甘蔗長者六七尺短者三四尺叢生莖似竹而無

枝葉聚於顛皮有白紫二種白蔗一名蠟蔗大

者可啖小者作糖紫蔗卽崑崙蔗不堪作糖止

可生啖瓊產自七月至次年三月均可食十月

以後其味漸甘

舊志增

木膽

舊志未詳

錐栗山栗之頂圓而末尖者山蠶食其葉作繭甚

美文昌謂之牛錐

舊志增

餘甘子樹大葉細似槐實若李而小咀之前苦後

甜故有味故號爲餘甘

益部方畧記

倒捻子葉如苦李花似蜀葵小而深紫南方婦女

多以染色子如軟柿外紫內赤無核上有四葉

食者必捨其蒂故謂倒捨子東坡改名海漆大

業拾遺訛作都念子

荷蒙察  
雜記

不納子似黃熟小梅絕易爛爛即破肉附核可爲

經珠似菩提子

虞衡志

橄欖一名青果一名諫果樹高大數圍葉如檫柳

二月開花結子狀如長棗兩頭皆尖色青秋方

熟味雖苦澀咀之芳馥勝含雞舌香又有一種

色青黑而微大者曰烏欖亦名木威子取其肉

醃爲菹名曰欖醬味亦雋生津解毒功用與橄

欖同

舊志增

蓮實俗謂蓮子在房中如蜂子在窠六七月採者

陸美珍

菱一名芰一云兩角者菱三角四角者芰

陸佃詩疏皆

三月生蔓延浮水上五六月開花黃白色花落

實生漸向水中乃熟

羣芳譜

昌漢子

府志作蕨蕨果

樹多刺子熟鮮紅圓如珠味甜澀

本僊州志

菩提子狀如北地沙果味香甜

耶志

土檀狀類木杈熟紫色

澄邁志

菠果莖如芥花紅根實如柿味類蓮

黃通志

鳳凰子搗以爲餅味如乳酥

臨高志

下歲子有藤蔓出土子在根下鬚綠色交加如織

其子一苞恆二百餘顆皮殼青黃色殼中有肉  
如粟味亦如之乾者殼肉相離攄之有聲似肉

荳蔻

草木狀

落花生俗名地荳一名長生果蔓生吐黃花花瓣  
落地卽生莢於根莖間狀如赤荳長及寸殼有  
皺紋中有紅衣裹仁或三或四生熟皆可食亦

可榨油土人掘沙取之

郡志

檳榔樹如椰而小花五月開有香氣實堅圓如雞

子味苦辛而澀以扶留藤古貢灰合食則滑

俗重此物婚姻交際必先之其腹大而扁者曰

大腹子檳榔向陽大腹向陰二種種類雖殊然

性味亦復相似

古貢灰即蟻蚌灰也今人更以荔枝嫩葉搗成茶餅加入食之

○ 類  
志纂

蜜林禽實大如拳外皮礪礪色青一實有數十核

瓢白子黑其甜似蜜瓊人呼為番荔枝

志

佛手柑木如朱欒葉尖長有刺皮黃若橙肉白如

肪香最清烈

羣芳譜

蒲桃樹高二三丈其葉如桂四時有花結實如蘋

果絕芳甜核與殼不相連屬搖之作響

羅浮記

番石榴皮色青黃瓢色紅亦有白者中多子細如

米粒味甘而氣臭土人酷嗜之文昌志云食之

發麻瘋恐未必然

志

酸梅高一二丈葉如槐實酢土人搗以爲醬

中

櫻果高二三丈葉長而光澤實圓扁微長生青熟

黃帶皮食之甚甘毳中有一核其形亦與實等

麻嘴子高丈許葉深綠實大如指頭初熟淡黃黃

透則微帶紫肉紅而薄味酸甜中有一核嚼之

甚麻嘴小兒喜食取其實去殼與核吞之

眼仁樹高丈餘葉細碎枝條多刺花小而黃實圓

如眼睛中多細核熟則赤味畧甜小兒喜食水

理細白而堅重可作舂米椎

俱同上

花類

蘭有青紫碧三種紫梗青花爲上青梗青花次之

紫梗紫花又次之葉皆勁健特起四時常青光

潤可愛

羣芳譜

茉莉有單瓣雙瓣寶珠千葉重臺諸種花似薔薇之白者香符於素馨宜六月六日種重臺者香

似黃檀味更厚

參郡志

素馨與茉莉花皆胡人自西域移植南海南人愛其芳香競植之本名那悉茗花較茉莉略小而香或過之閨閣晚妝摘其蓓蕾以綵縷穿花心繞髻爲飾在髻上始盛開見月光而益艷得人氣而益馥亦奇卉也

舊志增

茉莉本名夜來香蔓生蓓蕾數十朵成簇日八



始開花五瓣淡黃色其香以夜亦如素馨

志

菊花本作菊品最多有黃白紅紫粉紅間色淺深

大小之殊大要以黃爲上白次之

本草

芳譜自十月

至次年正月俱有花東坡所謂海南氣候不常

菊花時卽重陽也

舊志

除藤身灌生青莖多刺一穎三葉如品字形花

青封紅萼開時變白大朵干瓣香微而清益作

高架二三月間爛漫可觀本名茶蘼一種色黃

似酒故加酉字

翠芳

薔薇叢生莖青多刺其色或白或紫或黃連春接

夏清馥可人又花可蒸露

耶

石榴花有大紅粉紅黃白四色

羣芳譜

海棠有貼梗垂絲西府木瓜四種皆無香而色甚

嬌媚又秋海棠一名八月春其色亦如美婦西

府垂絲粵中不可多得秋海棠處處有之

參郡志

賽蘭卽鷄爪蘭長二三尺莖葉紛披甚弱種之盆

盎以竹圈數重護之花如珍珠一枝輒作數串

又以其來自暹羅斛謂之東京蘭

郡志

紫薇樹身光滑花六瓣色微紅紫皴每瓣各一帶

蠟跗茸萼赤莖葉對生四五月始花接續可至

八九月故又名百日紅省中多植此花取其耐

久且爛漫可愛也

羣芳譜

蓮花紅白二種又西番蓮粉碧色

舊志

夜合一名合歡枝甚柔弱葉纖密圓而綠似槐而

小相對生至暮而合枝葉互相交結風來輒解

五月開花樹之庭階使人釋念

鼻芳譜

佛桑一名扶桑高四五尺枝葉婆娑如桑花有紅

黃白三色又有朱槿赤槿等名以此花與槿相

彷彿也

木槿一名舜一名朱槿一名朝開暮落花木若李

高五六尺葉繁密如桑花大如蜀葵有藥一條

出花外上綴金屑日光所燥疑若炤生一枝之

上日開數百朵有深紅粉紅白色單葉千葉之

殊俱同

七里香木高數尺凌冬不凋花白香醲未開時似

木樨通雅稱可以辟蠹即芸也

郡志

木筆卽辛夷花也高丈餘正二月花苞初生長半

寸而尖銳儼如筆頭開透似蓮花而小紫苞紅

焰作蓮及蘭花香有桃紅及紫二色

羣芳譜

金錢花卽旋覆花秋開黃色朵如錢午開子落又

名夜落金錢梁大同中進自外國今在處有之

又有銀錢一種七月開花

同上

蛺蝶花紫色形似蝴蝶微風至搖蕩若飛

郡志

玉簪高尺餘葉大如掌團而有尖七月抽莖如白

玉搔頭簪形莖上有細葉十餘每葉出花一朵

長二三寸本小末大甚香而清朝開暮卷間有

結子者

草芳譜

木犀巖桂也葉如梔子而光潔花八九月盛開甚

芬烈無子有三葉五葉七葉九葉四種

舊志增

木芙蓉一名拒霜樹叢生葉大而花甚紅八九月

霜降時開故有拒霜之名又有開時其色數易

早白午淺紅暮深紅謂之醉芙蓉

即志

瑞香一名風流樹高者三四尺許枝幹婆婆四時

長青冬春之交開花成簇長三四分如丁香狀

草芳譜

葵花有蜀葵秋葵二種蜀葵花如木槿而大有深

紅淺紅數色其葉可備蔬茹秋葵高六七尺花

淡黃心常向日朝開午收種類各別

舊志增

梅花有青紅二種嶺南地暖冬初即開花皆五出

而粵中見聞云瓊州梅花近有六出與雪花同

同上

萱花即宜男一名忘憂芭生莖無附枝繁萼攢連

葉四垂花有春夏秋冬四季

羣芳譜

含笑花木本其花如蘭形色俱肖花開不滿若含

笑然隨即凋落一種小而色多白者尤香丁謂

詩云草解忘憂憂底事花名含笑笑何人

羣芳譜

志浮

丁香木高丈餘葉似櫟花圓細而黃子色紫有雌

有雄雄顯小稱公丁香雌顯大稱母丁香

粵東筆記

企風花一名鳳仙葉似桃而有鋸齒極間作花狀

如飛禽有紅白紫碧數色婦女以花包築指甲

故亦稱指甲花

志郡

換錦花換錦者脫紅換錦脫綠換錦也葉似水仙

冬生至夏而落獨抽一莖二尺許作十餘花或

紅或綠葉落而花故曰脫紅脫綠花落而葉故

曰換錦故又曰脫羅換錦

全上

山桃生山中花八九月盛開有微香

粵中見聞

見本草

卷三下

輿地八

物產花

十六

夾竹桃花本桃類葉如柳枝幹如菜竹而促節終  
歲有花不結實其落以花不以瓣落至二三日  
猶嫣紅鮮好得水蕩漾朵朵不分開與衆花同  
而落與衆花異又曰地開桃以落於地而始開  
也同上

繡毬葉青色微帶黑而澀春月開花五瓣百花成

朵團圞滿樹有紅白二種羣芳譜

蘆葖葉長邊有刺利封界花抽葉中與葉彷彿色  
白清香每瓣胎格有粉雌者結子又名路頭花

可以爲蓆澄邁志

梔子一名木丹高七八尺葉似李而堅硬二三月



生白花地種者雙瓣不結實惟生水邊者單瓣

結實俗呼黃箕可染

參燈通志

山茶樹高者丈餘低者二三尺葉似木樨花有紅

黃白數種

羣芳譜

按山茶一名曼陀羅東坡詩花發曼陀羅蓋

卽指此舊志誤分爲二

刺桐花樹高數丈大者合六七人抱身多癭瘤磈

礪磅礴若虬龍狀木不可材故能以老見異花

正紅色先葉而生三月盛開望之滿樹嫣然旁

照他物皆赤豔落地三四日其色不減伐其枝

種之卽生

郡志

山牡丹樹高五六尺花四出一簇數十朵耐長寸

許團聚如盞色赤開透後帶黃四時有花五月

尤盛翦枝插之卽成雜記謂之山丹花

舊志增

剪春羅一名蒨紅羅蔓生二月生苗高尺餘葉如

冬青入夏開深紅花如錢大凡六出周迴如翦

成茸茸可愛

羣芳譜

桂花白者名銀桂黃者名金桂紅者名丹桂丹桂

常結子金桂花繁而香尤烈

粵中見聞

雜冠花有深紫淺紅純白淡黃四色葉頗似白芨

菜五六月開花穗圓長而尖者如青箱之穗扁

卷而平者如雄雞之冠花大有圍一二尺者層

層疊卷最耐久霜後始蕩

葶草芳譜

水仙花根似蒜頭葉如萱草冬間於葉中抽一莖莖頭開花數朵大如簪頭色白上有五尖中心

黃此花不可缺水故名

同上

杜鵑一名山石榴蜀人號曰映山紅杜鵑啼時始

開故名

格物論云按此與水仙非土產姑仍舊志存之

攀枝樹似木棉春開紅花花中亦有綿軟白可作

繡絮

舊志增

水蘭一名樹蘭高丈餘花似魚子蘭

真珠蘭也

而香烈

過之五葉者貴其花不落香且久三葉者其花

不甚香次日即落

雜記

指甲花有紅白二種樹高五六尺枝條柔弱葉如嫩榆與那悉茗茉莉香不相上下番人自大秦國移植於南海而此花極繁細如米粒之半人多折置襟袖間蓋資其芬馥爾一名撒沫花

狀

草木

美人蕉初生似玉簪葉後漸似芭蕉葉而小花似山丹而深紅日拆一兩瓣瓣末有點鮮綠春開至秋盡猶芳花而不實其最小可插瓶中者曰

膽瓶蕉

郡志與中  
中見聞

觀音蕉又名觀音蓮葉如芭蕉中心發紅芽初出如捲旗漸分大瓣如蓮而叢攢不甚開花色鮮

豔奪目可歷數月

荆志

長春花柯生四時開花淡紅色五出

同上

鹿葱花頗類萱但無香耳鹿喜食之故以命名

芳華

譜

按羣芳譜萱葉尖鹿葱花葉團萱葶實心而花

節開鹿葱花虛心而花並開於頂萱六瓣鹿

葱七八瓣萱與鹿葱各自一種志分爲二是

矣本草註萱云卽今之鹿葱葶一名宜男花

木考云俗謂宜男爲鹿葱稽含宜男花序云

荆楚號曰鹿葱並誤

山蓮生山中花如蓮花

舊志增

史下系三

卷三下

輿地八

物產花

三十一

細米 水楊梅 梅桂 鷹爪 盤桃 文書

滿天星 地湧金蓮 海桃 一片玉 水銀

地棠 山含笑 麝臍 水薔薇 鳳凰 紫霄

並舊志 花色氣味俱未詳悉候後查考

風蘭花如水仙黃色從葉上抽作雙朵繫置檐間

不着水土自然繁茂

粵東筆記

報喜蘭俗名五爪龍如蠟梅而色紅紫每莖作七

八花遇吉事則開香味亦同諸蘭

同上

木棉花正月發蕾似辛夷而厚作金紅深紅二色

藥純黃六瓣望之如億萬華燈燒空盡赤結子

如酒盃老則折裂有絮茸土人取以作裯褥

志郡

按木棉一名斑枝言花開時枝皆爛斑也或  
以爲卽攀枝然攀枝生於中原其樹小木棉  
生於嶺南其樹大畢竟當分爲二種

紅藍花卽紅花葉頗似藍故有藍名博物志云張  
騫得種於西域今人家場圃多種之花可染紅

又作胭脂主治產後血暈

同上

孔雀花樹高可丈許花數十朵一簇紅色有頭翼

尾足若孔雀然對之生寒可以辟暑

郡志與  
東筆記

百日紅高二三尺葉大逾掌花深紅色一簇數十

朵次第開放百日不絕

郡志  
增

刺藤灌生莖葉與餘藤同花有紫紅桃紅二色一

枝十餘朵亦有香氣每萌芽抽起皆先花而後

葉人家庭院多植之俗謂之草母花

新  
增

草類

苧有紫白二種

紫即赤麻  
白即白麻

苗高七八尺皮可績布

每歲三鑣惟二鑣長疾麻亦最好割後即以細

糞壅之宿根在地到春自生

羣芳  
譜

葛有野生有家種春初生苗引藤蔓長一二丈根

外紫內白大如臂長者七八尺葉有三尖如楓

葉而長花紅紫莢如小黃豆夏月連根採而治

之可作布

同上



棉花稽似木葉似牡丹花似秋葵實似桃相傳種  
出西番今江以南多有之以春二三月下種種  
生月須三薈至秋生花結實及熟其皮四裂綻  
出如綿以鐵鋌碾去其核取如綿者彈以竹弓  
令其勻細卷爲筒就車紡之自然抽緒如纒絲  
狀織以爲布

張七澤  
漉佩

按本草棉有草本木本二種此乃草本棉也  
至本木棉卽今之吉貝出於交廣織以爲布  
實與草本同功然今草本綿衣被天下而木  
本綿賤用之或且聽其飄零有不知其利之  
甚溥者已

知風草叢生藤蔓如茅而勁直每葉輒作皺摺或

一二摺或三五摺葉葉皆同此一摺必主一颶

土人以此草占一年颶風之有無多寡

舊志

菖蒲一名昌陽一名菖歎久服可以輕身延年其

葉細而多者曰鬚菖蒲生於水石之間葉有劍

脊者曰石菖蒲服食入藥石菖爲上

舊志

長生草修莖茸葉色似檜而澤經冬不凋

郡志

番蘆鼓其葉亦似蘆鼓兩旁背脊俱有刺旁刺順

而脊刺逆以衛園圃則人畜不能踰

舊志

芸香草也類豌豆叢生其葉極芳香秋後葉間微

白如粉南人採置席下能去蚤蝨今謂之七里

香

爾雅  
翼

按芸一名七里香衆說俱以爲草本而木本  
中亦有名七里香者葉如九里香而稍大見  
贊菴筆記郡志於草本之芸不載而以木本  
之七里香爲芸謂其可以辟蠹所見不同今  
依舊志兩存之以俟多識者參考

零陵香草土人呼爲龍零草野生莖葉皆香

信州志

鐵樹高數尺葉如老少年開花如桂而不香或云

此樹週甲子一開開必以丁卯年故有鐵樹開

花之諺然甚無異致

雜記

曼陀羅高尺許莖生花長白末有五尖實圓而有

刺戲取其花或子入酒能使人發狂用水噴面

卽解土人呼爲顛茄節

郡志

按曼陀羅本山茶之別名此乃俗所呼蠻山

羅者東坡詩所指不是此種郡志引之似誤

接骨草一名四季花叢生園林中高二三尺莖綠

有節而圓葉長似指而尖花白色跌傷骨節搗

爛敷之可以接骨

郡志

蠟燭草生野塘間秋杪結實宛與蠟燭相似

粵東筆記

燈心草叢生澤地莖圓細而長直瓢虛白蒸熟待

乾可然燈不蒸生剝可入藥

羣芳譜

鼓槌草取葉春合酒餅

澄邁志

風草葉如芋而差小本如芋而加長

舊志

蜈蚣草葉生相對如蜈蚣脚

剪刀草生水濱形如尖翹陸放翁詩剪刀草長浮

萍合無數游魚去復回今陸地亦處處有之

俱

上

燈籠草卽酸漿草苗如天茄子高三四尺葉嫩時

可食花黃白色如盃無瓣實有一殼含之下懸

如燈籠狀

羣芳譜

蔣荔生古牆及野間老樹延根引蔓

澄邁志

衡腸草卽鈎吻一名胡蔓草一名治葛生嚼三葉

以上卽毒死人急以生羊血或薺菜搗汁灌之

或以伏卵不生雞雛者細研和香油灌之吐出

毒物則甦遲不可救

御志

甜酸草子可食葉可澤銀

澄邁志

蓬蒿草種類不一詩騶虞云彼茁者蓬月令云藜

莠蓬蒿並與是也

爾雅疏

礎葉蔓生其葉甚溼俗呼濕葉治錫器可使滑澤

齊志增

蒲旦草 護階草 箭頭草 紫背草 雞骨草

馬蹄草 苞芒 茜草 苧草 帽頭草 鴨

嘴草 牛筋草 金綿草 管草 並舊志 箭頭雞

滑馬蹄帽頭鴨嘴牛筋或以形似名之或以性

質名之其餘未及致詳姑存其名以俟考

又按

葦菜形似馬蹄亦名馬蹄草蒟蒻二字相似蒟字當爲蒟宇之訛然亦未可知是否也

蒟蒻一作萹卽扶留藤蔓生依樹葉圓而尖青碧  
色味辛可爲醬食檳榔者以此葉合蚌灰同嚼

食之可辟瘴癘去胸中惡氣

本草綱目

藍有三種蓼藍似蓼染綠大藍如芥染碧槐藍如

槐染青三藍皆可作澱

水通志

今瓊地惟有槐藍

莖之高者三四尺七月開淡紅花結角長寸許

土人取其葉漬而用之名之曰青又本草有菘

藍馬藍吳藍瓊地俱未有

志

高良藍陶隱若言此藍始出高良郡故名卽今高

州也莖葉如薑而大高者二三尺花紅紫如山

薑

齊民要術

山薑莖葉皆薑也但根不堪食與豆蔻花相似而

微小耳花生葉間作穗如麥粒嫩紅色南人取

其未大開者謂之含胎花

郡志

老少年一名馬來紅又名暮年嬌正月撒其子於

耨熟肥土二月中即生至秋深脚葉深紫而頂

葉嬌紅又一種紅紫黃綠相兼者名十樣錦二

者俱壯秋色

厚芳

芷草即席草見爾雅郭璞云生海濱似莞蘭南越

人采以為席

郡志





仙人掌自下而上一枝一掌無花葉青嫩而扁厚

有刺可以辟火其汁入目使人失明

粵東筆記雜記

虎耳草莖高二三寸葉大如錢又如虎耳之形一

莖一葉俱有細毛搗汁滴耳可治疔耳

唐考

涼粉草俗名涼菜蔓生葉長細柔滑土人常以夏

月搗取其汁入米粉煮熟候冷凝如豆腐和糖

食之

郡志

知羞草高三四寸葉細小而相當以口吹之其葉

自合俗名怕醜草澄邁志謂之喝睡草

參粵東筆記

油葱形似水仙花葉厚一指而邊有刺不開花結

子從根發生長者尺餘葉中有膏婦人取之以

澤髮可以代油

嶺南雜記

羅裙帶生水 中用治疥

澄邁志

煙草高二三尺葉大如菰出自淡巴國明末初入  
中土今人以代酒茗終身不厭故一名相思草

新增  
下同

鵝不食草本草謂之石胡荽生石縫狀如小胡荽  
今人家花盆中多有之辛不可食

番三七高二三尺葉長而尖根如老薑皮紫肉綠  
跌傷搗爛酒炒熨之甚效

雞屎藤蔓生牆陰葉或圓或長而末皆尖氣甚臭  
土人取其葉搗爛和糯博切而煮食之

負子草高五六寸不華而實小如粟粒綴於莖葉之間有紅白二種可止痢證

乳草喜生石縫間葉細碎而色紫斷其莖有白汁如乳治吐血

脚眼草高五六寸葉多極缺脆嫩而厚多汁性寒去熱

刀槍草葉圓厚邊刻缺有黑點置其葉於溼地則缺處悉發萌芽最易生長刀槍傷者嚼葉貼之

其血立止

苜蓿高六七寸一莖直上生數葉其根如芋而小能解熱毒天花初出者多用之以煎飲

自單藤莖葉略似土瓜而色碧亦有卷鬚其蔓盤  
轉而生子一莖十餘顆瘍潰後採其葉煎湯洗  
之

拱翹子莖葉有刺而翹起花色淺紅微帶紫實甚  
圓熟則純黃每類中有子百餘顆可治疔病

蛇藥高七八寸莖葉俱如涼粉草每莖作三四小  
花花皆紫白茸下有高托承之毒蛇咬傷搗汁

和酒服甚效

以上俱  
新增

木類

梓木有三種木理白者爲梓赤者爲楸梓之美文  
者爲椅卽尸子所謂荆有長松文椅者也

郡志  
舊

志謂之石梓言其質堅似石也  
有公有母母輕公重母尤佳

杞木北方並是大樹葉厚而長南方樹止數尺葉

如石榴而軟薄莖皆無刺子入補藥有刺者名

白棘味辛苦麻人不堪服

參子華  
芳譜

樟有紅黃二種俗名林翁又有釣樟卽豫也

郡志

按樟木高丈餘小葉如柎與豫當各自爲種

故師古云豫章

與樟通

二木生至七年乃可分

別又釣樟烏樟也其木小與樟亦略不同今

舊志謂樟卽豫樟郡志謂釣樟卽豫似未深

考

楠木幹極端偉一名端正樹亭亭直上若幢蓋然

膚有花文色黃綠而細膩剖之香辣出崖州者

良崖州志云有香楠苦楠油  
楠鬻哥楠四種○郡志

松木三針者為栝子松七針者為果松千歲之松

下有茯苓上有菟絲又有赤松白松鹿尾松秉

性尤異鼻芳  
諸

三水范氏云瓊州無松惟海忠介植數株於

其祖墓今尚存蓋松性宜寒瓊州極南地氣

太熱故松植之不生也然今近郡之地雖尚

少而近黎之地則已多矣

柏木陰木也木皆屬陽而柏向陰指西蓋水之有

貞德者同



柳水性柔脆正二月由萸而花由花而葉花黃而

細葉狹而長三月葉成花方結子小如粟米上

有白絮名柳絮入池沼隔宿則化爲浮萍水羣

按海南柳樹易蛀挿枝亦不甚成故不若北地之盛

楮木有二種皮白無花葉有極又似葡萄葉開碎

花結實者名楮又名穀其皮斑而葉無極又花

如柳花不結實者名斑穀實入藥皮可縹以爲

布亦可擣以爲紙本草芳譜陸詩疏。按百陽雜俎葉有辨曰楮無曰楮穀

構二音相近耳

檣木有四種赤黃檣爲上金檣次之舊志增

栗木樹高丈餘花青黃色實有房多刺如蝟大者

系志 卷三下 輿地八 物產 木 三十

中子三五小者惟一熟則房開而實墜最難

種藝實離樹三日以上及見風日則芽不生正

通參齊民要術。按粟雖五方皆有而  
瓊地少見故郡志果類木類俱不收

楓木樹似白楊葉圓歧得霜則丹杜牧詩停車坐

愛楓林晚霜葉紅于二月花是也有脂而香入

地千年為虎魄參爾雅郭註并埤雅

花梨紫紅色與降真香相似有微香產黎山中郡志

買生有白赤二種木理條直可作柱參澄邁志

荔枝樹高三四丈綠葉蓬蓬冬夏皆青材重而堅

大為時利又山荔枝大者亦可為器用小者止

供樵爨舊志



黃鼓釘肌色淡黃每節間悉有槽痕槽間悉有二

二目圓如眼睛

山槩有黑黃二種其木甚堅不受刀鋸俱同上

烏木一名角烏色純黑質堅實置水則沈不沈則

非也粵東筆記

樺木卽山羅木俗呼買展葉可八田代糞木色甚

紅不堪用舊志增

水沙萊如羅漢松膚理細潤性耐水不易朽粵中見闕

赤鱗龍膽木中屋材其味苦故名黃志○按赤鱗龍膽舊志分爲

二種黃志合而爲一俟考

買頭高二三丈葉滑花淡黃實如草豆一苞十餘

粒其木亦中屋材

舊志增

山桃生山中如桃而小多毛核粘味惡其仁充滿

多脂可入藥用

草本

相思木有黃紫之分皆起細花紋堅於鐵力木子

名紅豆如珊瑚王維詩所云紅豆生南國者是

也唐時曾進御以藏龍腦香歷久不減與草紅

豆生於藤蔓者別

通志

鼓鑿高丈許葉似刺桐槁爛酒炒可熨腰痛

舊志增

狗卵臙脂別種其實較大

郡志

猪血赤似血俗呼血樹出瓊山黎地中質脆不堪

大用

舊志

牛筋卽詩所謂杻也陸璣疏云葉似杏而尖白色

皮正赤多曲少直枝葉茂好或謂之牛筋材可

爲弓幹同上

棠梨卽甘棠之白色者子少酢甘美其赤色者名

赤棠子澀而酢無味乃棠梨之別種木理堅韌

可作弓幹草木疏

懸脂樹高三四丈葉如波羅木色紅豔性耐土不

易朽粵中見聞。按懸脂有  
四種以小葉者爲上

海梅端直堅緻與石梓公相似可以亂真又有青

梅苦梅二種參郡志

波羅蜜色黃理細而櫟葉小者入格永不生蛀又

山波羅蜜其色亦與此同但質甚脆不堪用增

貓尾高丈許子大如將指一莖數十顆纍纍下垂

形似貓尾

同上。郡志云出黎山。中今近郡之地亦有。

海棠枝葉俱如波羅蜜其子打油燒燈謂之苦油

鼠不敢偷

同上

香椿皮細肌實而赤嫩葉可茹樗木枝粗肌虛而

白其葉臭惡乃一木二種也

郡志

紫木堅如荔枝木其色紫

舊志增。按此係番木邑地少有。

白香水質甚脆止可片解暫用

同上

黃楊木質脆可制梳箸酉陽雜俎云北取北木必

於陰晦夜無一星伐之則不裂

舊志

烏蛇木性韌可作扁挑

舊志增。按此木邑地少有

山麻肌淡紅色不甚堅皮曝乾與麻無異

羅漢松高丈許葉扁而厚長僅寸餘聚而綴於條

末亦如松然唐賈耽選入百花譜

俱同上

檉木柳之別種生水旁幹長枝弱皮赤葉細如絲

總如柳可愛一名河柳一名人柳一名觀音柳

卽俗所謂三春柳也

羣芳譜

黃桐質甚脆不堪大用

舊志增

山桂皮味似桂不甚辣土人取春麴餅亦以代香

供神

澄邁志

枕櫛木如椶櫚有節如大竹聳直高數十丈無枝

葉生於杪葉下有鬚如粗馬尾可織巾子結葉

間一莖數十顯如青珠下垂長可丈餘紅熟亦

可食皮中有白粉曰麩可爲餌木色紫黑斑駁

類花梨而多綜紋內腐而外堅如鐵鑊以爲器

悉成孔雀尾斑又可作鋏鋤及槍以代鐵參用泉說

白茶木不甚大肌色白可作扁挑小器用

舊志增

圓眼木肌白質亦堅緻今人多用爲榨油具上

山柚取子打油香氣襲人婦人用以澤髮亦可食

增 郡志

油紅木亦曰油丹肌色同波羅蜜質亦略堅

舊志增

按此木出黎山  
中邑地少見

山竹皮有斑點如蓬生果皮質不甚堅

同上

苦棟樹最易生三月開花細如魚子色兼紅白有

雌雄雌者實雄者不實實肖棗不可食

通志

榕樹葉如大麻實如冬青枝條繁密其蔭十畝軟

條如藤垂下及地便生根節或一大株有根四

五處而橫枝及鄰樹卽連理亦異品也

草木狀

桑宜植肥地削其小枝則易茂去其枯枝則不荒

蠶事畢將枝髡去用糞或蠶砂培之來年嫩枝

之葉更覺茂盛且葉可製紙枝可當柴兼有餘

利羣芳譜○桑寄生出梧之長  
洲今邑地之桑亦間有之

虎斑木紋似虎斑

舊志。粵中見聞。云文昌陵水所產。

和木 油練 土藤 土松 戈楠 假楨 春

花 鴨脚 經心 烏木梓 山膠 狗骨

山柳 木柳 千金 海油 橫木 黃沙

黃梅 並舊志 此十餘種或出於黎山或產於近地

肌理性質俱未詳候後查考

飲木朱崖海中有渚東西五百里南北十里無水

泉有大木斬之以盆甕承其汁而飲之 文選注

蘇木卽蘇枋樹類槐花黑子南人以染絳黎山野

生年久者良人家藝植者必十年後始堪用 郡志

無思木卽櫨木殼可以去垢核可爲經珠又金剛



子圓如彈堅實不朽亦可爲數珠同上

龍骨木色青翠葉似羊耳長二寸許莖多刺汁毒

老而根結者香美今人多植以衛圃參僧州志

檜柏葉松身葉尖硬亦謂之栝今人名圓柏以別

側柏爾雅註  
羣芳譜

樅松葉柏身尸子所謂松柏之鼠不知堂密之有

美樅者此也爾雅註。按此水邑  
地前此少有今甚多

苦子樹楠之別種高丈餘葉似龍眼葉而色碧實

一莖數十顆亦似龍眼生青熟黃中有黑圓核

味甚苦能去油垢新譜  
下同

苦楮高丈餘葉柔薄捻之悉有白汁二月開小黃

花實長數寸子帶白絮熟則其苞自裂墮風飛舞著地卽出

大葉榕乃榕之別種根幹並與榕等葉麤大而柔薄最易生發神廟門前曠地多植之取其陰濃

可蔽夏日

粵中見聞以椈爲大葉榕與此有別

枸橀一名臭橘幹多刺地生石處甚盛其葉可合

酒餅

俱同上

香類

沈香葉似冬青樹形崇竦其木枯折皮朽爛內心乃香續博物志云沈香雜木也僑崖海道居民橋梁皆香如梅桂橘柚之木沈於水多年得之

皆爲沈水香然生採之卽不香也又虞衡志云  
沈水香上品出海南黎崱一名土沈香少大塊  
其次蘭栗角如附子如芝菌如茅竹葉者佳至  
輕薄如紙者入水亦沈香節久蟄土中滋液下  
流結而爲香採時香面悉在下其背帶木性者  
乃出上上環島皆有之又以出萬安者爲最勝  
大抵海南香氣清淑如蓮花梅英鵝梨蜜脾之  
類焚少許氛翳彌室至煤燼氣不焦此海南香  
之辨也海上亦自難得省民以一牛博香一擔

歸擇得沈水者十不一二

翻志

白木香砍傷其樹則結石雖年久亦爲白木

舊志

檀香檀木年久成香有黃檀白檀紫檀白檀香尤

酷烈舊志增

上降真香雜諸香焚之其烟直上輒有白鶴下降

通志

黃熟香香水過盛而精液散漫未及凝成黑線者

又土壅不深爲雨水所淋者皆曰黃熟黃熟雖

不及生結亦有香樹枯久木末皆朽中存一塊

土氣養之其色如金氣味幽靜則與生結者等

而更悠揚名爲熟結

粵中見聞

龍骨香樹叢生有刺汁甚毒枝老而根結成香者

美產崖州

郡志

雞骨香一名藤香勁瘦不甚香乃雜樹之堅節形色似香而非香者南越志以爲卽降真香溪蠻

叢笑辨之

郡志增

蓬萊香卽沈水香結未成者多成片如小笠及大茵之狀有徑一二尺者極堅實色狀皆如沈香惟入水則浮剝去其背帶木處亦多沈水

虞衡志

晚落香

舊志未詳

鷓鴣斑亦得之於沈水蓬萊及絕好箋香中槎枒輕鬆色褐黑而有白斑點點如鷓鴣臆上毛氣

尤清婉似蓮花

虞衡志

箋香如蟬皮栗蓬及漁蓑狀蓋修治時去木留香

棘刺森然香之精鍾於刺端芳氣與他處篔簹香  
復別篔簹香之下又有重漏生結皆下色同上。  
倦遊錄

云香有三等曰沈曰  
篔曰黃熟篔即謂此

速香有色黑而重者名將軍帽鯽魚片色黃而有  
棕紋者名花剗自海舶至者味辛而酸不如瓊  
產之甜靜無尾烟也其餘有夾板並抱朽木者  
俱香之下品而尤有他木煮成假充者不可不

辨  
記

竹類

麻竹莖特大筍可食郡志

金竹高三四尺以鐵線穿通其節可作吸烟筒舊

增

石竹大者徑二寸質堅斧斤不能入倭刀觸之立

斷郡志

黃竹卽黃皮竹凡竹非青則綠此獨黃古詩云林

上枝枝金瑯玕一丈二尺拂雲端謂此上

紫竹皮紫色張重詩云顏色耐雪霜桃李不能妒

但取節操高莫起奪朱惡舊志增

茅竹一作貓竹一作毛竹幹大而厚異於諸竹土

人取以爲舟郡志

沙竹生岸邊沙中若細荻高尺餘青而且勁嶺表錄

刺竹一作勒竹其性澀又名澀勒長芒密距枝皆

五出如鷄足可蔽村砦子瞻詩云澀勒暗蠻村  
是也瓊人種爲藩籬筍亦可食

郡志

按刺竹本名芳竹見肇慶府志以刺爲勒而  
又稱爲澀勒則廣音也

箭竹竹譜云節間三尺堅勁中爲矢其莖黃色今

黎人取以作箭箬多出定安

舊志增

藤竹性堅實耐久長踰尋丈筍亦美多出儋州

郡志

苦竹類茅而節高莖曲宜編織性寒宜作漚青其

根穿行山谷延蔓成林又名過山苦

同上

白眼竹節有粉漚可治瘰其篾最爲適用

郡志增

觀音竹小如箸高二三尺細葉離披可作盆



種傳自占城

舊志增

斑竹卽湘妃竹其斑如淚痕產昌化感恩

郡志

人面竹徑幾寸近本逮二尺節極促四面參差竹

皮如魚鱗而凸頗類人面

羣芳譜○竹譜略同

按舊志云近地數節密似人面郡志云節小

而中大小處如人面大處如腹據竹譜及羣

芳譜則舊志所言近是

青黃竹筠半青半黃一名碧玉

郡志

簞竹或爲之贊曰簞竹旣大薄且中空節長一丈

其直如松此言桃竹也以爲簞曰桃笙

同上

蒲竹

甜竹

瀟湘竹

牛竹

扶南

郡志同  
作蒲竹

大茅竹

嶺南志

未詳其實存其名以候稽

牛箠竹高六七尺細若小指每節七八寸長者盈

尺刮去其母圓滑光澤作烟具堅而不裂比金

竹爲尤良

新

藤類

赤藤俗名紅藤出自黎山其子可爲數珠

郡志

黃藤可染熬汁卽藤黃也其性甚寒可和青魚膽

點日

白藤葉似土茯苓身小而長白外有籜包又有一

種斑駁可爲數珠亦名白藤子出文昌山中

苦藤大如箠竹可以爲牛

青藤葉長三四寸多芒刺莖大如指而堅韌可用

比北地之用柳條俱同上

土藤色紫黑細如繩子性甚柔韌束物牢固而可

外舊志

圭藤俗名靴藤屈之可爲酒引郡志

牛八藤卽犁藤舊志

禽類

燕有胡越二種又有海燕大如鳩春回巢於石巖

危壁葺壘島人伺其秋去以修竿接籠取而鬻

之謂爲海燕窩今崖州萬州海島中石巖陡絕

處亦產之較洋燕窩售自番舶者更佳但歲出

不過數斤最難得

海語參  
郡志

鶉鴒屬俗名白鴿其頸若瘦其色有二十餘種  
性喜合逐月有子眼有黑底天青者黑底插黃  
者黃油白氣者焦油者放之千里外亦解飛還  
酉陽雜俎云波斯船上多養之以寄平安家信

舊志  
增

黃雀俗呼麻雀又名瓦雀其糞即白丁香治眼翳

萬州  
志

鸚鵡俗呼八哥又有牛八哥稍大而翅白

同上

鸚俗呼喜鵲瓊初無之明景泰間指揮李翊自海  
北取雌雄十餘攜來縱之今蕃育滋多

舊志  
下同

黃鵬卽黃鶯也古稱倉庚

鸚鵡丹口綠衣亦能人言無異隴西之產俗名甘

燕鳥

山鵝毛色紫綠間有純白性喜鬪人多蓄之

俱同上

秦吉了嶺南有鳥形似鸚鵡而大紺黑夾腦有黃

肉丹喙黃距人舌人目目下連頸有深黃文亦

有白色者眼有三種黃者金了爲上白者銀了

爲次黑者鐵了爲下蓄久能人言俗呼了哥一

名漢禽

舊志

白鵝素羽黑文狀如山雞舉止閑靜雌雄定耦不

亂不鬪故曰白鵝

羅浮志

知其屬有錦華金錢二種俗呼野雞

舊志

翦毛雀

舊志未詳

五色雀一名木客方色各備東坡詩序云海南有

五色雀常以兩絳色者爲長衆雀進止必隨焉

久旱而見則雨潦則反是俗呼小鳳凰

舊志增下同

鶻吳人呼水雞爲鶻渠

鶻似鷹而小青質五采兩翅各有復翎其尾如舵

善高翔專捉雞雀

俱同上

烏鴉鳥孝鳥也純黑而反哺者謂之慈鳥頸白而

不反哺者謂之鴉

郡志

鷓一名征鳥一名夾鳩頂有毛角微起今謂之角

鷹雄形小雌體大雙散長者起遲六翻短者飛

急性善膺擊而覆馴隨人指縱

增

鵲亦鷹屬似山鵲而小短尾青黑色多聲拳堅處

大如彈丸鷲而有義鳥盈握者撮之不擊胎

白頭翁白頭鳥也諸葛恪在吳主座此鳥飛過吳

主問何鳥恪曰白頭翁也張昭在座最老疑恪

戲已因曰未聞鳥名白頭翁者若有請覓白頭

母恪曰鳥有鸚母請覓鸚父昭不能對坐中皆

笑

鷓鴣飛必南向鳴聲鉤輒格磔又云行不得也哥

哥

斑鳩色斑故名又有青綠赤三種晴則呼婦雨則

逐之

俱同上

杜鵑一名子規又名謝豹

舊志

百舌春初鳴能反覆其舌隨百鳥之音月令仲夏

之月反舌無聲感微陰之起於下也

舊志增

鷓鴣昔人云鷓與鷓形相似鷓色黑無斑始由鼠

化終復爲鼠身有冬無鷓毛有斑點始由蝦蟆

黃魚化終以卵生四時常有今通呼爲鷓鴣

聊志

畫眉一名黃眉鳥似鶯而小其眉如畫巧於作聲

好鬪歐陽永叔有畫眉詩

舊志增

瓦雀

舊志、據鄒志、瓦雀



伯勞似鷓鴣而大左傳曰伯趙氏以夏至來冬至去其音鷓鴣故名鷓月令仲夏之月鷓始鳴

是也

爾雅註疏

叫天兒

舊志未詳

火鷄紅色嘴翅俱黑春夜先鷄而鳴俗呼催耕

郡志

啄木雄斑雌褐惟食木蠹能以喙書符於蠹孔其

蟲自出巢枯木中人室其穴即書符於上其穴

自開有一種大如雀喙足皆青毛色正青翠鳥

類也與凡啄木異種舌長五寸杪有刺針見臨

海異物志

舊志增

姑惡大如鵲色純黑眼赤如血音聲自呼甚哀切

陸放翁詩云君聽姑惡聲無乃遣婦魂學其聲  
則鳴益急生子嘗寄鵲巢使鵲翼而長之上

竹鷄形如鷓鴣褐色斑赤文居竹林中見雋必鬪  
以囑誘其鬪網之性好啼啼曰泥滑滑白蟻畏  
之郡志

打鐵其聲如鍛舊志

山雞愛其毛映水則舞魏武時南方獻之以大鏡

著其前雞鑿形而舞不止異苑

黎母雀出自黎山冠紅如花莫可羅致臨高志

鶴粵中最少鶴惟瓊州則元裳縞衣丹頂其餘灰  
鶴居多通志

鷓鴣一名鷓鴣夜撮蚤蟲察毫末晝出瞑目不見

邱山俗名貓頭鳥大如鷹黃黑斑色頭目如貓

有毛角兩耳鳴則雌雄相喚聲如老人初若呼

後若笑所至不祥郡志

紅頭鷺舊志未詳。

蓑衣鶴俗名田牛奴毛如蓑衣斑色常在田中跟

牛而行以求食故有此名舊志增

鷺鷥羣飛成序純白皓潔其首有翻舊志

水鴨卽鳧鷺蒼黑色同上

白臉雞一名鴣雞大如鷓鴣毛如雞而臉白舊志增

鸕鶿色深黑能沒於深水取魚而食之俗名摸魚

公同

青椿形如鸞鷲色青舊志

翡翠有大小數種大者毛充貢小者呼水翠又有

山翠有紅翠舊志

鵝鴒水鳥也一名離渠大如鵝雀長脚長尾尖喙

背上青赤色腹下白頸下黑如連錢飛則鳴行

則搖詩小雅云芬兮在原是也爾雅註疏

鵝鴒形如鴉而大喙長尺餘額下大如數斗囊好

羣飛沈水食魚一名淘河一名淘鵝舊志增

鵝鵝水鳥毛有五色尾如船尾食短狐居在水中

無毒氣舊志

鷗蒼黑色在漲海中隨潮上下頗知風雲若羣飛

至岸渡海者輒不敢渡

郡志

鸛雀白日不見形狀每歲春夜高飛向東叫割割

聲必兆年豐

舊志

鴛鴦亦名鷓鴣毛羽五色文采絢爛晝則並遊夜

則交頸雙棲失偶則相思而死凡毒蟲不敢犯

故所宿水中無毒

海鳥棲宿海岸夏秋之夜飛鳴入深山則知颶風

當至土人以爲颶信

俱同上

灰鶴大如鶴通身灰色去頂二寸許毛始丹及頸

之半亦能鳴舞

程濟虞衡志

水禽魚志○  
未詳

石雞形特小一名潮雞潮長則鳴其聲長而清有

如吹角李德裕詩三更津吏報潮雞是也志

鴈廣南無鴈近年有之明時有鴈集於瓊山縣學

泮池邱濬為之記見瓊臺集舟車間見錄

青雝生於檳榔林者謂之檳榔雝喜食檳榔之未

熟者宿則倒懸一足於樹杪弋得之肉厚味腴

山歌云青雝且莫來檳榔猶未熟莫食檳榔青

好食青雝肉志

海鵝即天鵝蒼色嘴尖似鵝而大溼邁志

雞毛有粗細二種毛細如絨色白而骨黑者入藥



新地  
下同

鵝有蒼白二色性頑而傲

鴨卽鶩也似鵝而足短符昭遠謂之減脚鵝產於

海北者獨大今邑地亦傳其種

番鴨似鴨而大身扁頭有紫冠

蝙蝠形若鼠有薄肉翅連合四足及尾冬藏夏出

晝伏夜飛一名服翼今謂之飛鼠

俱同

獸類

山馬昔人云似鹿而大百數爲羣角彎而內向無

歧毛如山牛眼下復有兩眼日閉夜開以觸物

善入棘叢黎人得之以其皮易布可爲臥具禦

溼

注

野牛本家畜近黎之墟多山嶺晝則縱出夜不驅還久之其性逐野見人輒奔須用烏槍擊之又一種似牛而眼紅者山中作隊而行見人不避

謂之山牛黎地山中最多見雜記

舊志增

小狗

舊志未詳

鹿壯爲麋牝爲鹿其子爲麕其茸嫩者如紫茄長三四寸紅鮮可愛然不踰時末潰而本乾剖之有如堅木者所謂柴茸不如蜀產

郡志

麋似鹿而小黑色

山海經註

兔梵書名舍迦大如狸褐色尻有九孔砥維豪而



孕其犬者爲異色青足似鹿瓊人爲畜之

郡志

狸有香狸貓花狸玉面狸七架狸赤狸蛇狸數種

儋州志

獺似犬而口銳毛細入水不濡善捕魚其以獾爲

雌者插翹山獺也山溪崗骨能解藥箭前毒中箭

者研末少許傳治立消

郡志

豪猪卽封豕似狗居地穴中毛黑利如錐長四五

寸尾大人逐之則發彘刺射人

舊志

刺蝟形似鼠通身生刺

同上

穿山甲一名鱗鯉如鼉而小似鯉有足穴山入水

喜食蟻

舊志略增

豹狀似虎而小白面團頭其文如錢者曰金錢豹  
如艾葉者曰艾豹性畏蛇淮南子云蛇令豹止  
物有所制也

本草綱目

豺似狗而長尾狼似犬銳頭高頰

說文

猴釋獸云猴無脾以行消食晉人云瓊州多猴以

小者爲貨

說文

獐本作麋如小鹿而美壯爲麋牝爲麋喜文章獬

人舞采則注視

舊志增

熊好攀援水而引氣故謂之熊經其膽春在頭夏

在腹秋在左足冬在右足當心有白脂如玉味

甚美俗呼熊白冬蟄不食飢則自舐其掌故其

好在掌異苑

郡志云瓊郡猪熊狗熊馬熊人熊體同首異  
馬熊最大人熊不多見昔人云熊多力尤嗜  
小兒黎人捕而獲之一尚畢賀以熊多則其  
地不祥也其膽色通明如米粒用草蕞點入  
水轉如飛者佳能消諸毒

援雄黑雌白似猴而大兩臂甚長攀援樹顛往來  
甚捷一墮地則水強矣以善援水而不能走也  
畜之者亦須置樹間近土氣卽病瀉以死煎附  
子汁飲立愈著志下同

按援有三種金絲者黃玉面者黑純黑者面

亦黑金線玉面皆難得

本志

又瓊州有石獾

小者奉許飲以水卽長又名黑獾今亦難得

本郡志

以其善援故謂之獾以其性靜援故獾

從爰今俗作猿非也又埤雅云獾不踐土故

志謂其不能走然今畜之者有時自投於地

超越亦若獼猴則其說似亦難盡信

山鼠形似鼠不能害稻穀

毒鼠形大於鼠尾有毛能咬檳榔子俱同上

麀卽麋午月解角嫩者功用亦與鹿同前漢書云

僭耳珠崖郡山多麀麀顏師古注麀似鹿而大

名苑云鹿之大者曰麀羣鹿隨之視其尾爲準

其尾能辟塵拂鬣則不蠹置諸帛中歲久紅色

不黯也

郡志

山猪卽野猪寇宗奭云形如家猪但腹小足長毛  
色褐作羣行獵人惟敢射最後者若射中前者  
卽散走傷人其肉赤色如馬肉食之勝家猪

本草

綱目

牛有二種曰水牛黃牛

郡志

馬多白色紫鬃色前漢書地理志儋耳珠崖郡無

馬與虎舊志亦云馬非瓊產今則虎無而馬亦

多產矣

郡志

羊有山羊羴羊山羊者驅之牧地任其自食羴羊

者以小羊爲欄棚採草木葉飼之足不履地肥

而多脂味尤美

參郡志

鼬鼠一名鼬鼠身長尾大能制蛇虺又善於捕鼠

及禽畜廣雅謂之鼠狼菟子所謂騏驎捕鼠不

如狸鼬者卽此物也

本草狐目

狗有黃黑白斑諸色懸蹠者名爲犬長喙者可用

以田

新增下同

猪耳小蹄短白頸者爲俗所忌

黃獵犬如狗有角形頗似鹿脯其肉味亦略與鹿

同

貓一名烏圓其毛不容蚤蝨口內有九次者能思

季推鼠

鼠穴蟲之善盜者食鹽而身輕食砒即死大者皮

可爲裘名天鹿裘見廣志

俱同上

魚類 附水族海族

鯉魚陶宏景稱爲魚王子忌猪肝

郡志下同

細鱗巨口一種頭頂皂色呼皂包頭秋後放子腹

多脂肪細味佳

鯽魚似鯉魚而身促腹大脊高又二種尤小名走

水鯽肚苦鯽

章魚形如烏賊而大足有八一名章舉昌黎南食

詩其五爲章舉是也

俱同上

鯧魚異物志南方魚多不肥美味鯧魚爲上大者

長二尺作膾炙尤香而美嶺南錄異曰鯧魚如

白魚而身稍短尾不偃爲膾不腥而美諸魚無

以過也

黃通志

斑魚蠶魚也魚腸主痔及惡瘡有蟲者五味炙貼

上引蟲出之膽治喉痹

同上

黃蜂

舊志未詳

鮎魚卽鮎魚爾雅翼偃頤兩目上陳口方頭大尾

小身滑無鱗謂之鮎言其黏滑也

郡志

塘蝨風雨將作羣引涎涇越坡乾則後越前以濡

遇者或獲擔而歸凡此魚穴處多聚蛇食涎捕



者所之上

泥鰍魚大如指在泥中黃通志

鎌刀長大者名窵脣郡志下同

鰻魚產石灘深處無鱗似鰻而長大俗名麻魚海

麻銛牙大口

鰻魚亦作鱗黃白二色似鰻而細長若蛇無鱗上同

齋魚似鯉而小正字通云鱗字之譌舊志增

鱮魚似鰻而大鱗肥美多鯁相傳其魚爲鱮烏所

化故腹中有烏腎一枚見異物志上同

按鱮魚項短鰻魚頭長二者當各自爲種

志併而爲一似非

偶魚俗呼賣子魚志

考閩中海錯疏魚有名爲鮓者圓厚短蹙味

豐乃鱸之別種按其形味當卽此魚鮓偶方

音相近因訛鮓爲偶耳郡志以鱖爲鮓鱖皮有文

與鮓不誤又復鮓偶並收宜分而合宜合而分不

知別有所据百姑存所見以備參

黃花本草綱目作石首魚首有白石二枚瑩潔如

玉乾者卽浙中鯊魚首士心

刀魚爾雅謂之鱖刀郭註云今之鯊魚也狀如長

薄尖刀故名刀俗改作劔本正字通山海經注鯊

狹薄而長頭大者長尺餘常於三八月出說文

云鯊飲而不食刀魚也九江有之亦呼爲魴魚

參郡志

馬鬃魚形扁長脊鬣有核肉細無刺

郡志

黃魚劉欣期交州記武寧縣秋九月黃魚上化爲

鶉鳥吳書薛綜曰交州刺史朱符多以鄉人分

作長吏強賦民黃魚一枚稻一斛

黃通志

飛魚一名文鰩生海南大者長尺許有翅與尾齊

羣飛海上海人候之當有大風吳都賦云文鰩

夜飛而觸綸

本草綱目。按此魚多出文昌

燕魚有素白黃三種脊皮有沙兩翅似燕能飛翔

海上故以燕名俗呼爲老鴉魚味美

郡志

鱈魚脊皮有沙肉白味美

舊志

鯊魚有犁頭鯊劍鯊斑點鯊虎鹿鋸鯊各種背鰭而腹翅大者長丈餘皮有沙圓細如珠腹中有二洞以貯水養子子必二皆從胎生朝出暮入肉淡而鬆翅作銀絲菜稱珍品皮可治木發光

潤粵中

見圖

青鱗魚鱗青而脆郡志以爲卽勒魚

舊志

鰓魚卽鎗魚一名鏡魚有烏白二種小者名鰓鱓身圓肉厚肉白如鱗只有一脊骨治之以薑葱

蒸之以粳米其骨軟煖者無所棄郡俚人謂之

狗眠魚

郡志參黃通志。按餘字。

馬膏魚一名烏魚卽馬鮫魚皮上有黑花點味甚

美諺以鯧魚馬鮫並稱

參郡志○舊志以此爲烏魚郡志云烏魚似馬

膏而短小無黑花點存參

蠟魚卽合光魚色正黃而美如蠟故名夜則有光

嶺表錄異黃蠟魚頭嘴長而鱗背金色南人爲爲羹雖美而毒或煎燂或乾夜卽有光如燭出

南越志

黃通志

脫肉烹熟則其肉自脫

舊志增

鱉魚其脊若鋒刃銳喙長齒大腹鼻在額上而能

作聲小肉多膏大者長三三寸通志

鱧魚色白無鱗舊志

與八

物產魚

臣

巴柳朱公魚也小而皮硬者名老鱔德州志

勒魚卽青鱗狀如鱗魚小頭細鱗小兒痘疹土人

煮以食之卞志

銀魚卽王餘博物志又名鱠殘魚身圓如筋長一

三寸潔白如銀無鱗若已鱣之魚且有兩小黑

點俗呼爲麩條魚又呼白飯魚多出澄邁同上

今俗所謂白飯魚形如飯類別是一種與此不同

帶魚長薄如帶色白如銀脊多刺肉細膩味甜俗

名襦帶魚參錄

西網舊志

木詳

跳天似塘蝨而無角生溪澗中善跋刺舊志

鰻魚扁形潤腹大口細鱗有黑斑采斑色明者爲

雄稍晦者爲雌

郡志參黃通志

鰻哥魚其喙前鉤有類鸚鵡

舊志增

蒲魚形似鼈口在腹下目在額上尾甚長有數尺者昌黎詩蒲魚尾如蛇口眼不相營是也骨脆

肝美於肉亦曰鰻魚

黃通志增

按昌黎詩明指蒲魚而言而郡志引入海鰻似誤海鰻一名荷魚味美而尾極毒俗亦呼

爲燕魚蓋蒲魚之別種附誌於此以備查

竹葉色如竹葉青翠

舊志增

烏賊魚一名河伯從事小吏俗傳秦王東遊弃筭

袋於海化爲此魚形如算袋無鱗肉翼兩鬚長似帶六足聚生口旁遇大魚輒噉墨方數尺以自蔽故又名墨魚遇風波以鬚下矸黏石如纜

又名纜魚其骨名海螵蛸

參那志

鞋底魚卽比目魚鱗細紫黑色一眼兩片相合乃行其合處半邊半面無鱗爾雅所謂東方有比目魚不比不行其名曰鰈是也

得志

按比目魚南越志謂之板魚兩魴一目並見吳都賦注而俗所呼之鞋底則貼沙魚也身扁雖與板魚相似然其目有二性喜貼沙並非兩片相合詢之海人亦云今卽以鞋底爲



比目誤矣

展魚

舊志未詳

金錢花魚圓小如錢身有黑紋其刺甚硬

舊志增

麻魚

舊志○按此即鰕鱖魚

紅魚即赤鬚魚鱗鬚皆淺紅色可作脯出儋州昌

化者佳

郡志○按海鯉與此魚相似今所獲者皆海鯉真者絕少

鮨魚與鮓同似鱧而黑大頭細鱗目旁有骨

舊志增

虎魚又呼魚虎一名土奴魚頭如虎皮如狷滿身

紅刺着人如蛇咬能化豪猪及虎

黃通志

翻車魚海槎餘錄云秋晚巡行昌化屬色俄海洋

烟水騰沸競往觀之有二大魚遊戲水面各頭

下尾上決起烟波中約長數丈離而復合數四

每一跳躍聲震里許詢於土人曰此翻車魚也

間歲一至此亦交感生育之意耳

郡志

河狔本作豚狀如蝸斗大者尺餘無鱗鰓能開闔  
以暮春出食柳絮一名鯢魚味美其肝尤腴有  
大毒烹飪失宜食之殺人中其毒者以蘆根檉  
欖甘蔗搗汁或磨降香汁飲之可解

海猪一作海豚生海中候風潮出沒形如豚鼻在  
腦上作聲噴水直上百數爲羣泊岸旁食人人

乘船刺之大者圓九尺長二三丈

俱同上

海鰲俗呼海龍翁海魚之最偉者大者不可限量

有長數百十里遠望之如連山者小者亦千餘尺背常負子以遊蛋人駕小船繫長繩於鐵鎗以標其子候其斃曳至岸取肉煮油貨至數萬錢脊骨可爲舂白康熙癸亥年一極大者自斃漂於鹽灶港兵民爭割取之

著志

海馬鰓屬首如馬身如鰓長五六寸一名水馬南州異物志云大如守宮其色黃禍婦人難產者

持此物卽產

參郡志

黃鱗魚一名大頭狀如鮎之大者子如雞卵黃肉

可爲糟春末夏初最勝

參信州志

鰻魚卽魴魚小頭縮項穹脊闊腹扁身細鱗其色

青白鱈

志

鱈魚本作柔類墨魚而長無螺蛸骨故名柔魚

雜記

鮭魚似鱈而大形長身圓善食草根棟山田之荒

平者開爲町畦貯水養之一二年後可收其利

而田又爲熟田種稻可無稗草有青白二種白

者味勝俗呼草魚

參嶺表錄異

金魚初出黑色久乃變紅又或變白名銀魚有紅

白黑斑相間者名玳瑁魚有單尾者三尾者五

尾者甚且有七尾者自宋以來始有今在在養

玩矣

厚方譜

按邑地魚類不可枚舉其產於各港者曰紅

杉身扁紫胎其肉曰青紺似青鱗曰結尾

處小如燭棒曰薄披頭小身薄如曰水公色

無鱗中有條鱗曰白飯形如飯類長四五分

如銀由腮達尾曰白飯與麩條魚異冬未春

初甚盛與曰博米大僅寸許體曰烟袋而小

水公同曰博米大僅寸許體曰烟袋而小

形類曰指甲身其形頗類指甲曰揣頭尖身

細鱗曰狗尾形如狗尾二指曰狗吐柔似無

而白曰赤米糠身扁長二指曰狗吐柔似無

凝曰破布襟頭大身扁小曰蠟體磨而扁有

其畜之池沼者曰方頭形如草魚頭曰笠魚

身圓尾有斑點善曰西身圓似描其自產於

自食其子可為膾曰西身圓似描其自產於

田窟者曰雙漫相間尾紅似蠶曰紅眼栽似

魚類六 卷之三十六 魚



雙雙面  
眼紅

曰田猴口大身圓能  
變四足蛇

比數十種其名

皆係方音載籍未有難以入編附識於此

龜甲蟲之長在山者曰山龜在水者曰水龜又海

中有封龜如島洋舶畏之小者亦重二三百斤

漁人間撈得之肉甚佳可治疥癬

參郡志

鼈一名河伯從事不可與莧同食又腹下有小子

王字天字者三足名能者無裙而頭脚不縮名者

并不可食又朱鼈大如錢腹赤如血出南海浮

空必有大雨見淮南子

同上

鼈形似鼈而大以鼈爲雌故曰鼈鳴鼈應淮南子

云燒鼈脂以致鼈皆氣類相感也其脂又可燃

鐵志

青黿類頗多色青腹細嘴尖後脚長善躍大聲者曰青黿背有黃文曰金線黿腹大脊青其鳴甚壯俗呼爲嚙吭又有名田雞者多在田中春間篝火作聲呼之可獲三月三日農民聽其聲卜水旱諺曰田雞聲啞田好稻把田雞聲響田好蕩梁唐人詩云田家無五行水旱卜黿聲蓋不誣也

也

黿

黿字音后

狀如便面綠甲覆體甚堅目生背上口藏

腹下八足甚長形如巨鱗而曳長尾尾雌大雄小雌常負雄以遊雖波濤終不解號黿媚故所得

必雙殺之血白如乳移時卽成淺碧色腹中子甚多并滿八足圓白如芡實出而爲鱗者十之

二三餘多爲解爲蟬蝦善言志增

解河海皆有其類甚多圓臍者牝尖臍者牡未被

霜者有毒同上

鰕河海皆有海中甚大頭肖龍形者曰龍鰕又極

小者曰鰕苗可爲醬善志

蚌呂氏春秋月望則蚌蛤實羣陰盈月晦則蚌蛤

虛羣陰缺淮南子云方諸見月則津而爲水方

諸大蛤也臆志

煙蚌屬似馬刀而殼薄長二三寸大如拇指又有



竹節螺以夏月出上

海鏡形圓如鏡味最佳卽瓊蛤也南越志云長寸餘大者長二三寸兩片合以成形殼圓中甚瑩滑白照如雲母光內有小肉如蚌蛤腹中有螺子如榆莢合體共生爲蛤取食諺云月姑螺作腸蓋謂此也郭璞江賦瓊蛤腹解其殼爲明瓦

崖州產者佳

郡志參嶺表錄異

蜆爾雅曰蜃小者曰玼殼青黃色惟伴塘海石頭海所產者爲佳其類大小厚薄不一又名金鏡

口劉鋹時取以自奉禁民間不得採

黃通志

蛤蜊白殼紫脣大二三寸其肉可充海錯

郡志

蚶殼上有稜如瓦壘肉紫而豐廣人重之多燒以

酒呼爲天爵又有絲蚶紋細如絲卽魁陸阿婆  
蚶似絲蚶稍長而不正海蚶甚大有片甲大如

屋者以治器卽爲砗磲多產崖州

郡志參嶺表錄異

江瑤柱一名玉珧如蚌而稍大甲美如玉肉腥韌

不中口以柱爲珍柱長寸許圓半之白如珂雪

一沸卽起甘鮮脆美不可名狀過火則味盡四

月南風起最多產崖州者佳又名海月謝朓詩

挂席拾海月指此蘇長公曾云荔枝風味惟江

瑤柱可敵之

郡志參嶺中筆記

車螯較蛤爲大潔白如玉俗呼車白殼厚微黃能

治酒毒消酒渴昔梁元帝以爲味高食部又大

者名蜃能吐氣爲樓臺海中春夏間常見本草綱目

蠓卽牡蠣附石而生硯礪相連如房故曰蠓房初

生海畔身如拳石漸長有一二丈者一房內有

蠓肉一塊每潮來則諸房皆開有小蟲八則合

之以充腹又雜記云蠓肉最美其殼礪牆鱗鱗

可觀王阮亭廣州竹枝詞曲院深深牡蠣牆是

也亦可燒灰塗壁郡志

海龜壁似龜而大殼無文有毒舊志

海蝓螺之小長者

海螺種甚多有名鸚鵡螺者外文采內明皎鑲爲

海蝓種甚多有名鸚鵡螺者外文采內明皎鑲爲



孟可玩具同

流螺卽海螺大如拳格物論云曆名甲香合衆香

燒之則香獨燒則臭志

玳瑁類龜而大其足有六後一足無爪背甲自脊

中分兩傍共十三版明徹如琉璃而多赤斑粵

人取爲器皿俗呼十三鱗舊志略增

海膽形圓多刺如蝟磨琢可爲盃肉可爲鮓爲醬

舊志

九孔狀如蚌蛤有殼一面附石孔相雜或七或九

一名鮓魚卽石決明參舊志

水母卽海蛇也嶺表錄異淡紫色大者如覆帽小

者如猛腹下有物如懸絮爰選註如濛如沫生  
物有知識無耳目故不知避常有蝦依隨之蝦  
見人則驚此物亦隨之而沒

舊志  
增

田螺生水田中及湖濱岸側形圓大如梨橘小者

如桃李人煮食之

草本

蟲類

蜥蜴一名蛇醫朱脊綠身四足

舊志

雷公馬四足狀比蜥蜴較小比蝦蟇爲大腹紫背

青綠頭頸有髮如馬多在樹上一名石龍子

舊志

參  
雜  
記

蝦蟇一名守宮俗呼壁虎北方蝦蟇能以計困蠍

取食之故又呼蠍虎海外蠓蟻獨能鳴鳴輒七

八聲聲如黃雀

舊志

坡馬似雷公馬一名沙灘可治腹痛

同上

蛇蠱狀如蜘蛛腹大脚短時處樹間人皆忽之傷

人最毒有謠云最恨蜘蛛無結網蜘蛛無網最

傷人

舊志增

蜂有八種惟蜜蜂有君臣之義作蜜益人外此有

排蜂黑蜂黃蜂衮蜂道壁蜂火筒蜂青盲蜂

舊志

蠶一歲八登繭絲有黃白紅色昔人云蠶凡三日

一蛻蛻則不食是謂一眠至四眠而繭成然眠

必齊乃良曰大眠若九蠶眠一不眠則九爲所

累而俱敗矣

郡志

蜣螂滾丸之蟲俗呼牛屎鳥

舊志

螻蛄俗呼賣油翁

郡志

蟬淮南子蟬無口而鳴飲而不食舊說朽木化爲

蟬舍卑穢而趨高潔

同上

蟋蟀俗呼促織詩名斯螽莎雞一物隨時而異其

名

舊志

蚱蜢種類最多俗呼草蚱蝗屬大頭短腹翅長色

綠者呼紡緝婆夏初小熟禾熟附穉人取食者

爲稻蝦綠大而附籜竹者爲刮蚱

郡志

蝴蝶一名野蛾一名風蝶江東人謂爲撻末白色

背青者是其大有如蝙蝠者或黑色或赤斑名

曰鳳子一名鳳車一名鬼車

古今注

蜻蛉有青赤黃三種六足四翼其翅輕薄如蟬飲

露食蚊蠅遇雨即多好集水上款飛一名蜻蛉

雅興

山蛭卽山蜚山中生蛭之所人陟其山則在地者

緣股而上在樹者雨墜而下墜之不得拂之不

可莫不委頓

郡志

水蛭一名馬蟻大者名馬蟻處處河池有之又

有石蛭草蛭泥蛭等名

舊志增

蠶腐草及爛竹根所化一名熠燿一名燐一名丹



鳥無胃而育夜飛腹下有火同上

蟾蜍一名蝦蟆吐生其肪塗玉則輒刻削如蠟文昌

志

蝸牛殼如小螺白色生池澤草木間頭有兩角行

則觸警則縮首尾俱藏入殼中盛夏日則自懸

樹葉下以有兩角故名牛古今注

水弩蟻也一名短狐又名射工晉志

蠍生北方江以南所無至瓊反有之不知何由而

來同上

蟻有飛蟻木蟻黑赤蟻白蟻數種其脚長而善走

者名長脚蟻惟白蟻無所不蝕其害尤甚難記

現山卷之二  
云粵東溼熱最多白蟻新構房屋有不數月而  
爲其蝕壞傾圮者亦能蝕銀尋其穴掘得白蟻

入爐鎔之其銀仍可復得

郡志

蜘蛛小者名嬉子山生者倍大有土蜘蛛草蜘蛛

楚溪筆談云廣南有天蛇螫人不可救卽草間

黃花蜘蛛也

郡志增

蠅虎似嬉子而小灰色善捕蠅

郡志下同

螺贏形類蜂赤黑色大小數種卽螟蛉

蠅東坡云海南無蠅今甚多蚊亦然

俱同上

蚪斗蝦蟆子也一名懸針頭圓大而尾細古文似

之古今注

蜣螂一名曲蟮一名土龍善長吟劉賓客嘉話瓊

州地名胸臆

音秦

胸臆蜣螂也故土多蟲常至

夜江畔出其身半跳於空中而鳴其形胸臆白

頰是其老者用入藥

新

蜈蚣一名蛇一名百節蟲節節有足雙鬚歧尾西

南處處有之嶺南異物志云珠崖人每晴明見

海中遠山羅列如翠屏而東西不定是蜈蚣也

被螫者以烏雞屎或大蒜塗之即愈

蚤蝨人跳蟲也土乾則生春末夏初更盛

蚊長吻如針生草中者吻尤利螫人甚毒潛確類

書云洿水中有蟲名子了好屈伸久則蛻為蚊

子不即俗所謂雨水蟲也俱同上

蛇類

蝮蛇蛇類之最大者能吞鹿豕繞樹出其骨有二  
膽一在腹中一在膚裏遇人擊傷膽卽至傷處  
護之故耐擊不死人遇刑預服其膽不致傷命  
故世多珍之獨重膚膽腹中之膽無用也其性  
最淫遇婦人必追之無得脫者急解所繫裙投  
地蛇得裙卽盤絞不去人因得殺之皮可爲鼓  
捕之之法度其出入之地先釘羅樁數行僅容  
其身土人持橄欖棍伏其中一人出外颺婦人  
裙以招之蛇望見卽躍高五六尺來逐人人退

入羅椿內蛇到狹處蜿蜒屈伸間人持棍擊之且退且擊視其首俯地則無懼矣以葛藤繫其

頸而牽之

舊志參嶺南雜記

簸箕甲其皮黑白相間大毒又有一種赤黑相間者名紅簸箕甲土人謂之火甲其毒尤甚

舊志下同

危杆類簸箕甲卽白花蛇咬人無救

烏梢蛇最毒人傷之不死能隨至人家報讐取浸酒能療癩瘋

按本草此蛇性善不噬物傷之不死而報復乃黎地之藤蛇非烏梢也

裙帶蛇形細而長似裙帶有毒

舊志增

量人蛇長五六尺遇人必豎其身量人長短然後  
嚙之

錦蛇蝮蛇錦紋最毒

箭箴蛇大毒

藤蛇形似老藤纏附樹間最長如藤人不知爲蛇  
近之卽遭嚙最毒

土圭蛇大毒

山鳥蠡一名風稍又名飛稍頭如鳥聲如馬嘶騰  
身逐人惟尾着地

青竹標色純綠亦有一種紅尾者其子胎生嚙母  
腹而出有毒

火蛇紅色大毒

灰蛇有黃灰黑灰小者名刺尾灰俱無毒舊志增

七寸蛇大毒

水蛇胎生無毒惟水甲毒與坡甲等舊志增

佛蛇無毒

蠶蛇大比蚰蛇

圓脚蛇又名師蛇俗呼狗母蛇背褐色腹下黃白  
肋有朱點嚙人冷徹骨髓而死土人有藥可救

水橫蛇無毒以上俱舊志

自脰滑其頸獨白大毒新增下同

弄星蛇皮有斑點大毒

瘦錦蛇皮如敗錦有毒

海蛇似籛箕甲冬出人初不敢啖今則價與魚等

俱同上

藥類

石菖蒲生水石間不沾土根瘦節密一寸九節者

良舊志增

門冬草有麥門冬天門冬二種麥門冬葉青似莎草而長四時不凋根黃白色形如連珠天門冬葉如茴香蔓生有刺根黃紫色肉白一本數十枚大如手指麥門冬味甘天門冬味苦土人以

密漬之參郡志



車前子羣芳譜云一名芨芨一名馬烏葉如匙抽

莖作穗實赤黑色園莖上長如鼠尾俗呼蟾蜍

草舊志

山藥一名薯蕷色白而堅者佳野生者更勝上

薏苡仁開紅白花結實青白色形似珠而稍長一

名回回米本草

蒺藜子此杜蒺藜也布地蔓生細葉開小黃花子

有三角刺人又白蒺藜出同州沙苑舊志

決明子一名知暮草朝開暮合實如馬蹄草能明

目種植處蛇不敢入又草決明即青葙子亦能

明目郡志

蒲黃香蒲花上黃粉欲開時取之本事方云有土人妻舌忽脹不能出聲一老叟教以蒲黃頗慘

乃愈

舊志增

蛇床子如小苗而細微炒殺毒則不辣

同上

忍冬藤一名左纏藤蔓生花必並開一黃一白故

又名金銀花

舊志

乾葛一名野葛藤可作布

茵陳蒿初生苗高三五寸似蒿而葉繁細春因舊

苗生新葉故名茵陳蒿

俱同上

蒼耳一名卷耳一名泉耳子如黑豆而圓有刺在

處有之東坡云藥至賤而爲世要用未行如

耳者多食愈疾从乃使人骨髓滿肌理如玉長

生藥也其花葉根實皆可食

舊志增

活樓藤生根名天花粉

舊志增

木通古名通草葉如算麻藤有細孔兩頭皆通

舊志增

增

萹蔚俗名金剛頭可治風

舊志增

艾草白色葉分五尖極極上復有小尖五月五日

刈取曝乾以灸百病醫家謂之灸草

舊志增

菰簽草俗呼黃花其葉圓而末銳開花微黃實似

鶴虱

舊志增

水萍大者爲浮萍小者爲紫藻

大小蘇類紅藍而多刺小者名小蘇

澤蘭俗呼溼蘭出土分枝梗葉如菊而尖長香氣

類蘭能破血

俱同上

小茴香葉如絲髮味類八角枝上青蟲如蠶取治

小腸氣

儋州志

紅藍花卽紅花葉頗似藍故有藍名博物志云張

騫得種於西域今人家場圃多種之花可染紅

又作胭脂主治產後血暈

那志

青菘子卽白雞冠花子

那志

按青菘子乃草決明別名雞冠穗如青菘耳

按水根知生薑有黃青白三色莖生根下似卵而

堅硬味辛少苦多故俗名苦薑生江南者名薑

黃

舊志增

鬱金本草葉如薑黃但幹起數寸而後葉開根亦

黃

舊志

柱草卽水紅花似蓼葉而大色赤白

同上

香附子莎草根也葉如老韭葉而硬一莖三稜其

根有鬚鬚下結子二枚子上有細黑毛大者

如羊棗而兩頭尖

犀芳譜

紅荳蔻叢生菜瘦如碧蘆春末先抽一幹有大籜

包之籜解花見一穗數十藥淡紅鮮妍重則下

垂如葡萄羅浮志云紅荳蔻卽山薑花其根八

藥卽高良薑

卽志

旋覆花葉似紅藍而無刺夏日開花如金錢菊

卽志

天南星根似半夏而大看如虎掌故一名虎掌野

生一箇者佳

卽志增

使君子一名留求子形似梔子稜瓣而兩頭尖似

訶梨勒而輕及半夏已熟中有肉白色大如棗

核而甘本草唐播州郭使君療嬰兒之疾多用

此物號使君子

齊民要術

半夏葉似芍藥根下重生上大下小皮黃肉白今

瓊產葉較圓

儋州志

草蒿卽青蒿有子者莖葉與常蒿同但色深青而

氣芬芳舊志

蛇含草一莖五葉或七葉治蛇傷赤眼風腫諸證

異苑云有田父見一蛇被傷一蛇含一草着瘡

上經曰傷蛇乃去田父因取草治蛇瘡皆驗遂

名曰蛇含草根名女青又名雀瓢生朱厓八月

採木草  
綱目

白芨葉似初生椶苗開花長寸許紅紫色中心如

舌七月實熟陶宏景云可以作糊草本

貫眾葉似狗券而大汁能解邪熱之毒舊志

女青一名萬年枝即冬青亦曰女貞木身大合抱

子青黑色有瓢核亦名凍青粵東筆記

牽牛子核白者名白丑核黑者名黑丑黑者葉二

尖如楓葉花碧色白者葉團有斜尖如山藥皆

蔓生處處有之黑者尤多其嫩實蜜煎爲果名

天茄氣味苦寒有毒

本草芳譜

朝開暮落花卽糞上白菌堪療毒瘡

舊志

蓖麻子炒熟治癩癧效

同上

骨碎補根似薑而扁長有毛黃赤一名猴薑

舊志

何首烏按本草有赤白二種赤者雄白者雌生必

相對其葉亦相對大者狀如山藥各有五稜

舊志

羊蹄草一名秃菜葉似菠薐而無歧色青白可治

疥癬禿瘡詩小雅言采其葢陸璣註云卽今子



蹄也

舊志增

馬鞭草一名龍牙草一名鳳頸草苗似蒴芽搗汁

飲之能消癥瘕

齊民要術

劉寄奴一莖壹上葉尖長藥黃花白如小菊花實

有白絮子細長似苦蕒子俗名刀斧草

舊志增下同

穀精草田中收穀後多有之田低而穀爲水腐得

穀之餘氣結成此草一名戴星草

槐角卽槐實單子及五子者勿用

三柰根葉皆如生薑味辣與甘松良薑皆入香料

俱同上

蒲公英春初生田園中葉如苦苣有細刺心中生

一莖出一花黃如金

舊志下同

海金沙莖高一二尺葉如半夏而硬

地丁本草四時常有花子老隨絮飛落處卽生俗

名土松子

夏枯草葉似旋覆春至開花作穗五月初枯

俱同上

檳榔去殼焙乾難心尖長破之作錦紋者良俗謂

之櫚玉

舊志增

側柏葉柏有數種葉扁而側生者名側柏

雅

桑寄生葉如橘而軟厚莖似槐而肥脆寄生樹上

不藉於土惟桑上生者堪入藥

舊志

巴豆巴枝也樹高丈許實有大毒最能瀉人俗呼

白漏子

舊志增

桑白皮用上內東向根皮良出土外者殺人

舊志

藿香形如都梁香似蘇合去惡氣止霍亂及心腹

痛出瓊山澄邁者佳

郡志

山茱萸實如芡明味辛通九竅

舊志增

山梔子方書所謂越種小而多稜者佳

舊志

木鼈子蔓生葉似苦瓜實亦如之兩頭尖短而大

子形如鼈

同上

海桐皮皮白堅韌作索不爛

舊志增下同

陳皮即橘皮陳久者良

青皮橘之青而未黃者

俱同上

栝實子實如楊梅生青綠熟漸深紅八九月采名

栝桃一名穀實羣芳譜

益智子如筆頭雜五味中極芬芳可下酒亦可鹽  
曝及作糗食晉盧循遺劉裕益智糗即此也李  
時珍曰脾主智此物能益脾胃故也與龍眼名  
益智義同東坡云海南產益智花實皆長穗而  
分爲三節觀其上中下節以候早中晚禾之豐

凶郡志

鹿茸分歧如馬鞍形者有力本草云茸不可躡能

傷人鼻舊志

牡蠣海氣化成純雄無雌故名牡舊志

龜板大者力勝自死敗龜板得陰氣更全上

龜甲有九肋者爲勝生取去肉更佳舊志

桑螵蛸卽螳螂卵生桑上者房長寸許有子如蛆

芒種後齊出故月令仲夏螳螂生也舊志增

海螵蛸烏賊魚之骨舊志

石決明如小蚌而扁惟一片無對七孔九孔者良

舊志增

白蠶爲白色而條直者爲佳四月取勿着溼溼則

有毒舊志

原蠶蛾是家養名晚蠶上

蟬蛻蟬類甚多惟大而色黑者入藥舊志增

項山果二  
蛇蛻石上完全者佳

舊志下同

蛻螂滾丸蟲也

斑貓豆葉上者佳脚甚毒

蚺蛇膽醫家重之浮水面而迴旋行走者真

蝮蝮即大土狗夜出者佳

穿山甲本草名鱗鱉甲

石蓮子蓮之黑而沈水者

舊志增

菴摩勒即餘甘子形味類橄欖

薄荷本草可療病不宜食

紫貝草

未詳

紫蘇面綠背紫色氣甚香不香者爲野蘇

鳳尾草葉附莖對生每邊各七八葉本寬以漸而

狹頂尖儼如鳳尾可治痢

舊志增

山總管樹高四五尺葉可解諸毒土醫謂之藥母  
見血愁本名茜草方莖中空數寸一節其葉對生  
而有斜紋兩邊共八條邊碎尖如箭可以染絳  
鄭風所謂茹蘆卽此醫家取以散血

接骨草叢高二三尺葉似柳莖有節跌傷者取裹

之效

詳草類

柳豆葉小兒痘疹初愈土人取以煎浴

藥香黃熟香木之枯朽而成者宜入藥

詳香類以上俱舊志

益母草卽本草茺蔚用治胎產諸病一名返魂丹

信州志

枸杞花葉根實並可食輕身延年一名卻老增

石類

土石土之堅而似石者山中水流成礪處多有之

舊志增

白石瑩潔如玉出縣南六十里白石都同上

水晶石有五色朗澈如削冰月出叢談云中州水

晶皆爲玩好五指山傍滿山皆是望之如雪而

光彩過之人取以爲假山有高至丈餘者郡志

琅玕石潔白如玉與珊瑚形同而色異庚辛玉册

云生南海崖石內似珠而赤政和木



礪石出東石山者佳能發刃舊志

火石用以擊火出西黎山者佳同上

浮石水沫所成宋俞璞云石入水則沈而南海有

浮水之石郡志

羊肚石形似羊胃舊志

其子石舊志

布帛類

葛布出瓊山澄邁樂會臨高者爲美人葛通志

蕉布芭蕉莖如芋取澂煮之如絲纒爲絺綌謂之

蕉葛異物志

麻布俗謂波羅麻所在皆有之其出定安文昌者

尤細如輕綃露

舊志

吉貝布泊宅編云木棉紡績爲布名曰吉貝海南

蠻人織以爲巾上出細字雜花卉尤工巧卽古

所謂白疊布

舊志

兼絲布經或麻或絲煒則綿

舊志。按此布今經不復用絲

絲布黃白二色

同上

土綢繭緒略麤

舊志

經布極厚實

舊志

鵝毛布以鵝毳間色絲織成人物花鳥黎人以之

爲衣名曰黎錦

舊志

椒布縷眼如胡椒

舊志

新學堂  
PDG

花被用藍澱印爲花卉

黎嶼一名黎暮金絲者爲上虞衡志云出海南黎

尚今多山崖州俱同上

飲饌類

天門冬酒東坡在海南作以米麥水三者爲之林

老酒烏芒稻米蒸飯冬至日釀陳而後用舊志拾

鹿蹄酒以鹿蹄筋釀

燒酒性甚嚴以陳者爲貴

黃酒色與金華酒同俱同上

三白酒舊志末詳

都拾酒爲都拾子釀成舊志

荔枝酒以鮮荔釀成味極香郡志

菊花酒以菊花研末拌入糯米飯內加糖釀法舊志

增

膏梁酒性比燒酒爲更嚴謂之膏梁燒同上

桂酒以桂花釀東坡有桂酒頌粵東筆記

甜酒以糯米蒸飯入麴裝入甕內覆之以草旬日

後卽成舊志

山柑酒以山柑子釀成同上

黃桐酒以桐子釀成味極美郡志

桑寄生酒以桑寄生和燒酒釀之色白味清烈舊志

龍眼花酒以龍眼花浸之

粵東筆記

粟酒以鴨脚粟釀味頗淡

郡志增

番薯酒以番薯釀土人謂之村膠

同上

茶瓊山文昌出近儋州者佳

舊志

苦荬茶樹若刺桐叢桂葉大而澀其味最苦俗常

以之和茗烹

舊志增

茶芎 買梅茶

舊志○ 俚未詳

野茶一名靈茶卽江南黃連茶也

舊志

花椒苗蔓生結子相對以皮皺粒小色黑者爲良

舊志增

吳茱萸似檉而大子聚成房俗呼辣子又呼食茱

黃九日折之以插頭可以辟惡同上

落花生油有去殼榨者有帶殼榨者邑人家常用

此郡志

芝麻油甘香最宜入饌舊志

山柚油婦人用以澤髮亦可食出文昌者良此外

又有桐油同桐油也入漆蓖麻油和印柏油療嬰兒核

桃油烏髮海棠油山竹果油然點二者皆不入

食品同

鹽有生熟二種郡志

醋有二種浙醋水醋同上

醬用麥麩米豆罨黃加鹽曝之証字

糖名頗繁不外烏白赤三種烏者糖塊白者糖霜  
霜有二日結粉曰貢粉曰上洋赤塊有厚有薄  
瓊之糖其行至遠白糖則貨至蘇州天津等處

郡志

蜂蜜俗名蜂糖白如膏者良其滓卽謂之蠟有黃

白二種白者可食

舊志增

蜜製天門冬益智子波羅蜜檳榔青梅其味更佳

舊志

曬蜆盛夏取生蜆以酒鹽蘇麻拌之曝乾下酒最

佳

魚鱔魚之白脬中空如泡者也鰻鱧魚石頭魚脬

皆可充饌正石首魚脬並可作膠舊志增

海參出海中狀如水蛭取以作脯色黑小而薄亦

有刺參出臨高郡志

黑苗醬六七月間取小海鰓授以鹽酒裝入甕中

候其味和嘗之土人每飯必設齋

器用類

纏椽器為酒壺茶壺之屬舊志

漆器壘漆雕漆有剔紅剔黑諸色同上

藤器金藤為筵遇青則爛氣逆出五色藤為簞瓊枝為席

為盤及屏風盃甲馬鞭之屬粵東筆記

雅帶舊志未詳





紅竹簞方言謂之筴

舊志

椰櫨椰殼爲之用以汲水

舊志增

椰冠蘇過常寄雷與叔子由

舊志

椰杯椰樹有一種專生小子殼堅厚取製爲酒杯

白色者尤貴注酒遇毒輒沸起唐李衛公征蠻

時常配一椰杯於玉帶環中

舊志通志

鸕鷀杓磨海螺殼爲之

舊志同

銅鼓漢時所遺

鸕鷀杯螺殼爲之形如鸕鷀用金銀鑲嘴以爲酒

器

黃子木拄杖東坡製寄雷與子由爲生日之壽

金剛子圓如彈堅實不朽僧尼製爲數珠俱同上

皮有牛皮 鹿皮 麋皮 山馬皮 獾皮 蚌

蛇皮 檀蛇皮 沙魚皮志

笠有油紙笠 篾笠 簞笠 葵笠

藤笠郡志

瓊山縣志卷之四

建置志一 城池 附公署

瓊山縣治附郭其城卽海南衛城也漢置珠崖郡

於東潭都城址尙存又於顏村側置顏盧縣城

又因顏盧爲珠盧縣唐以其地置崖州附縣曰

顏城貞觀元年改爲舍城五年以崖之瓊山置

瓊州於白石都乾封間沒於崙獠貞元間討復

之宋開寶五年始徙今治卽漢瑋瑁地築城凡

三里紹興間許益亂管帥李諤復因舊子城而

增築爲外羅城元因宋舊

所通志按方輿紀要瓊州府卽古崖州城

城邑考今府城唐貞觀五年創置宋元因之明洪武己酉指揮孫安建

議請展庠戊指揮張榮自城西北至東南隅加  
廣之計周圍六百丈高二丈五尺關東西南三  
門東曰朝陽南曰靖南西曰順化各建敵樓城  
北無門建樓曰望海南築長隄引溪爲濠自東  
城下達抱崙村甲寅復奏請增廣自城北循東  
至南長三百四十四丈高濶如舊改東門曰永  
泰四隅增建角樓戊午指揮蔡玉復請加廣北  
面自西至東四百餘丈通計周圍一千二百五  
十三丈高二丈七尺廣一丈八尺今郡志作雉  
二丈八尺  
堞一千八百三十今郡志  
作四十三窩鋪共三十七  
今郡志作  
五十七濠塹周一千二百八十七丈深三丈

二尺濶四丈八尺

康熙二十二年肇慶府丞李彥瑄奉上憲文勘數目不符

此依新文改正

宏武甲子指揮桑昭於西城外增築土

城三百八丈西南北亦闢三門上各建敵樓謂

之子城成化癸巳副使涂棐改題各門東曰體

仁西曰歸義南曰定海丁酉僉事陳昭復堅築

土城又於大城環增欄馬牆嘉靖戊午知府李

慎易于城以石旋圯乙丑參議曹天佑委縣令

曾仕隆重築鄉紳參政鄭廷鵠助夫運石增砌

圍三百十二丈高一丈四尺有奇比舊堞闊一

丈二尺上殺三之一雉堞六百四十有二

今聯志作

五百三十二門仍舊制崇正辛巳知府蔣一鴻創建

東門外月城周圍寬八丈高一丈四尺比舊堞  
闊八尺雉堞四十有二關門一南向南門外月城  
周四丈高濶如之雉堞三十順治乙未學道林  
嗣環知府朱之光推官何澄知縣孟信各相修  
增高雉堞一尺厚五寸旋壞康熙六年丁未分  
巡學道馬逢皋知府張恩斌知縣王好仁重修  
委縣丞施之蔭督竣庚戌風雨損壞辛亥知府  
牛天宿知縣金光房再修十一年壬子閏七月  
颶風大作隳南門大樓東北角樓及窩舖十二  
間圯南城一十二丈東城三丈餘全城雉堞  
十之五六巡學道王廷伊知府牛天宿同知劉

永清知縣劉源清共相修二十四年颶風傾倒  
城垣六十餘丈雉堞一百二十并各門城樓子  
城傾倒三樓城垣五十五丈副使程憲郡守佟  
湘年與總鎮劉成龍文武捐俸分修程公修西  
北及城樓總鎮劉暨二營修東南佟公修外城  
及大城南樓二十六年海防潘廷侯改東門外  
月城門仍照大城東向三十一年郡守張萬言  
以各城樓爲颶風圯毀捐俸重建南樓三十三  
年重修東樓四十七年分巡雷瓊道焦映漢以  
郡城修厯多年雨風摧敗樓堞傾圯詳請兩院  
設處重修雍正七年颶風損壞府城垛口乾隆

三年署縣事崖州知州張理詳請勦項修復四  
年六年疊遭颶風郡城周圍城樓窩舖垛口損  
壞崩塌無數八年知縣楊宗秉修復四大城樓  
共六十二間窩舖十間東南隅城垣二丈四尺  
五寸垛口三十九個又修復子城門樓三座垛  
口四十個共相堊銀三百九十餘兩造冊請項  
撥抵三十七年知府蕭應植率屬修葺嘉慶十  
年知縣鄭榕相修二十三年知縣李景沆同闔  
屬州縣捐修道光二十年知縣金樹本相廉重  
修二十九年劉斯增修其周圍雉堞原係碎石  
甃成不時毀壞咸豐五年巡道黃鍾首重修



以版築其泥則用灰沙和之并造城門上敵樓  
三紳士李芳徽王子俊督理子城南北二敵樓  
久圯道光二十一年知縣金樹本修復咸豐五  
年知縣李文烜重修俱紳士王廷傳督理

舊志增

海口所城在郡城北十里明洪武甲戌都指揮花  
茂奏築防倭乙亥安陸侯吳傑委千戶崇實興  
築周圍五百五十五丈高一丈七尺闊一丈五  
尺雉堞六百五十有三窩舖十九關四門各建  
敵樓東北臨海共砌石岸九十丈復自東南延  
西北浚濠長四百六十五丈闊一丈五尺深五  
尺明永樂戊戌指揮牛銘復增石砌成化十三

年僉事陳昭增築欄馬牆康熙六年丁未分巡  
學道馬逢臬知府張恩斌知縣王好仁加修復  
壞辛亥分巡學道王廷伊知府牛天宿同知劉  
永清再修十一年壬子七月值颶風崩城五十  
三丈雉堞毀者三之一三門城樓俱傾分巡學  
道王廷伊知府牛天宿同知劉永清知縣劉源  
清復修之廿四年颶風傾倒城垣二百二十九  
丈二十九郡志雉堞一百八十六并城樓四座  
防廳王元臣瓊山縣朱玘固水師協鎮李尙翠捐  
俸分修四十七年巡道焦映漢以海口城樓雉  
堞傾圮比郡城爲尤甚詳請兩院重修焦公有

重修

城海口城

記見藝文 雍正七年颶風損壞海口城垣雉堞

各州縣合力捐修乾隆四年六年疊遭颶風毀壞十一年知縣楊宗秉會同營員細估工資詳報未經奉准乃先捐銀修復城樓四座三十七年知府蕭應植率屬補修五十六年咨准部覆動項修葺嘉慶十三年知縣言尙燁捐修道光八年知縣蘇榮補葺全上

萬壽宮在城內西南隅乾隆四年副使劉庶總兵武進陞瓊州知府李毓元瓊山縣知縣杜兆觀捐建

中爲

正殿八角龍亭一座內朝門一座三間外東西朝房十

間午門一座三間外東西官廳二間乾隆十一年巡道謝懋總兵黃有才署瓊州府知府于需瓊山縣知縣楊宗秉協相增建內朝房十間午門外照牆內戲臺一座先是地原係廢毀天主堂雍正八年總兵官李順奏請爲武義學乾隆三年奉文裁革○舊志

公署

提督學院行署在城內東南隅瓊郡隔越重洋向無分司公署亦無差使行臺康熙二十五年副使程憲郡守佟湘年始於南門直街建鄉約亭朔望聚民講約康熙三十三年太守張萬言將約亭爲考院事竣仍聚民講約西向雍正十年

太守宗公思聖率闔屬紳士捐金改建府署之  
左南向乾隆十年知縣楊宗秉備造八尺長試  
棹五百張八尺長版凳五百條列入交代以垂  
永久乾隆三十五年以府署之左改建府學宮  
而以城東南隅府學舊址改爲試院卽今督學  
行署道光六年闔郡紳士醵金購石改砌東西  
文場坐號前東西場太空濶屢爲颶風飄毀道  
光二十一年知縣金樹本全紳士議改東西場  
各爲兩層

舊志  
增

按明初至中業學使按臨雷州檄瓊士北渡  
赴試萬曆七年准郡人尙書王宏誨疏以海

南道兼提學事 國初仍之康熙十五年始

以廣東提學道巡試雍正九年分設提學二

瓊隸肇高督學考校乾隆十六年督學復歸

於一惟渡海維艱故歲科兩考一時舉行通志

雷瓊兵備道署在府治之右元立海北海南道分

司於今府署元末改爲元帥府明洪武二年改

爲州署三年陞州爲府移府署於東以州署仍

爲海南道署成化二十三年太守張英復移道

署於東而以舊署還府 國朝因舊址頽圯改

明參將府爲分巡提學道署卽今公署康熙十

一年分巡學道馬逢皋王廷伊重修十六年知

縣茹鉉措置官廳以爲屬吏候謁之所乾隆十四年巡道黃鍾重修大門儀門六房添建花廳立牌樓二十二年巡道張介祺重修二堂并補葺署中廡舍三十五年大風牌樓傾圮巡道王錦重修嘉慶二十二年護道史祐瓊山縣知縣李景沆修建內寢及頭門客廳道光十一年護道金蘭原重修咸豐五年巡道黃鍾音重新大

堂舊志

雷瓊道庫大使署舊以府倉大使兼理後府倉歸併首縣倉大使裁專設庫大使署歲久坍塌乾隆三十一年署知府李璜詳建署於城內靖南

街郡志

瓊州府署在道署左卽元海北海南道分司署址  
唐析崖州地置瓊州宋改爲安撫司元以爲元  
帥府而遷安撫司於東明洪武三年移建府治  
於安撫司之舊址成化二十三年太守張英始  
遷於此卽今公署宏治六年太守張繼宣於堂  
東置經歷司西置照磨所廣盈儀從二庫在廳  
事左右架閣在照磨所西堂下東西始立六房  
同知判推列於儀門外左右其正衙後左置樓  
樓後置吏舍正德六年太守王子成添建官舍  
於照磨所後十年通判李正祥拓地增吏舍於



六曠地嘉靖四十五年府堂傾圮隆慶二年知  
府史朝宜重建爲正堂五楹後堂如之堂後有  
樓堂右爲清軍廳左爲燕思堂左前爲經歷司  
右爲照磨所及廣盈架閣二庫堂上左右兩序  
列吏舍甬道立戒石銘外爲儀門左爲土地祠即  
官堂右爲虛受堂即迎賓館督糧理刑二廳在儀門外  
左右大門外爲榜房萬厯二十九年添設撫黎  
廳於署左後燕萬厯以前督捕理刑俱從大門  
出督捕自謝秉選理刑自張材各另建署門出  
入始更前制 國朝裁撫黎通判歸併海防同  
知以判署爲同知公署理刑經裁公署猶在照

磨所久經裁革移經歷司署於照磨所其舊經歷署圯廢爲曠地康熙十一年大風瓊州後衙川堂及儀門全隳大堂及六房半傾知府牛天宿次第修建海防公署同時傾圯同知劉永清重修自康熙十一年修後屢遭颶風大堂五楹多被損壞至康熙四十六年州縣設處重修雍正三年知府岳綸修葺大堂乾隆二十一年署將傾圯知府左興率屬捐修道光八年知府曹祥捐修二三堂及庫房吏舍十一年署知府王

玉璋修葺十四年知府富爾崇阿捐修

舊志增

海防撫察司知者在海口所成內其構署原在府

治東乾隆三年奉文移駐崖州舊署存爲公館  
乾隆三十五年改爲府學明倫堂嘉慶二十年  
奏准令同知還駐郡城道光十三年移駐海口  
所同知裴驥請以崖州舊署變價改建新署於  
海口時水師都司缺裁因就都司舊署基址爲

之舊志

經歷司署舊在府署內康熙三十九年奉裁署廢  
雍正八年裁司獄復設經歷太守公思聖改  
司獄署爲經歷司署乾隆三十一年圯署知府  
李璜詳建移於城內倉前街歲久又廢今其署  
尙須改造

舊志增

教授署在府學西乾隆三十六年建道光二年教

授張衍基同紳士捐修

郡志

訓導署在府學東乾隆三十六年建道光二年訓

導王紹曾同紳士釀金修葺并添建房屋一間

十六年訓導謝承宣捐修

上全

瓊山縣署在府署西南隅唐舊縣署在郡城外西

隅宋元因之明洪武二年復瓊州而縣革三年

復置縣知縣李思迪遷建於西南隅二十八年

主簿李子強建議徙瓊臺驛於城外西北隅以

便使客往來始用驛基爲今署廳堂庫禁皆永

樂九年知縣歐陽包申請創建天順四年

土酋知縣陳通復建成化三年知縣梁昕完繕  
及買門外軍營廢址增建坊亭嘉靖廿四年知  
縣林應采再修中爲正堂東西爲庫左右爲縣  
丞主簿衙兩廂爲六房儀門內爲捕廳外則右  
禁獄左神堂萬曆三十三年地震傾圮知縣龍  
時雨修復康熙十一年颶風衙宇悉圮知縣劉  
源清重修乾隆元年二堂損壞知縣李同重修  
乾隆七年知縣江日暄修六房及靈官祠乾隆  
八年知縣楊宗秉另建門房三間茶房一間乾  
隆九年修葺客廳六間十一年重建二堂五間  
捲蓬三間道光元年知縣李景沆捐修大堂九

年知縣蘇榮捐修二堂十四年知縣張德尊捐

修二堂旁屋及左右吏舍

舊志增

縣丞署在海口所城南門內其舊署原列縣署東

久廢地爲營伍侵佔康熙二十四年郡守佟湘

年於府城隍前買民地一段創官廳三間圍地

一區照牆一座縣丞趙夢龍增葺後房三間側

房二間廚房一間雍正七年奉文移駐海口權

以海口公館爲署今仍之

舊志增

教諭署在縣學大成門東乾隆三十五年建

詳志

訓導署在縣學大成門西乾隆三十五年建道光

十一年訓導吳家樹同紳士捐修

全上

水尾司巡檢署在水尾汎

全

典吏署在縣後左街其舊署原在縣儀門內久廢  
康熙十六年知縣茹鉉於道前官廳後空地置  
屋三間側房二間權爲巡捕居住未幾又廢今

典吏署乃典吏鄭健捐俸自置

舊志

瓊州鎮總兵署在西門內原明察院分司署順治  
九年總兵高進庫居之改爲總鎮府康熙四年  
總兵黃應傑拓基創建康熙十一年總兵佟國

卿重修

舊志

中軍兼管左營遊擊署在城內府治西相傳此係  
王尙書住郡之第其蓮花石礎尙存後因王姓

少來官有時借住至順治四年遂改建爲中軍署乾隆四十二年五十七年兩次詳修。

郡志增以下

俱郡志

左營守備署在遊擊署西順治四年建乾隆五十

八年詳修

右營都司署在城內府治西其舊署在城西南隅

順治四年建乾隆四十二年五十七年詳修今

已毀拆止存基址

參郡志

右營守備營在城內靖南街順治四年建乾隆四

十九年六十年詳修

左營軍裝庫在府城北順治四年建嘉慶二十年



詳准修理

左營火藥局在府城北順治四年建乾隆五十七

年嘉慶二十二年詳修

右營軍裝庫在城南順治四年建乾隆四十五年

嘉慶二十年詳修

右營火藥局在城南順治四年建乾隆五十七年

嘉慶二十一年詳修

海口營參將署在海口所城西門內卽副將舊署

康熙二十三年建

海口營中軍守備署在海口所城內劉衙巷康熙

二十三年建

海口營軍裝火藥局在海口所南門內康熙二十

三年建

以上并  
郡志

演武廳一在郡城北五里一在海口所南門外里

許新  
增

僧綱司在城北天寧寺

郡志

道紀司在城北三清觀今王皇廟

上全

新公館在海口城南門內門面八間三層共房三

十間康熙四十七年闔郡州縣捐建瓊山縣知

縣王贊董其成今改爲瓊山縣丞署

舊志  
增

建置志二 學校 湖鏡酒禮附

府學在府治東宋慶厯四年始建於郡城東南隅  
詔立殿堂御書閣郡守宋守之建尊儒亭躬自  
講授置學田紹興末始設學官淳熙九年帥守  
韓璧重修明倫堂朱子書匾爲記見藝文慶元間  
通守劉漢修廟像祭器嘉定二年帥守趙廈重  
修咸淳二年教授蔣科建御書閣於講堂北八  
年立進士題名碑於東坡書院元立教授學正  
學錄蘇湖廣儒學提舉司至大二年副都元帥  
陳謙亨重建大成殿皇慶元年教授陳舜佐造  
祭器置大成樂器泰定四年安撫副使張珣清

學田置冊立碑至正間教授金德新兩廡從祀  
像學正符元裔補置經史諸書十三年毀於寇  
明洪武三年知府宋希顏重建殿堂樞星門戟  
門闕射圃於學宮之右又建四齋曰守中興仁  
恒德育才七年展城學址逼近軍營指樞彙昭  
乃廢東西營以地入學廚庫饌堂號舍以次備  
舉十七年立卧碑造祭器建文二年知府王伯  
貞建議堂宣德初通判吳楨重修正統十一年  
同知楊啟增置學舍天順六年副使鄺彥譽復  
修成化初副使曹輔唐彬置祭爵建號舍五年  
知府蔡浩建書樓改建樞星門七年副使涂棐

闕射圃邢宥有記立饌堂倉庫範銅祭器邱濬  
有記以明倫堂前逼文廟乃移立於書樓舊址  
之後前置亭立碑隸刻朱子感興詩祭酒吳節  
有記八年學士邱濬於堂後置藏書石室有記  
十三年知府蔣琪重建大成殿兩廡尊經閣復  
遷學舍於明倫堂左二十二年僉事陳英於學  
後開劔池累土築三元峯以鎮其後宏治二年  
英復以副使來按重建兩廡戟門號舍張泰有  
記九年太守張桓重修十年督學宋端儀以學  
址舊有東坡澹菴祠久廢乃建仰止祠於儀門  
之東十三年知府石璧增擴之正德初知府方

向增號舍四十二間提學副使給唐書宋史二部六年知府王子成重新樂器十六年參議賀泰釐定祭器之數繪圖勒碑於明倫堂側僉事汪克章復修建殿廡齋署補祭器給膳田嘉靖十年改大成殿爲先師廟設木主建敬一亭創啟聖祠二十四年知府張子宏重修三十五年有司增學田隆慶四年知府周思久修琴瑟教生儒歌鹿鳴萬曆七年知府唐可封以樞星門逼近城下乃展城遠之外立石屏上置雙龍首鑿泮池於前改建大門於左建尊經閣於明倫堂後修三元峯碑於雁塔峯上三十三年廟堂多

地三十四年知府高維嶽重建明倫堂設文會館於文廟之右三十六年知府倪棟重修三十九年知府翁汝遇去泮池中橋砌左右道四十二年署知府推官危純中重建尊經閣知府謝繼科成之

國朝康熙六年巡道馬逢皋倡捐重修十年被颶風巡道王廷伊知府牛天宿同知劉永清教授朱子虛捐修十一年復被颶風十四年知府王元士重建三十七年副使成泰慎更新之四十年知府賈棠建啟聖祠明倫堂五十一年副使申大成修泮池建拱橋於上周以石欄移樞星門

并照牆各展十數武雍正元年副使沈澄知府  
趙世謙知縣孫起範捐修殿廡改啟聖祠爲崇  
聖祠乾隆九年題准部覆動款修葺十年圯於  
颶風副使謝樾知府于需知縣楊宗秉倡建紳  
士蕭璋等督修十八年颶風作殿廡宮牆傾圮  
十九年副使德明知府史效律知縣張慶長教授  
鍾南麟訓導謝膏露集紳士蕭璋等捐貲重修德  
明有記三十三年颶風殿廡門牆皆圮三十四  
年知府曹槐允紳士請以府治左試院地改建  
府學宮三十六年知府蕭應植委教授王拱訓  
導陳國華紳士吳位和等分董勸捐重建殿堂



門廡泮池及崇聖名宦鄉賢名祠學使翁方綱  
有記五十三年紳士吳典重修易殿柱以石道  
光十八年知府王藻捐修殿廡以陞任去二十  
年知府明誼成之紳士張岳崧杜以寬等董其  
役易以木柱四面重簷遊廊恩以垣墉階用納  
陛規制悉備

縣學在府學南鼓樓之東宋建在海口浦元至正  
中元帥寶德貨海牙重修明洪武四年知縣李  
思迪遷於郡東北東坡書院九年知縣陳棨遷  
於南郊教諭趙謙立坊表曰道義之衢學西築  
考古臺

趙公原有專祠入廢今丁祭設位祀於  
明倫堂每祭縣支銀二百四錢五分

永樂二年知縣歐陽旭重修宣德八年繼修廊

廡何人修未詳

正統十二年同知楊啟增修市軍民

田地築堤以廣其路成化初副使唐彬徐棊相

繼修葺棊更置饌堂學舍邱濬有記宏治十一

年副使陸淵遷建於府學之西建明倫堂兩齋

泮池官舍畢備正德初增立學舍二十間嘉靖

三十年訓導符山李夔置學田教諭陳湯敬建

敬一箴亭并建學舍三十三年知府張子宏推

官徐邦佐以知縣吳時昭請改建文廟於明倫

堂之西鄭廷鵠有記三十五年訓導黃子祿建

啟聖祠於文廟後萬曆元年知縣文以進整泮

池於樞星門內七年重修海瑞有記二十一年  
教諭梁尙道訓導程士章何其明改建明倫堂  
並修泮池樞星門三十二年地震颶風大作廟  
堂盡圯署知縣通判吳偉捐修四十二年巡按  
王以甯允訓導陳汝言請建啟聖名宦鄉賢考  
古四廟修門池齋垣

國朝康熙六年巡道馬逢臬捐俸重建殿廡及明倫  
堂教諭譚福成督修十一年秋颶風各祠石柱  
皆折牆垣傾圯知縣劉源清教諭余穀會集諸  
生設法捐修未就十四年僉事范養民知縣茹  
鉉教諭余穀捐俸成之十八年颶風又復燬圯

十九年海寇謝昌揚二破海口城府城危急兵  
丁搬泮池石柱及墻垣石護城一望平地二十  
三年副使程憲知府修湘年知縣朱玘教諭盧  
啟運訓導馬煜黎暉吉捐修二十五年颶風東  
西兩廡牆垣俱倒二十八年知縣修世南教諭  
黃銓捐修三十四年知縣戴盛先復修有記三  
十六七年連遭颶風兩廡儀門倒塌椽瓦俱毀  
四十四年知縣王贊集紳衿設法捐修巡道焦  
映漢學道翁嵩年知府賈棠同知姚哲教諭闕  
必登訓導黃廷濬相繼捐修雍正十年知縣余  
宏仁重修改明倫堂爲崇聖祠別建明倫堂於

祠之東乾隆四年六年連遭颶風坍塌荒廢八年知縣楊宗秉詳項重修移建名宦鄉賢二祠於大成門側二祠原在崇聖祠左右教諭劉象年訓導廓開來督修三十三年颶風壞殿廡三十五年知府曹槐知縣素其熿九紳士吳位和等請移於鼓樓東鐘樓廢址建殿廡大成門櫺星門泮池崇聖諸祠明倫堂及齋署厨庫畢備三十七年工竣知縣汪屋有記嘉慶四年署知府李戴春知縣蔡升從紳士請市民房四所移崇聖祠至後大街移大成殿退後三丈許道光十九年崇聖祠兩廡朽壞署知縣許夢麟集紳士商民等

議修二十年知縣金樹本繼成市東西民房補  
足兩廡并修大成門二十七年建忠義節孝祠  
於大成門外左右改大門爲東西二門邑紳鄭  
文彩蔡藩等相繼董其事規制悉備

康熙二十五年

御書萬世師表匾額頒掛學宮

舊匾金漆剝落字畫不可辨乾隆十一年知縣

楊宗秉捐置金漆重加摹勒如式緞畫復頒

御製

至聖先師孔子贊並序於學宮

見藝文

二十六年

入下邳縣選俗舞生大合樂以祀先聖歲以春秋二

仲上丁釋奠正獻官分獻官四

五十九年

詔武職許陪祀 文廟與文職官一體行禮

雍正元年奉

詔改啟聖祠爲崇聖祠

三年奉

上諭

至聖先師孔子聖諱理應迴避嗣后除四書五經外凡

遇此字並加下爲邱讀作期音

四年

御書生民未有匾額頒掛學宮

舊匾金漆剝落字畫不復可辨乾隆十一年知

十九

聖朝宗乘捐置金漆  
重加摹勒如式經畫

乾隆三年

御書與天地參匾額頒掛學宮

詔文廟用黃色琉璃瓦

三十二年奉

詔改戟門爲大成門

嘉慶四年

御書聖集大成匾額頒掛學宮

道光三年

御書聖協時中匾額頒掛學宮

咸豐三年



御書德齊鳴載匾額頒掛學宮

順治九年二月禮部奉行

欽依刊立卧碑文曉示生員

朝廷建立學校選取生員免其丁糧厚以廩膳設學  
院學道官以教之各衙門官以禮相待全要養  
成賢才以供

朝廷之用諸生皆當上報

國恩下立人品所有教條開列于後

一 生員之家父母賢智者子當受教父母愚魯或  
有爲非者子已讀書明理當再三懇告使父母  
不陷於危亡

一生員立志當學爲忠臣清官史書所載忠清事  
蹟務須互相講究凡利國愛民之事更宜留心  
一生員居心忠厚正直讀書方有實用出仕必作  
良吏心術邪刻讀書必無成就爲官必取禍患  
行害人之事者往往自殺其身常宜思省

一生員不可干求官長結交勢要希圖進身若果  
心善德全上天知之必加以福

一生員當愛身忍性凡有司官衙門不可輕入卽  
有切已之事止許家人代告不許干與他人詞

訟他人亦不許牽連生員作証  
一爲學當敬先生若講說皆須誠心聽受若有未



明從容再問切毋妄行辨論爲師者亦當盡心  
教訓勿致怠惰

一軍民一切利病不許生員上書陳言如有一言  
建白以違制論黜革治罪

一生員不許糾黨多人立盟結社把持官府武斷  
鄉曲所作文字不許妄行刊刻違者聽提調官  
治罪

康熙四十三年頒

御製訓飭士子文於學宮

雍正八年

詔刊平定青海碑文於學宮

乾隆三年奉

士論士人以品行爲先學問以經義爲重故士之自立也先道德而後文章國家之取士也黜浮華而崇實學我朝養士已將百年漸摩化導培養甄陶所以期望而優異之者無所不至爲士者當思國家待士之重務爲端人正士以樹齊民之坊表至於學問必有根柢方爲實學治一經必深通一經之蘊以此發爲文辭自然醇正典雅若因陋就簡祇記誦陳腐時文百餘篇以爲弋取科名之具則士子之學已荒而士子之品已卑矣是在各省學臣諄切提撕往復訓勉其有

不率教者即嚴加懲戒不少寬貸至於書錄之外當令究心經學以爲明道經世之本其如何因地制宜試以經義俾士子不徒視爲具文者在學政酌量行之務期有益於膠庠各省亦不必一轍我

皇祖御纂經書多種紹前聖之心法集先儒之大成已命各省布政司敬謹刊刻聽人印刷並准坊間翻刻廣行恐地方大吏不能盡心經理則士子購覓仍屬艱難不獲誦讀着督撫藩司等善爲籌畫將士子應讀之書多爲印發以爲國家造士育材之助

先賢先儒從祀位次

大成殿正中南向

至聖先師孔子神位

東配西向

復聖顏子名回字子淵魯人少孔子三十歲

述聖子思子名伋伯魚之子孔子之孫受業於曾

子

西配東向

宗聖曾子名參字子輿魯南武城人年十六受業

於孔子少孔子四十六歲

亞聖孟子名軻字子輿漢書注云鄒人受業於思

之門人

袁陽云玉璣以人爲字趙氏注及孔叢子等書皆云受業子思

東哲西向先賢六位

閔子名損字子騫魯人少孔子十五歲

冉子名雍字仲弓魯人伯牛之宗族少孔子二十九歲

端木子名賜字子貢衛人少孔子三十一歲

仲子名由字子路一字季路卞人少孔子九歲

卜子名商字子夏衛人少孔子四十四歲

有子名若字子若家語作子有魯人少孔子十三歲家語云少孔子

三十歲

西哲東向先賢六位

冉子名耕字伯牛魯人

宰子名予字子我魯人

冉子名求字子有魯人仲弓之族少孔子二十九

歲

言子名偃字子游吳人

家語作魯人

少孔子四十五歲

顓孫子名師字子張陳人少孔子四十八歲

朱子名熹字元晦號晦庵諡日文徽州婺源縣人

東廡西向先賢三十九位

蘧瑗字伯玉魯人

曲阜碑作衛人

史記云孔子之所嚴事

於衛蘧伯玉則非弟子也

臧明字子羽武城人少孔子三十九歲



厚寬字子思魯人

家語作宋人

少孔子三十六歲

南宮适

史記作括家語曲阜碑朱考俱作緇

字子容謚敬叔孟僖子

之子懿子之兄居南宮因以爲氏

商瞿字子木魯人少孔子二十九歲特好易孔子

傳焉

漆雕開字子開魯人

家語曲阜碑朱考作蔡人字子若

少孔子十

一歲治尙書

司馬耕

集註作犁家語作犁耕

字子牛宋人桓魋之弟

梁鱣

一作鯉

字叔魚

曲阜碑字子魚咸淳志字子免

齊人少孔子二

十九歲

冉肅

曲阜碑作雷

字子魯

一作子會

魯人少孔子五十歲

伯虔

家語作伯處

字子析

家語作子哲

魯人少孔子

五十歲

冉季字子產魯人

漆雕徒父

家語作從父

字子期

家語作子文或有或云子友

魯人

漆雕咳字子斂

曲阜碑作子斂

魯人

公西赤字子華魯人少孔子四十二歲

任不齊字子選楚人

公良孺字子正陳人賢而有勇孔子周遊常以家

車五乘從

公肩定

史記作堅

字子中

家語作子仲

魯人或曰晉人

鄒單

一作單

字子家衛人

牟父黑字子索家語作子墨魯人

榮旂家語作旂字子祺家語作子頽魯人

左人郢家語作左郢或曰左人復姓字行家語作子行曲魯人

鄭國字子徒魯人正義曰家語云薛邠字徒史記作國者選高諱薛字與鄭字

耳誤

原亢字子杭家語作元亢字子籍史記作原亢籍正義亢作亢魯人

廉潔史記作黎宋像贊碑同字庸家語作子庸一作子曹衛人

叔仲會字子期晉人家語作會少孔子五十四歲與

孔斑一作族年相比二人迭侍孔子左右執筆記

事

公西與如曲碑作與字子上魯人

建直三 事交 三五

邾吳邾語作字子欽家語作魯人

陳亢字子禽家語又陳人少孔子四十歲說文云

陳亢

琴張又名字子開又字衛人

步叔乘本家語史記廣韻注字子車齊人

秦非字子之魯人曲阜碑

顏哈字子聲魯人

顏何字子冉魯人史記鄭注北齊顏之推家訓云

孔門升堂顏氏居八

縣亶字子象魯人

及問儀魯南武城人子張弟子又為曾子弟子



樂正克魯人孟子弟子傳春秋爲道爲屬辭比事之儒

萬章孟子弟子

周惇頤字茂叔諡元公道州營道人著有太極圖通書世稱濂溪先生

程顥字的淳諡純公世居中山後徙河南洛陽與弟頤同受業於周茂叔著定性書闡聖學之秘與太極圖說相表裏并文集垂世世稱明道先生

邵雍字堯夫諡康節其先范陽人後徙河南著有皇極經世觀物外篇漁樵問對等書自號安樂

先生

東廡西向先儒二十六位

公羊高齊人周末受經於子夏作春秋公羊傳

伏勝字子賤山東濟南人爲秦博士漢文帝聞伏

生能治尚書欲召之時伏生老不能行於是詔

鼂錯往受之

董仲舒字寬夫廣川人下帷講誦三年不窺園圃

作春秋繁露十七卷漢景帝時爲博士武帝朝

以賢良對策爲江都相

后蒼字近君漢東海鄉人通詩禮作曲臺記

杜子春字時元漢河南鄙人通周官後授鄴叢賈

遠

諸葛亮字孔明諡忠武後漢瑯琊陽都人出處與

伊尹同程子謂其有儒者氣象者有心新二書

王通字仲淹北朝絳州河津人讀詩書正禮樂贊

易道九年而六經就溯自獲麟之後歷秦漢至

後魏著紀年之書曰元經又依孔子家語揚雄

法言爲主客問答之說嘗獻太平十二策不見

用退隱河汾教授世號文中子

陸贄字敬輿諡曰宣浙江嘉興人中宏辭拔萃科

唐德宗時外廷大議一切取裁於贄嘗曰吾上

不負天子下不負所學所爲奏疏剴切詳明著

有翰苑集

韓琦字稚圭諡忠獻宋河南相州人歷仕三朝兩  
定大策朝廷倚以爲重封魏國公後贈魏王著  
諫坦存稿及奏議百數十卷

范仲淹字希文諡文正蘇州吳縣人爲秀才時卽  
以天下爲己任宋仁宗朝出將入相多社稷功  
先儒論宋朝人物以仲淹爲第一

歐陽修字永叔諡文忠宋江西廬陵人著有易童子  
問詩經義新唐書五代史集古錄六一居士  
集行世蘇軾叙其文曰論大道似韓愈論事似  
陸贄記事似司馬遷詩賦似李太白



楊時字仲立謚文靖宋南劍州將樂人調官不赴  
以師禮見程顥於潁昌得河洛之傳及歸類曰  
吾道南矣顥卒又以師事程顥於洛時年已四  
十執禮益恭立雪門外若有楊龜山集世號龜  
山先生

謝良佐字顯道宋河南上蔡人從二程子遊爲程  
門四子之冠伊川嘗問別後所進曰但去得一  
矜字伊川嘆其善學若有論語解

羅從彥字仲素謚文質宋南劍州沙縣人因受業  
楊時徙家陽平潛思力行絕意進取學者稱豫  
章先生

李侗字愿中諡文靖劍浦人受業羅從彥得河洛之學其施教必自反身自得始朱子嘗師事之  
若有延平問答及語錄行世學者稱延平先生  
呂祖謙字伯恭諡文亮宋浙江金華人好問之孫其學本之家庭又與朱熹張栻爲友講索益精  
著有考定古周易闡範官箴文鑑辨志錄春秋博議等書學者稱東萊先生

蔡沈字仲默諡文正宋福建建陽人西山先生仲子少從朱熹遊熹欲注書遂以屬沈又西山獨得洪範之數未及論著沈卒成之曰洪範皇極內篇隱居不仕號九峯先生

陳淳字安卿，宋漳州龍溪人。受業朱子，恬退自守。書無不讀，物無不格。學者稱爲北溪先生。著有北溪字義。

魏了翁字華父，號鶴山，諡文靖。宋四川蒲江人。嘗以論事忤史彌遠，坐謫築室白鶴山下開門授徒。由是蜀人咸知義理之學。著有鶴山集、九經要義、周易集義、易舉隅、周禮井田圖說、圖史雜鈔等書。學者稱鶴山先生。

王柏字會之，號長嘯，更號魯齋。諡文憲。宋婺州金華人。聞何基嘗從黃幹得朱熹之傳，卽往從之。授以立志居敬之旨，著有讀易記、涵古易說大

象衍義函古圖讀書記等書

趙復字仁甫宋江西德安人爲元所執遇姚樞乃與俱北以所記程朱諸經傳註傳樞由是北人始知向學著有傳道圖伊洛發禪希賢錄學者稱江漢先生

許謙字益之諡文懿其先京兆人元時由平江徙金華受業於金履祥盡得其所傳之奧教人至誠醇悉獨不教以科舉文曰此義利所以分也著有四書叢說詩名物鈔書傳觀史自省篇學者稱白雲先生

吳澄字幼清諡文正元撫州崇仁人一作臨川人自幼

以聖賢自期杜門著述作學基學統使人知學之本又有孝經章句并校定易詩書春秋儀禮大小戴記及老子莊子皇極經世等書盡破傳注穿鑿學者稱草廬先生

胡居仁字叔心號敬齋諡文敬明江西餘干人聞吳與弼講學崇仁往從之遊絕意仕進其學以主忠信爲先以求放心爲要著有進學箴居業錄而於佛老辯之尤詳

王守仁字伯安諡文成浙江餘姚人封新建伯爲學以致良知爲本著有文集行世學者稱陽明先生

羅欽順字允升號整庵諡文莊明江西泰和人嘗  
曰人立身居業必先打破義利關頭否則擾擾  
直到底著有困知記六卷

黃道周字幼平諡忠端明末福建漳浦人學貫古  
今尤精天文歷數皇極諸書著有易象正三易  
洞璣太函經學者稱石齋先生

湯斌字孔伯璣潛庵諡文正河南睢州人習好宋  
諸大儒書官參議時乞歸從孫鍾元講學蘇門  
所得益遂著有湯子遺書潛庵集

西廡東向先賢三十八位

林放字子邱魯人

宓不齊字子賤魯人少孔子四十九歲

家語云少孔子三十

歲宓同伏

伏生其有後也有宓子著書十六篇

公治長

家語云名畏

字子長

范甯云字子芝

齊人

家語云魯

人朱考同

公皙哀

家語作公皙克

字季次齊人

高柴字子羔

禮記又作子臯

衛人

家語作齊人朱考云齊人爲衛士師

少孔

子三十歲

樊須字子遲

齊人

家語朱考俱作魯人

少孔子三十六歲

商澤字子季

家語作子秀

魯人

巫馬施字子旗

曲阜碑

朱考家語俱作子期

魯人

一作陳人

少孔子

三十歲

顏辛

史記宋微贊碑皆作顏辛

字子柳魯人少孔子四十六歲

曹邨字子循蔡人少孔子五十歲

公孫龍字子石楚人

家語作衛人

少孔子五十三歲

秦商字子丕楚人

家語作魯人字丕茲

少孔子四歲偃陽之

役其父秦董父與孔子父俱以力聞

顏高

家語名刻一作產

字子驕魯人孔子在衛南子招孔

子為次乘顏高為御

壤駟赤

或曰壤駟復姓

字子徒

家語作子從

秦人

石作蜀

家語作子蜀或曰石作復姓

字子明秦人

公夏首

家語作公夏守字乘魯人

后處

家語作石處

字子里

家語作里之

齊人



奚容蒧字子皙家語作奚蒧字子偕魯人史世正義作衛人

顏祖家語作顏相字襄魯人

句井疆字子野家語作句井疆字子界山衛人東志作子孟又作子疆

秦祖字子南秦人

縣成字子祺家語作子橫隸續作子期魯人

公祖句茲句一作鈞家語作公祖茲字子之魯人

燕伋字思家語作燕伋字子思秦人

樂欬一作款家語作欣字子聲魯人

狄黑字皙曲阜碑朱考俱作子皙衛人曲阜碑作魯人

孔忠家語作孔弗字子蔑魯人孔子兄孟皮之子

公西蒧字子上家語作子尚魯人

顏之僕字叔

家語曲阜朱魯人考俱作子叔魯人

施之常字子恒

子常魯人

申棖字子績魯人

史記曲阜碑又有申黨家語作申績或作績史記正義云或作

宋像贊碑云字周魯人

按申棖字子績申黨

字子周家語但有申績字子周而無申棖申黨

云申棖史記作申黨家語作申績是申棖申黨

子績子周實皆一人矣又按後漢王政碑云有羔羊之絮無申黨之欲是又申棖即申黨之證此簡明之所以去黨存棖也

左邱明魯之太史

或云楚左史倚相之後

孔子將修春秋與

左邱明乘如周觀書於周史歸而作春秋之經

邱明為之傳

秦冉字開

曲阜碑朱考

蔡人

牧皮力牧之後與琴張曾皙爲友孔子之所謂狂也

公都子孟子弟子

公孫丑齊人孟子弟子傳易爲道爲潔淨精微之儒

張載字子厚長安人著有正蒙西銘易說禮樂說論孟說語錄文集學者稱橫渠先生

程頤字正叔河南洛陽人顛之弟著有易春秋傳

經說四書註遺書外書文集學者稱伊川先生

西廡東向先儒二十六位

穀梁赤一名淑喜又名字元始又名應邵受經於子夏傳

春秋作穀梁傳

高堂生魯人漢舉博士

按謝承云秦氏季代有魯人高堂伯則伯是其字云

生者自漢以來儒者皆號生

傳儀禮十七篇

孔安國字子國兗州人孔子十一世孫也漢武帝

時得壁中尙書獻之遭巫蠱事未列於學宮司

馬遷從安國問古文尙書故史記載尙書多古

文說

毛萇字長公漢河間人善說詩自謂子夏所傳者

有毛詩故訓二十卷詩傳十卷

鄭康成漢北海高密人所注周易尙書毛詩儀禮

禮記論語孝經尙書大傳中候乾象歷又皆天

文七政論魯禮禘祫六藝論毛譜駁許慎五經

異義答臨孝存周禮難

范甯字武子晉順陽人著春秋穀梁集解

韓愈字退之諡曰文昌黎人一作河南修武人著原道原

性師說諸篇與孟子楊雄相表裏成就後進往

往知名學者仰之如泰山北斗有集四十卷小

集十卷行世

胡瑗字翼之海陵人范仲淹薦授秘書省校書郎

教授湖州設經義治事二齋以教人宋慶厯中

興太學取其法以爲令世稱安定先生

司馬光字君實諡文正陝州夏縣人學無不通惟

不喜釋老曰其微言不能出吾書其誕吾不信也著有資治通鑑二百九十四卷通鑑舉要八

十卷

尹焯字彥明一字德充宋洛陽人師事伊川有篤行靖康初召至懇辭還山賜號和靖處士著有論語解及門人問答傳於世

胡安國字康侯諡文定福建崇安人宋王安石廢春秋安國曰此聖賢傳心之要典乃潛心是書作春秋傳又有文集十五卷資治通鑑舉要補遺一百卷

李綱字伯紀諡忠定宋福建邵武人負天下之望

以一身用舍爲社稷生民安危著有易傳內外  
篇論語詳說等書

張栻字敬夫號南軒諡曰宣魏國公浚子朱四川  
綿竹人聞道甚早與朱子善著有論孟太極說  
希顏錄洙泗言仁錄諸葛武侯傳經世紀年行  
於世學者稱南軒先生

陸九淵字子靜諡文定宋撫州金溪人出呂祖謙  
之門與朱熹論辯多有不合嘗言君子喻義章  
朱熹以爲切中學者之病世稱象山先生

黃幹字直卿諡文肅宋福建閩縣人志堅思苦朱  
熹以女妻之及熹病以所著書授幹曰吾道之

託在此著有論語通釋世稱勉齋先生

真德秀字景元

一作希元

諡文忠宋福建浦成人韓侂

胄立僞學之目以錮善類德秀晚出慨然以斯  
文爲自任正學復明於天下多其力也著有大  
學衍義清源雜志讀書記西山文集世稱西山  
先生

何基字子恭諡文定宋婺州金華人師事黃幹窮  
伊洛之源著有大學語孟太極通書西銘近思  
錄

文天祥字宋瑞號文山宋江西廬陵人封信國公  
浩然之氣根於道義著有文文山集十六卷



陳澔字可大宋南康都昌人潛心理學著有禮記

集註

金履祥字吉父諡文安元浙江蘭溪人事王柏從  
登何基之門絕意進取作通鑑前編他如論孟  
大學諸經傳及禮樂各有註疏授其門人許謙  
以傳世稱仁山先生

許衡字平仲諡文正元河南懷慶人嗜學如飢渴  
夜思晝誦身體而力踐之從姚樞得程氏朱氏  
書益大有得世稱魯齋先生

薛瑄字德溫號敬齋諡文清明河東人學本程朱  
其修己教人以復性爲主人皆稱爲薛夫子著

有讀書錄二十卷河汾集行世

陳獻章字公甫諡文恭明廣東新會人從吳與弼  
講學臨川歸築陽春臺居之其學以靜爲主世  
稱白沙先生

蔡清字介夫諡文莊明福建晉江人著密箴五十  
條書置卧處又著易經四書蒙引綱目垂筆行  
於世其學初主靜後主虛世稱虛齋先生

呂坤字叔簡號新吾明河南寧陵人以瑟僂爲治  
心之要若有呻吟語心紀道脈圖四禮翼去僞  
齋集實政錄世稱沙隨夫子

孫奇逢字啟泰一字鍾元號夏峯直隸容城人潛

心懃治諸儒之緒兩朝徵聘十一次不起天下  
稱爲徵君著有讀易大旨五卷四書近指二十  
卷中州人物考五卷理學宗傳二十六卷聖學  
錄歲寒居文集

劉宗周字啟東號蕺山諡忠介明末浙江會稽人  
其學以存誠爲要居敬爲功著有劉子全書百  
餘卷學者稱爲念臺先生

陸隴其號稼書諡清獻浙江平湖人居敬窮理繩  
尺考亭著有四書大全松陽講義困勉錄三魚  
堂集

崇聖祠

肇聖王木金父位正中南向

裕聖王所父位東一室南向

詒聖王防叔位西一室南向

昌聖王伯夏位東二室南向

啟聖王叔梁紇位西二室南向

東配西向先賢

顏無繇字路

曲阜碑作子路

顏淵之父孔子始教於闕里

而受學焉少孔子六歲

孔鯉字伯魚子思之父生於昭公九年既長昭公

以幣聘之稱疾不行

西配東向先賢

曾點

先賢傳贊碑同

字皙曾參之父

孟孫氏名激孟軻之父

東列西向從祀先儒

周輔成周敦頤之父

程珦程顥程頤之父

蔡元定字季通蔡沈之父朱子叩其學曰此吾老

友也不當在弟子之列著有律呂新書學者稱

西山先生

西列東向從祀先儒

張迪張載之父

朱松字喬年朱熹之父究心河洛宗旨成大儒嘗

至聖先師孔子神位木主高二尺三寸七分濶四寸厚七分座高四寸長七寸厚三寸四分朱地金書

木主定式

至聖先師孔子神位木主高二尺三寸七分濶四寸厚七分座高四寸長七寸厚三寸四分朱地金書  
四配木主各高一尺五寸濶三寸二分厚五分座高四寸長六寸厚二寸八分十哲及東西廡先賢木主各高一尺四寸濶二寸六分厚五分座高二寸六分長四寸厚二寸東西廡先儒木主各高一尺三寸四分濶二寸三分厚四分座高二寸六分長四寸厚二寸俱赤地黑書啟聖

祠同

名宦祠在大成門東祀歷代名宦二十五人

李思迥

陳 槩

陳永彰

劉鶴齡

吳邦俊

龔漢臣

蔣 科

趙 謙

林 志

陳應禮

梁尙道

林嗣環

吳啟爵

朱之光

張萬言

何 澄

賈 棠

孫起範

朱宏祚

闕必登

楊文乾

王 贊

孔毓珣

楊宗仁

郝 墳

鄉賢祠在大成門西祀歷代鄉賢五十三人

姜唐佐

陳 孚

陳應元

蔡 微

唐誼方

張善教

唐 舟

王克義

薛遠

邱濬

邱敦

林宗哲

馮禹

唐胃

陳寶

吳效

蔡士儲

蔡伯祥

林士元

陳大章

陳常

汪有執

俞宗梁

曾鵬

吳會期

楊愷

吳誠

陳天然

鄭廷鵠

黃顯

廖士衡

許益光

李應和

黃宏宇

海瑞

陳傅嘉

黃宏憲

劉裁正

陳應辰

王汝爲

梁雲龍

陳大有

王時元

陳大烈

王天麟

許子偉

林應龍

何其義

陳小頑

謝應華

潘之楫

張裕美



梁忌泰

鄉飲酒附

明洪武初年詔歲孟春孟冬有司與學官率鄉老  
行鄉飲酒禮於學校十六年始定制歲以正月  
望十月朔舉行先期預推境內士大夫齒德尊  
者爲賓次爲介爲衆賓肅啟延之屆期味爽焚  
專者宰牲具饌布席主及僚屬司正先詣學遣  
使肅賓比至執事者報賓至主率僚屬出迎庠  
門外三掛三讓而後升堂再拜就位賓位西  
主位東司  
正行揚觶禮執事者授酒司正舉酒揚觶曰恭  
惟朝廷率由舊章敦崇禮教舉行鄉飲非爲飲

食凡我長幼各宜勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生讀畢司正飲酒畢復位乃唱讀律令執事者舉案引讀律令者至案前北面立賓僕以下皆供聽聽畢各揖就位執事者舉饌案賓主交置酒於席畢各就位鳴鐘鼓歌鹿鳴諸詩執事者唱獻酬獻酬畢交拜就位執事者唱飲酒或三行或五行乃起執事唱徹饌主東賓西贊兩拜東向望闕謝恩揖出主人送賓以次下堂分東西行三揖出庠門而退


周朝順治二年

行鄉飲酒禮於學宮康熙十七年奉裁鄉飲銀春冬

三十兩禮遂寢二十三年奉文復給六兩乃復舉

行或行或寢雍正元年復奉

旨加謹舉行乾隆二年刊發儀注坐次圖式於學宮



建置志三 書院 書院田 賓興田

宋

東坡書院在郡城北以東坡安置昌化時嘗寓此  
有雙泉遺蹟後北歸郡人思之建書院肖像記  
焉外有錦衣堂洞酌臨清濯纓等亭元設山長  
爲生童肄業之地置學田租七十石趙孟頫書  
額明天順間遷小西門外舊址遂廢成化四年  
知府蔡浩復遷於府治東十二年知府蔣琪重  
修亦呼東坡祠

附郭社學宋慶元初郡守劉漢創建

仁政鄉校在遵都鄉人捐建元廢今故址尙存

元

珠崖鄉校在縣南十九里上那邕都今廢

惠通鄉校在縣東四十里符離都今廢

蒙古學今廢

明

桐墩書院在縣東五里正統間貢生陳文徽建學

士劉儼有記

同文書院在府治西成化九年副使涂棐建歲久

圯塌後爲參將署 國朝順治四年改爲游擊署

奇甸書院在郡城西北隅大學士邱潛建後改

賢祠今爲文莊專祠

西洲書院在郡城東一里許正德間侍郎唐胄建  
叅議張簡題曰養優書院後副使王宏按瓊始  
易名西洲今廢

崇文書院在府治東舊城隍廟基址嘉靖三十二  
年副使陳茂義建初祀督府蔡經尋改爲書院  
後圯

石湖書院在博崖都西湖上嘉靖間叅政鄭廷鵠  
創建今廢

粟泉書院在金粟泉上卽宋東坡書院舊址萬歷  
乙卯郡守謝繼科建講堂及書舍十間置田以  
贍生徒久圯

買胡大勳田一庄共十一坵價銀  
三十兩每年租米三十石六斗七升

撥許大設官園一庄土名六角井共三十坵每年租米一十三石零七升候可贖田土名流馬橋等三坵每年租米一石九斗一升經推官傅作霖委勘丈量分貼收租爲諸生會課肄業資

石門義學在大攝都成化間貢生吳旦等建置田供學之資大學士邱濬有記

南關精舍在郡城南郭旁有坊曰道義之衢宏治間邑人吳效等建

敦仁義學在縣西萬曆間給事中許子偉及林有鶚等建以學行庠生馮生虞爲師

城東社學在東門外南濠街

城南社學有二一在小南門外洗夫人廟左一在大南門外沙井南明末已廢兵民雜居 國朝



康熙七年貢生張履吉生員陳九德等呈請鏡  
府會勘清復舊址

城西社學在四牌樓西街

城北社學在海口南門外

珠崖社學在上那邕都

仁政社學卽宋鄉校舊址

以上七學俱成化間建

衛學應襲書館在舊衛治東宏始間副使陳英建

設掌教一人專訓武弁子弟

水會社學在林灣都萬歷二十八年撫黎通判吳

俸建延師專訓黎童并置學田今廢

按明初詔天下每十五家設一社學延生員有  
學行者訓軍民子弟正統景泰間復檄郡邑  
選良士主社學以訓童蒙舊志載成化間瓊  
山社學八十有一可紀者僅存其七餘俱無

考府志

國朝

瓊臺書院在郡城內丁字街康熙四十九年巡道  
焦映漢創建集闔郡生童肄業其中始置田產  
以資膏火五十年巡道申大成立社課文每月  
給諸生銀一兩佐薪水之費乾隆元年巡道黃  
輝因府治義學原有北沖河口攀丹北麻等田

及藩司撥入定安陳村田十一丁至雍正十年  
知府宗思聖將攀丹北麻田撥入文明樓爲香  
火費尙存陳村北冲河口田三處共二十五丘  
一十一丁後義學荒廢錚以陳村田撥入書院  
五年巡道劉庶又將北冲河口田併歸書院三  
十八年巡道德慶重修嘉慶二十三年督學傅  
棠捐助經費洋銀四百員二十五年巡道費丙  
章倡率官紳相集洋銀五千餘員添買西邊民  
房一所改建書院轉向南園以垣墉旁闢大門  
西向恢擴基址增修書舍除支銷工費外尙餘  
錢三百五十千文道光五年巡道周鳴鑾復倡

官紳續捐銀四千兩七年巡道喻溥又捐俸錢  
四百千文陸續置買田地數處尙餘錢三千零  
八十四千零分交瓊山縣及庫大使轉發當商  
生息每年所有各項租息銀錢由該管有司催  
收按季批解道庫支給掌教監院修脯及正內  
課生重膏火視舊倍增各有定額經前道周鳴  
鑾詳議章程條規咨呈院司備案勒碑存院二  
十九年巡道黃宗漢將南邊齋舍改大門南向  
西邊添造齋舍兩間並增土子膏火

雁峯書院在城內東南隅舊郡庠遺址面對雁塔  
三元峯故名雁峯社學乾隆三十六年邑紳吳

福等八家

吳福吳必祿杜常輝馮文煥溫星隱  
溫維新何朝輔毛映斗共八家

共捐銀四千兩建講堂五間東西齋十二間大

門三間除修建工費外餘銀生息以爲延師修

脯歲久頗頽道光三年署知縣于學質捐廉倡集邑

紳共捐洋銀五千四百七十六員并銅錢三百一

十千文又紳士吳玠繳出前存本息銀二千二

百員合共銀七千六百七十六員并銅錢三百

一十千文修葺講堂齋舍拔貢生王天佑綜理

其事除修葺工費并置買田地外尙存錢二千

千文發當商生息添設生童膏火改其額曰瓊山

雁峯書院議定一切規條通詳各憲立案勒碑存

院道光九年知縣蘇榮集紳士續捐洋銀三千八百六十員付林瀛王魁銜收掌易制錢三千文連前統計本錢五千千文均發當商生息咸豐元年知縣張需九邑紳蔡藩張伯琦黃建策等請集官紳商民捐資重建工竣尙存捐資錢二千餘千文連前項共錢七千餘千文除咸豐六年置買漢眉庄田二契共去錢四千九百六十千零四百七十文尙存錢二千餘千文俱交當商生息以爲修脯膏火之費肄業正兩課生童膏火額數與瓊臺書院同

蘇泉書院在浮粟泉上乾隆十年知府于需知縣楊

宗秉因二蘇祠捐建堂舍通計四十七間

前大廳三

楹後講堂三楹中間捲簷二間大廳前左右學舍六間其東鑿山填壘分爲三進二級共學舍

二十八間其復於泉上建六角亭翼以雕欄欄

外鑿池植荷以爲息遊之地共費銀二千餘兩

知府于霈有記

載藝文○舊志廳堂俱云重修碑作新建浮粟泉上亦作浮粟

泉十七年改建龍王廟泉上堂廳俱廢其餘歲

久亦漸次傾圮三十九年巡道陳用敷知府蕭

應植同知陳景垣率闔郡官紳建復講堂後堂

文奎樓各三楹於舊址之右而祠二蘇於堂陳

用敷爲之記未幾復圮五十八年知府葉汝蘭

倡率官紳捐資重建前爲書院講堂後爲二蘇

祠嘉慶十四年知府張增重修仍稱東坡書院  
海門書院在海口所城北門外江張二公祠之左  
雍正間郡人陳國安等倡建以祀太守宗思聖  
并置書院前舖屋二間歲收租銀爲香火費日  
久傾圮乾隆間商人義利行等捐項重修餘存  
貯以垂永久

瀛海書院卽海門社學在海口所城內康熙十八  
年宦紳商民捐建外鑿東西月池徧植芙蓉知  
縣茹鉉董其事有記後爲水師右營守備署四  
十一年生員郭九圍等呈請督撫批府斷該營  
繳價銀一百兩知府賈崇詳明置買琴丹等處



田歸八府治義學監生譚世傑等欲復其舊醜  
金未足乾隆三十一年生員嚴孔熾等首倡勸  
捐得洋銀八百有奇別購地於海口所城東北  
隅建講堂齋舍大門門前有池池中建魁星樓  
一座顏曰蔚文樓亘以石橋年延師講習知府  
蕭應植有記道光二十三年監生麥成澤文其  
煥等倡捐重修齋舍并修講堂大門改名滄海  
書院

南關義學在鄉約後康熙二十五年副使程憲鄧  
守修湘年建今廢

府治義學在府署大門內右本經歷司舊廨康熙

四十一年知府賈宗改爲義學捐俸延師集闈  
郡生童肄業復置北冲都田二十五畝以供膏  
火後廢田歸瓊臺書院

珠崖書院卽府治義學久廢

珠崖義學在郡城西南隅久廢道光八年巡道喻  
溥修復各鄉義學查其房舍已爲吳氏管業乃  
令瓊山縣蘇榮勸瑾子孫捐出復建義學以還  
舊每年延師修脯由瓊山縣按季捐送

樂古書院在郡西十里小英村明宏治開提舉汪  
廷貞建爲義學內有懷沙亭後廢舉人陳家修  
柯呈秀等修葺歲久復圯 國朝道光七年廩

生陳瀛柯拔萃等捐修郡守普祥知縣錢萬選  
撥每年鹽批錢四十千文爲延師脩脯

樓賢軒在北點村明結社軒中讀書者先後登鄉

會榜十餘人如進士符銘舉人馮士俊馮源馮

清三父子周冕周諤二兄弟符筌符貞梁繼張

玉張瓚俱從軒中擢巍科

採訪冊

三台書舍在雷虎都儒本村乾隆間吳啟賢等倡

建并置學田進士王之藩舉人吳魁朝王榮誦

讀於此同科中式有文風丕振匾額今尙存

隘峯社學在靈山六神廟右乾隆四十七年郡守

蕭應植率屬同建

寶蔭社學在大那邕都乾隆八年吏員吳宗義建  
虎峯書舍在雷虎都儒成村乾隆間鄭文舉等重  
建捐貲以備脩脯

蔚起社學在文興都乾隆間吳龍馮有琥仝符蘇  
二姓建捐貲以備脩脯膏火歲久傾圮膏火不  
充琥孫獻琛倡捐重修存貯生息以垂永久

範賢義學在郡城小西門內舊爲文昌閣道光八  
年貢生林瀛等呈請知縣蘇榮改爲義學

翰香書院在胥都咸豐二年附貢王中裕吳攀桂  
仝各圖衿耆等捐建捐貲興錢一千餘千文交  
殷實衿耆掌管生息以爲院考鄉會試卷資公

項之費

環江書院在調塘二圖曉坡村張家園之西咸豐  
五年貢生張伯琦合十家建巡道黃鐘音有記  
載藝文

登瀛社學在蘇尋一圖嘉慶元年紳士韋廷璋馮  
獻焜集十八友建獲爲文昌閣道光三十年焜  
曾孫庠生麟與璋姪獻祥仝諸友重修改爲社  
學

梯雲義學在城東南一百五十餘里坡口屯道光  
十五年職員周進祿合族捐建置學田錢一千  
餘千文以資膏火

青雲社學在城東南一百五十餘里坡口屯咸豐  
五年建道光二十九年邑紳周書等集徐家聖  
鹿官隆各圖紳士共捐錢二千餘千文置田以  
供賓興之資

安仁社學在安仁都道光十年生員王元洪黃元  
善等建十四年監生葉茂輝倡相通都得銀千  
餘員生息以爲賓興膏火之費

泮池社學在萬都一圖道光十七年丁元章等倡  
捐生息置田以爲賓興膏火之費

永茂文昌閣在遵都永茂嶺道光二十八年吳有  
訓等建并捐賓興

文明義學在龍塘都永拱村咸豐三年生員陳治  
典集眾建

蔚文社學在蘇尋二圖牛山地咸豐四年馮思循  
集眾建

炳文書院在舊州墟舊爲文昌閣咸豐六年紳士  
高錫淳黃振仁協仝各都市衿耆商民等捐建  
改爲書院并捐錢千餘緡交當商生息以爲資  
興之費以上俱  
採訪冊

瓊臺書院田

一瓊山縣天堂庄田二百七十九畝零一截每年  
額收租米四百二十八筭折繳價錢五十五千

六百四十文

分兩  
季繳

一瓊山縣牛車肚庄田一百二十八坵每年額收

租米三百八十三石折繳價錢一百二十四千

七百九十文

分兩  
季繳

一瓊山縣北冲庄田八坵每年額收租米二十八

石折繳價錢二千九百九十文

分兩  
季繳

一瓊山縣河口田一十七坵每年額收租米三十

二石折繳價錢四千一百六十文

分兩  
季繳

按書院碑載天堂牛車北冲河口四處田每年

共租米八百九十四石四升八合現交庫大使

批佃承耕實收租米八百七十一石計短收租



米二十三筧四升八合未審因何豁減及始自  
何年茲特註明以俟查考

府志

一瓊山縣南坤峒田每年繳租錢二十二千文此  
田置買年月未詳

一定安縣土名牛路邁粗陳村門口埔等田十六

丁計二百三十坵每年額收租米三百四十五

筧一升

內除九十筧完糧實存  
米二百五十五筧一升

又土名蒙頭溝

低陳村埔等田十一丁計一百四十七坵每年

額收租米三百筧

內除八十筧完糧實  
存米二百二十筧

每年二

共折繳價銀七十六兩二錢三分六厘

一文昌縣詳報丈溢林渭仁充公田係乾隆三十

二年巡道王錦撥入書院每年折繳租銀四十

九兩二錢三分

分兩  
季撥

一儋州詳報丈出客民續墾蔗地除撥歸東坡書院外乾隆三十二年巡道王錦批撥租錢三百

千文每年解歸書院嘉慶八年知州曹世華查

地多荒廢無力墊解詳請減租錢五十千文二

十四年署知州鄧寅春因各墾戶逃散征收不

足稟巡道批准將應解蔗地租錢一百五十千

文內除一百千文分派各州縣勻捐其餘五十

千文仍歸儋州征解

每年瓊山登邁各捐解錢一千零八百文定安文昌

萬州崖州臨高各捐解錢九千二百文會同樂會各捐解錢七千二百文儋州除應征解錢五

十千文外仍勾派一分捐錢九千二百文共計錢一百千文

一 道光五年價買澄邁縣岑崙市考董庄田一百零二坵計七十八畝零原收租米一百二十筧又慷慨庄田七十五坵計六十九畝四分零原收租米一百一十九筧又走馬庄田一百六十七坵計一百四十六畝二分零原收租米三百八十七筧以上三庄共田三百四十四坵計二百九十三畝七分零共用價銀一千五百圓每年通共收租米六百二十六大筧較瓊山筧大十之五折繳制錢一百一十五千文分兩原載民米三斗二升一合黎米四石九斗七升三合每年完丁

賦銀五兩一錢五分九厘正耗襍費在內

一道光五年契買臨高縣多文庄田一百三十九

坵後將小坵併八大坵實田一百二十坵原載苗米三百八斗五

升三合用價銀一千四百圓每年批佃承耕折

繳租錢一百三十千文分兩季繳

一嘉慶二十四年契買瓊山縣署前仁和坊民房

一所坐北向南正屋三楹并兩廂厨舍共十二

間用價銀五百一十圓每年收租錢三十千文

分兩季繳

一嘉慶二十五年巡道費內章倡捐生息一項本

錢三百五十千文交瓊山縣發商生息每年收

息錢五十四千六百文分四季繳

一道光二年巡道周鳴鑾倡捐生息一項本銀一

千五百二十六兩九錢換得銅錢一千九百六

十四千零八十三文交瓊山縣發商生息每年

收息錢二百三十二千零九十二文分四季繳

一道光五年巡道周鳴鑾續捐生息一項本錢四

百千文交庫大使發商生息每年收息錢六十

二千四百文分四季繳

一道光七年巡道喻溥捐助生息一項本錢四百

千文交瓊山縣發商生息每年收息錢四十八

千文分四季繳

一 乾隆四十四年吳元貞送入定安土名坡村田  
四丁值價銀三百八十兩每年收租錢二十八  
千文道光十五年十二月署巡道張琦春具定  
安縣詳批准吳宏斌孫吳大禹照原價贖回所  
繳價銀易制錢五百五十二千九百文交瓊山  
縣發商生息每年收息錢六十六千三百四十

八文

分四季繳

一 各州縣每年捐解東修銀共六十兩

瓊山儋州各六兩澄

邁文昌定安萬州崖州各五兩臨高會同樂會陵水各四兩昌化感恩各三兩五錢

以上各項田地租息及各州縣捐解修金每年  
通共收紋銀一百八十五兩四錢六分六厘并

制錢一千零九十六千四百二十文

雁峯書院田

一澄邁縣那堯簡庄等田共一十三丁并七十七畝又自冲頭至冲尾一帶相連一坵道光三年紳士吳玠繳出田契六紙共抵銀一千九百圓每年額收租米五百五十八大筧原載苗米二斗三升黎米三石一斗一升民米九升屯米六斗照數本色輸納並無雜費

一縣屬琴丹北麻等處田共九十工前知府賈棠捐入義學道光三年撥歸書院每年收租米一百八十筧內除完糧又將米二十五筧撥給禮

生外實存米一百五十五筧

一道光二年契買吳大章澄邁西黎都大類庄等處田共一十八丁計一百八十坵用價錢七百四十二千五百文每年共收租米三百四十大筧原載苗米四石一斗三升一合五勺又契買澄邁西黎都黑面村土名邦塘馬填后頭下塘等處田共二丁半計四十一坵用價錢二百二十五千文每年共收租米一百大筧原載苗米六斗以上共田二十丁半每年共納地丁銀五兩三錢七分三厘民米一石零四升五合七勺道光四年撥入瓊山縣畸吟甲公田內輪納並



無雜費

一咸豐五年契典鄭芝庭定邑嶺口庄扶南洋山脚等處田一十三丁半計大小田五百四十三坵半隨田秧地四十五坵半用典價錢二千四百六十六千文雜費錢五十五千七百七十文每年共收租米一千零五十石種子二十一石六斗五升原載條銀二兩零三厘倉米四斗九升一合

一咸豐六年契買林中麟臨邑漢眉庄武黎等處田一百五十九坵種子三十二石八斗七升並澄邑一十六坵種子二石五斗零三合共用價

錢二千二百千文印契雜費錢二百三十八千  
七百文每年共收租米一千筧原載臨邑苗米  
五石六斗一升六合澄邑苗米三斗七升四合  
一府學前舖屋六間坐南向北道光三年撥入書  
院每年共收租銀四十圓

一當商悅來義利等節省公費撥入書院每年應  
繳洋銀二百八十圓

一知縣于學質簽捐錢文分兩次發商生息一次  
本錢一千二百千文每年收息錢一百一十五  
千二百文又一次本錢八百千文每年收息錢  
九十六千文俱四季分繳

一知縣蘇傑簽捐生息一項本錢三千千文收息

錢二百八十八千文

四季分繳

一重建雁峯書院捐資存錢二千餘千文

以上三項共錢七千餘千文除置買田地外尙存錢二千餘千文又每年租米三千二百零三石又撥帮公費及舖租等項銀三百二十圓俱交首事經理發商生息除支銷師生修火外餘存生息以資歲時修葺之費其首事闔邑公舉端方殷實紳士充當三年輪換

### 寶興田

一縣屬加丁坡庄等處田二十六丁完糧銀六兩

一錢九分八厘二毫民米一石五斗三升八合  
每年共收租米五百七十七大笨

按此田係雍正三年闔邑士民按糧捐置以給  
里胥編審諸費乾隆四十一年編審奉裁邑人

呈請知縣汪屋將田撥爲寶興之資

府志

一新置掃晒坡庄等處田六大丁并中田六丁完  
糧銀一兩四錢零一厘民米三斗三升八合每  
年共修租米五百一十七大笨

一新置水色庄等處田二十丁完糧銀九錢六分  
二厘民米三斗六升三合每年共收租米三百  
二十四大笨

一新置加橫庄等處田九丁每年共收租米二百零一大笨又加令庄田一丁每年收租米二十八大笨每笨得批冲老一笨五升共完糧銀一兩二錢九分民米二斗二升七合

按新置掃晒坡等田四庄係嘉慶二十四年恩貢生吳玠捐出洋銀五千圓交舉人王承烈經理除置田外尙存銀二百圓撥爲府學香火費有碑記府志

以上新舊賓興田每年通共額收租米一千六百三十五大笨俱交經理首事催收知會近鄰紳士隨時變價俟大比之年諸紳訂期齊集文

明樓祭祀畢將積存銀數公同核清除支浮粟  
 泉蘇公祠并伏波廟香火及完糧各費外餘存  
 若干爲鄉會試卷資其首事公舉殷實者二人  
 經理三年輪替

按瓊山新舊賓興并雁峯書院田丁賦向寄各  
 花戶輪納道光四年瓊山知縣于學質俱撥入  
 畸畝甲公田戶內輪納每兩止加耗銀一錢六  
 分九厘民米每石繳紋銀五兩一錢并無雜費  
 遞年照數完納

府志